

KALIKATA LITTLE MAGAZINE LIBRARY-O-GABESHANA KENDRA
18/M TAMER LANE, KOLKATA-700009


Record No. KLMLOK 2000	Place of Publication ২৫/২ (অসমীয়া) (৩য়, গুৱাহাটী)
Collection - KLMLOK	Publisher (অসমীয়া) কল
Title অসমীয়া বই	Size ৭.৫" x ৭" 11.43 x 17.78 c.m.
Vol. & Number: ১৩/১ ১৩/৪ ১৩/৫	Year of Publication ১৯৬৩, ১৯৬৩ ১৯৬৩, ১৯৬৩ ১৯৬৩, ১৯৬৩
	Condition: Brittle Good ✓
Editor: (অসমীয়া) কল	Remarks:

C/D Roll No. KLMLOK

শনিবারের চাঁচ

ফাল্গুন ১৩৫৩ : দ্বিতীয় বর্ষ
FEBRUARY : Price 6/

সম্পাদক :
শ্রীমতীকান্ত দাস



স্নানযোগ্য

কি ধর্মাসুষ্ঠান, কি সামাজিক ক্রিয়াকর্ম ও আন্দোলনসমূহ—আমি আমাদের সমাজ-জীবনের প্রত্যেক অঙ্গুষ্ঠানেই একটি অঙ্গবিশেষ। কাজেই জন্ম থেকে মৃত্যু পর্যন্ত আমাদের জীবনব্যাপ্যকে বিরাট একটি প্রানব্যাপার সঙ্গে তুলনা করলে অস্বাভাবিক

করা হবে না। বৈশম্যনি জীবনেও প্রানের আনন্দ পরিপূর্ণভাবে উপভোগ করতে হলে 'রেণু' সাবান মেলে ভাল করে দেখবেন। 'রেণু'-র সুগন্ধি ফেনরাশি শরীর গিঁড় ও পরিষ্কার করে প্রানের স্নাতক অশান্তি মুক্তির জোলে মনে। এক ভণের তুলনার মামেও 'রেণু' হলত।



সোল সেলিং এজেন্টস :

সূচা

ফাল্গুন ১৩৫৩

সাহিত্যে স্বামী ও নকারী	সংখ্যা	...	৩৬৭
—শ্রীশ্রীকুমার দ্বন্দ্বপ্র	বিরূপাক্ষের চিত্র—শ্রীবিরূপাক্ষ	...	৩৬৮
পুরাতনের সংকীর্ণ	নবপরিচয়—শ্রীঅমলা দেবী	...	৩৬৯
অ'প্র—'নবমূল'	পত্রচিত্র—তারাপঙ্কর বন্দ্যোপাধ্যায়	...	৩৭১
মহাত্মবির আভাস—'মহাত্মবির'	সংবার-সাহিত্য	...	৩৭২

শোনিবান্ধের জিভি'র অগ্রিম ডাঁদান হান

বার্ষিক ৪৫০ ও ষাণ্মাসিক ২৫০; প্রথম সংখ্যা ডি.পি.তে পাঠাইয়া চাঁদা আদায় করিতে হইলে—ষাণ্মাসিক ৪৫০ ও ২৫০; প্রতি সংখ্যা রেজিস্টার্ড বুক-পোস্টে পাঠাইতে হইলে—ষাণ্মাসিক ৭ ও ৩০। প্রতি সংখ্যা ডাকে ১/১০; ডি.পি.তে ১/০। বর্ষ পারস্ত কান্তিক হইতে; গ্রাহক যে কোন মাসে হওয়া যায়।

৭০০০০৬-জাতকক 'শ্রী শ্রী চাঁদা' ১৯/৫৫
৪৫০/১৯৫৫১৬

ডাকেরেরা বহুসংখ্যক

ব্লাড-ভিটা

দুর্বলতা ও ফয়জবিত যে কোন রোগে আক্রান্ত হইলেও রক্ত পরিপূর্ণক!

অগ্রিমক মনুরে মনুরে
মেডিকেল ক্লিনিকার্ লেবরেটরী
পি, ২০, সেন্টাল এজিটিক্টে, কলিকাতা

কলিকাতা লিটল ম্যাগাজিন লাইব্রেরি
ও
গবেষণা কেন্দ্র
১০/এম, চামার লেন, কলকাতা-৭০০০০৯



বাঁ মা দেশের মেয়েদের ঘর্ষণ, বাজল ও বিকৃত কেশ-রাশি অস্ত্রাঙ্গ-প্রবেশের পরকেশী উদ্ভাবনের প্রশংসায় বস্তু। ফকবতই বাহাগী মেয়েদের কেশবিস্তার বিধি মৌলিক পদ্ধতি দেখা যায়। কেশের এই সৌন্দর্য বজায় রাখতে কেশতৈল বাহাগী মহিলাদের পক্ষে একটা অপরিহার্য অসাধন সামগ্রী। দেশের বৃদ্ধি ও সমৃদ্ধতা যদি অক্ষুণ্ণ রাখতে হয়, রূপচর্চায় কেশের স্থানই যদি সর্বোচ্চ হয়, তা হলে কেশমূল যাতে সতেজ থাকে, তার জন্য বিশিষ্ট কেশতৈল দ্বারা তা নিয়মিত র্ধন করতে হবে। **বাথগেটের** পরিষ্কৃত ও সিদ্ধ রক্তপূর্ণ **ক্যাণ্টর অয়েল** একশো পঁয়ত্রিশ বৎসর ধরে কেশচর্চায় সুনাম অর্জন করে আসছে। আপনার নিকট এর বাগা সেই স্থানমের উপরই আভিষ্ট।

ব্যাথগেটের
পু বা সি ও
ক্যাণ্টর অয়েল



Bathgate & Co. Ltd.
CALCUTTA BOMBAY LONDON

টেলিফোন : ক্যাল ১৪৫০

টেলিগ্রাম : বিল্ডট্রাস্ট

বিল্ডিং এণ্ড ল্যাণ্ড ট্রাষ্ট (ইণ্ডিয়া) লিমিটেড

৩নং ম্যাঙ্কো লেন : কলিকাতা।

ব্রাঞ্চ : কদমকুয়া (পাটনা) ৯২, লার্চুন্স রোড, লঙ্কো।

স্বচ্ছতার পরিকল্পনায় আমাদের অংশীদারগণকে সহজকিছিতে গৃহনির্মাণের সুযোগ ও ৫০০ শত টাকার বিনিময়ে পুরুষাঙ্কমে ৫ বিঘার জমির খাজের অর্ধাংশ দিয়া থাকি। বিভিন্ন স্বাস্থ্যকর স্থানে কলোনী স্থাপন করিয়া পুনর্বসতির সহায়তা করিতেছি। ১৯৪৫ সালে ৬% আয়করমুক্ত লভ্যাংশ দেওয়া হইয়াছে। বিস্তারিত বিবরণের জ্ঞান লিখুন।

দিনবাদের চিঠি

১৯৩ বর্ষ, ৫ম সংখ্যা, ফাল্গুন ১৩৫০

সাহিত্যে স্থায়ী ও সঞ্চারী

সাহিত্যে বাহা স্থায়ী ও সঞ্চারী, জগতে ও জীবনে তাহাকে এক হিসাবে বলা যায়—শাব্দ ও চলমান, অথবা স্থিতি ও গতি। শব্দ দুইটির সম্পর্ক হয়তো ধানিকটা আপেক্ষিক, অর্থাৎ হয়তো মাছের যুগাঙ্গণ ধারণা-অনুযায়ী কতকটা সৌম্যবদ্ধ। কিন্তু ইহা বলিলেই উহাদের তাত্পর্ষ পরিষ্কৃত হয় না; কিঞ্চিৎ বিশদ বিশ্লেষণের আবশ্যকতা থাকে।

স্থায়ী কি? অস্থায়ী কি? সঞ্চারী কি? অস্থায়ী ও সঞ্চারী না হইলে স্থায়ীর অভিব্যক্তি ও আধাদান সম্ভবপর কি? চলমানের পরিপ্রেক্ষিত ভিন্ন শাব্দতের প্রকাশ ও উপলব্ধি হইতে পারে কি? গতি না থাকিলে স্থিতি-তত্ত্বের অর্থ হয় কি প্রকারে? অবিচার সাহায্যে মৃত্যু অতিক্রম করিতে না পারিলে বিজ্ঞা দ্বারা অমৃত-লাভ ঘটে কি? ভাবের জায় রসেরও স্থায়ী ও সঞ্চারী রূপ আছে কি? স্থায়ী ভাব হইতে রসোৎপত্তির জায় সঞ্চারী অথবা ব্যক্তির ভাব বলিয়া বাহা পরিচিত, তাহা হইতেও অবস্থাবিশেষে রসোৎপত্তি হইতে পারে কি? সঞ্চারী না থাকিলেও অবস্থাবিশেষে কেবল স্থায়ী ভাব হইতে রসাদান হয় কি? স্থায়ী ও সঞ্চারী ভেদ ভাবের জায় দীর্ঘপঞ্জাজাত রম্যার্থেও লক্ষ্য করা যায় কি? সাহিত্যে স্থায়ী ও সঞ্চারী সম্পর্কে এইরূপ অনেক প্রশ্নই উঠিতে পারে। আলোচ্য প্রবেশক বিষয়গুলি আলোচনার ভূমিকা রচনা করা হইতেছে মাত্র।

শাস্ত্রাজ্ঞ দেশে সাহিত্যকে বলা হইয়া থাকে, “the core and spirit of both history and philosophy”—ইতিহাস ও দর্শন উভয়েরই মর্মবস্তু এবং আত্মা। আধুনিক কবি ডি. এন. স্মোল্ডেন বলেন, “The mind and spirit of an age survive mainly in its literary expression, through books”—যুগের মন ও আত্মা তাহার পুস্তকগত সাহিত্যিক অভিব্যক্তির মধ্য দিয়াই প্রধানত বাচিয়া থাকে। তাহা হইলে মানব-সংস্কৃতির মুখ্য প্রকাশ তাহার সাহিত্যে। এই সাহিত্য শব্দার্থের আশ্রয়ে পুস্তকে লিপিবদ্ধ থাকে।

আমাদের প্রাচীনতম কাব্যগ্রন্থ রামায়ণে বোধগা করা হইয়াছে—

নবেন্দু বোমেন্দু—

সম্প্রকাশিত

প্রান্তরের গান

প্রাকৃতিক যুগ থেকে আগষ্ট আন্দোলন পর্যন্ত যুগান্তকারী আলোড়নের পটভূমিকার বাঙ্গলার গ্রাম্যজীবনের হৃৎকণ্ঠ নিয়ে সম্পূর্ণ বাস্তব-বৃষ্টিতে লেখা হৃৎকণ্ঠ উপস্থাপন।

দাম—৪৮

তান্নাপদ রাহান

সম্প্রকাশিত ছোট গল্প-সংগ্রহ

শুভার কবিতা

বাংলা সমাজের নানা ছোটখাট সমস্যা আর সহজ হৃদয়ের কতগুলি চরিত্রকে নিয়ে নয়টি গল্প।

দাম ২৮

অনুবাদ গ্রন্থ :

ভাষি ভাসিলিভেভস্কার

ভালবাসা (Just Love) ২১০

টাইমবেকের

অস্তগামা তাঁদ

(THE MOON IS DOWN) ২১০

ছোটদের বই

স্মোলিক ১১০

(একটি বুনো ঘোড়ার কাহিনী)

শতাব্দীর লেখা

কিশোরদের প্রিয় সংকলন। দাম—৩৫০

মডার্ন পাবলিশিংস ৪ ৬, কলেজ স্কোয়ার, কলিকাতা

"বাং স্বাস্থ্যস্তি গিরিঃ সরিতঞ্চ মহীতলে ।
তাং রামায়ণকথা লোকেষু প্রচরিত্তি ॥"

—যতকাল পৃথিবীতে পর্বতমালা ও নদনদী বর্তমান থাকিবে, ততকাল লোক-সমাজে রামায়ণ-কথাও প্রচারিত থাকিবে ।

মহান্ এবং ভারবান্ মহাভারতের মহাকাবি ওই বিপুল কাব্যগ্রন্থকে তুলনা করিয়াছেন ভারতবর্ষের মহাসমুদ্র ও হিমালয়-পর্বতের সঙ্গে,—

"যথা সমুদ্রো ভগবান্ যথা বা হিমবান্ গিরিঃ ।"

রবীন্দ্রনাথ মন্তব্য করিয়াছেন, "রামায়ণ-মহাভারতকে মনে হয় যেন জাহ্নবী ও হিমালয়ের দ্বার তাহারা ভারতেরই, ব্যাস বায়ীকি উপলক্ষ্য মাত্র ।" এই কাব্য-যুগলের কি সে মহিমা, বাহার বলে হিমালয়ের দ্বার তাহারা শাশ্বত রূপ-বিশালতা লাভ করিয়াছে, জাহ্নবীর দ্বার নিত্যকাল অক্ষয় রসধারা প্রবাহিত করিতেছে! এই কাব্য-যুগলের স্থায়িত্বের কারণ কোথায়? সেই যুগ আর এই যুগের মানব-সাধারণের চিন্তা-ভূমিকে সমান বলে আলোড়িত করিতেছে, সে কি শক্তি? দীর্ঘ ভূমির অন্তর হইতে একই আনন্দ-নির্ধর উচ্ছ্বাসিত করিতেছে, সে কোন সত্য? সে যুগ ও এ যুগের কবি ও সমাজ-চিন্তে তুল্যরূপী সহজ ধর্ম বলিয়া কিছু আছে কি? মহাসমুদ্রের অবিরাম স্পন্দনের দ্বার মহামানবের হ্রৎস্পন্দন বলিয়া কিছু আছে কি? মহামানবের মহাপ্রাণের বিরাট স্পন্দন দূর—অতিদূর যুগে যেমন, আজও কি তেমন করিয়া স্পন্দিত হইতেছে? শুনিতে পান যিনি, তাঁহার হৃদয়ে সে স্পন্দনের প্রতিস্পন্দন জাগে? ধরিত্রীর বুকে ফোটে ফুল, বয় স্বরনা, শ্রামল শশাঙ্কল অঙ্গে থাকে সৌন্দর্য, ছয় ঋতুর নব নব সফারে অন্তরে জাগে নব নব পুলক-সম্ভার । সে যুগেও যেমন, এ যুগেও তেমন । ধরণীর গুচ গভীর ভূরিষ্ঠ প্রাণশক্তির দ্বার বিশ্বমানবের হৃদয়ভাস্তরে মানবের নিত্য স্ব-ধর্মরূপে এমন কি শক্তি রহিয়াছে, বাহাতে যুগে যুগে কাব্যে কথায় শিল্পে কলায় তাহাকে আমরা সহজেই আপনার বলিয়া চিনিতে পারি? বহু বহু শতাব্দী চলিয়া গিয়াছে। আধুনিক যুগের কবি আধুনিক পাঠককে রামায়ণ-মহাভারতের কাহিনী শুনাইয়া সেই শাশ্বত রাগিণীরই ইঙ্গিত করিতেছেন। দ্বিধা-ভিন্ন ধরণীর অন্তরে অদর্শন হইলেন জানকী। তারপর—

"সে সকল দিন সেও চ'লে যায়,
সে অসহ শোক, চিহ্ন কোথায়,
যায় নি ত এঁকে ধরণীর গায়
অসীম দগ্ধ রেখা ।

দ্বিধা ধরাভূমি জুড়েছে আবার,
দণ্ডকবনে ফুটে ফুলভায়,
সরস্বতী কূলে তুলে তুলগার
প্রফুল্ল শ্রাম-লেখা ।

শুধু সেদিনের একখানি স্বপ্ন
চিরদিন ধ'রে বহু বহু দূর
কামিয়া হৃদয় করিছে বিধুর
মধুর করণ তানে,
সে মহাপ্রাণের মাঝখানটিতে
যে মহারাগিণী আছিল ধ্বনিত
আজিও সে গীত মহাসদীতে
বাজে মানবের কানে ।"

আবার জ্যোৎস্না-সহ পঞ্চাশতাব্দের মহাপ্রাণের পর মহাভারতের মহাঘটনার অবসান হইয়া গেল। কালক্রমে—

"কুরুপাণ্ডব মুছে গেছে সব,
সে রণরঙ্গ হুয়েছে নীরব,
সে চিত্তাবলি অতি ভৈরব
ভস্মও নাহি তার,
যে ভূমি লইয়া এত হানাহানি
সে আজি কাহার তাহাও না জানি,
কোথা ছিল রাজা কোথা রাজধানী
চিহ্ন নাহিক আর ।
তবু কোথা হতে আসিছে সে স্বয়—
যেন সে অমর সমরসাগর

গ্রহণ করেছে নব কলেবর
একটি বিরাট গানে ;
বিজয়ের শেষে সে মহাপ্রয়াণ,
সকল আশার বিধাম মহান,
উদাস শান্তি করিতেছে দান

চিরমানবের প্রাণে ॥”

হরি ভবকৃতি তো তাঁহার কাব্য-সম্বন্ধে আপন যুগের নিষ্ঠুর বিমুখতা দেখিয়া তাকাইয়াছিলেন কেবল বিপুল পৃথ্বী নয়, নিরবধিকাল, দূর ভবিষ্যতের দিকে ।

প্রশ্ন হইতে পারে,—ভারতবর্ষে একই ধর্ম, একই সমাজবোধ ও সংস্কৃতির বহমান ধারায় অতীত যুগ ও বর্তমান যুগের মধ্যে এক নিবিড় বন্ধন রহিয়াছে । এই সকল অবস্থার পরিবর্তনে আমরা প্রাচীন সাহিত্যের রস আশ্বাসন করিতে পারিব না । মহাকবি গেটে মহাকবি কালিদাস হইতে সম্পূর্ণ ভিন্ন যুগে ভিন্ন দেশে ভিন্ন ধর্ম ও সমাজে জন্মগ্রহণ করিয়া ভিন্ন শিক্ষা ও সভ্যতায় পুষ্ট হইয়া শকুন্তলা নাটকের রস অমন করিয়া গ্রহণ করিলেন কি করিয়া? কেবল কবিগণ সাধারণের কথা বলিলেই ইহার উত্তর হয় না । তাহার চাইতেও গভীরে মানব-প্রকৃতির সহজ ও শাশ্বত ধর্মের কথা—মানবচিন্তের স্থায়ী ভাব ও বোধের কথা বলিতে হয় ।

পাশ্চাত্য দেশে বলা হয়—Eternity is Homer—চিরন্তন হোমর । কোনও গ্রন্থকার ঝাঁক পাচ বা দশ বৎসর, কেহ বা পঁচিশ বৎসর; শতাব্দে যিনি ভাগ্যবান; কেবল হোমরই চিরন্তন । হোমরের যুগের সে পোপান ধর্ম নাই, সে যুগের লেবনৈবী আজ পুরাতত্ত্বের বিষয় হইয়া গিয়াছে । সে সমাজ-সংস্কৃতিও নাই । কিন্তু কই ইলিয়ড কাব্যের আদর তো একটু হ্রাসপ্রাপ্ত হয় নাই! একিলিসের ক্ষোভভাব আজিও ইউরোপের খ্রীষ্টধর্মী পাঠকবর্গের চিন্তে সমানভাবেই আলোড়ন তুলিয়া থাকে । ফেরদৌসির শাহনামা প্রাক-মুসলমান যুগের কাহিনী । সে যুগের ধর্ম-বিশ্বাস সর্বপ্রকারেই ইসলামের ধর্মবোধকে আঘাত করে । কিন্তু আশ্চর্য! মহাকবি ফেরদৌসির জন্মকৃত্তি কেবল পারস্ত দেশের নয়, হিন্দুস্থানের মুসলমানগণও সে কাব্য-পাঠে উল্লসিত হয়, গৌরব বোধ করে । কাজেই বুঝিতে হইবে, পৃথিবীর স্থায়ী কাব্য

মানবের এমন সাধারণ সহজ চিন্তাভাব লইয়া রচিত হয়, যাহা মানবের সৃষ্ট ধর্ম ও সমাজ-রূপের উর্ধ্বে । এই ভাব বা বোধগুলি মানবের চিন্তে গুঢ়রূপে নিত্য বহমান, তাহারাই মানবের আসল মানবত্ব, মানবের সহজ ধর্ম বা স্বভাব, তাহারাই স্থায়ী ভাব । স্থায়ী ভাব অবলম্বনে রচিত প্রকৃত সাহিত্যই স্থায়ী সাহিত্য ।

দাঁতে সম্বন্ধে আলোচনা করিতে করিতে কবি শেলি মন্তব্য করিয়াছেন—
“A great poem is a fountain forever overflowing with the waters of wisdom and delight; and after one person and age has exhausted all its divine influence which their peculiar relations enable them to share, another and yet another succeeds, and new relations are ever developed, the source of an unforeseen and unconceived delight.”—সহজ কাব্য যেন এক প্রস্রবণ, নিত্যকাল তাহা হইতে প্রজ্ঞা ও আনন্দের সলিল উচ্ছ্বসিত হইতেছে; এবং এক ব্যক্তি ও এক যুগ তাহার বিশিষ্ট সম্বন্ধাঙ্কন হইয়া দিব্য প্রভাব নিঃশেষে গ্রহণ করিলেও, আর এক এবং তারপর আর এক যুগ আসে, নূতন সম্বন্ধ স্থাপিত হয়,—উহা এক অদৃষ্ট-পূর্ব এবং অচিন্তিত-পূর্ব আনন্দের উৎস ।

কবি শেলির মন্তব্য যথার্থ, বিশ্লেষণ অসম্পূর্ণ । ব্যক্তা-ধর্মেও যেখানে ব্যক্তি ও যুগের নব নব সম্বন্ধাঙ্কন কাব্যের নিবিড় আশ্বাসন সম্ভবপর হয়, সেখানে এই অস্থায়ী ব্যক্তি ও যুগের সম্বন্ধের অতীত স্থায়ী বস্তু কিছু রহিয়াছে, তাহার আলম্বনেই কাব্যের এই বিচিত্র লীলা-বিলাস চলিতে থাকে । অভিসারিকা বা অভিম্যানিনী উভয়েই যেখানে তৃপ্তি পায়, সেখানে উভয়ের আলম্বন-ভূত স্থায়ী প্রেমভাবের কথা বুঝিতে হইবে ।

মনসী কাল হিল যেন শেলির উক্তিরই প্রতিফলন করিয়া বলিয়াছেন—

“The latest generations of men will find new meanings in Shakespeare, new elucidations of their own human being.”

—মানবের দূরভবিষ্যৎ পুরুষও শেক্সপীয়ারের মধ্যে আবিষ্কার করিবে—নূতন অর্থ, তাহাদের নিজ মহত্ত্বসত্তার খজ্ঞ ব্যাখ্যান ।

এখানেও আমরা বিশ্বমানবের মূলীভূত এক মহাভাবের আকর্ষণ উপলব্ধি

করি আগে, এই মহাভাবই সৃষ্টির স্বায়ী ভাব, তাহাহই অবলম্বনে ব্যক্তনা-
শক্তি নব নব উল্লাস ঘটতে থাকে। কবি ডি.এস. শ্রাভেজ তাঁহার *The
Personal Principle* নামক রুলিখিত গ্রন্থে মন্তব্য করিয়াছেন, শেক্সপীয়রের
সময়ে ব্যক্তাই ছিল সমাজের প্রকৃত কেন্দ্র, সভ্যতার অগ্রগতির সহিত কেন্দ্র
এখন সরিয়া গিয়াছে, সমাজের বহির্গঠন এখন আর সাক্ষাৎভাবে ব্যক্তি-
পুরুষের অপেক্ষা রাখে না। কিন্তু শেক্সপীয়রের নাট্যসমূহে আমরা এক 'living
soul'-এর গভীর স্পর্শ পাই বলিয়া আজিও সে সকল আদরের সহিত পঠিত ও
অভিনীত হইতেছে। এই সমালোচকের মতে খ্রীষ্টীয় চার্টের শাসনবন্ধন শিথিল
হইয়াছিল বলিয়াই এই 'living soul' বা জীবন্ত আত্মার প্রকাশ সম্ভবপর
হইয়াছিল। আমরা বলিব, তৎকালীন ধর্ম ও সমাজের এবং আরও নানা
প্রকাণ্ডের আরাধিত প্রভাব অতিক্রম করিয়া সংস্কারমুক্ত শুদ্ধ চিন্তা লইয়া কবি
শেক্সপীয়র অন্তরে ও বাহিরে বিশ্বমানবতাকে প্রত্যক্ষ উপলব্ধি করিয়াছিলেন
বলিয়াই তাঁহার রচনার কালজয়ী স্বায়ী লক্ষণসমূহ প্রকাশ পাইয়াছে। মহাকবি
কালিদাস সম্পর্কেও ওই একই মন্তব্য করা চলে।

বিষয়টি হুজ করিয়া বুঝাইয়াছেন রবীন্দ্রনাথ "সাহিত্যের বিচারক" প্রবন্ধে।
নিত্যকালের সাহিত্যের কথা বলিতে গিয়া রবীন্দ্রনাথ লিখিতেছেন—“নিজের
জিনিসকে বিশ্বমানবের এবং কণকালের জিনিসকে চিরকালের করিয়া তোলাই
সাহিত্যের কাজ। জগতের সহিত মনের যে সঘর্ষ, মনের সহিত
সাহিত্যকারের প্রতিভার সেই সঘর্ষ। এই প্রতিভাকে বিশ্বমানবমন নাম
দিলে ক্ষতি নাই। জগৎ হইতে মন আপনার জিনিস সংগ্রহ করিতেছে,
সেই মন হইতে বিশ্বমানবমন পুনশ্চ নিজের জিনিস নির্বাচন করিয়া নিজের
জন্ত গড়িয়া লইতেছে।...সাহিত্যকারের সেই মানবতাই স্বজনকর্তা।...জগতের
উপরে মনের কারখানা বসিয়াছে—এবং মনের উপরে বিশ্বমনের কারখানা—
সেই উপরের তলা হইতে সাহিত্যের উৎপত্তি।...সাহিত্যকারদের শ্রেষ্ঠ চেষ্টা
কেবল বর্তমানকালের জন্ত নহে। চিরকালের মহত্বসমাজই তাহাদের লক্ষ্য।...
এইজন্ত বর্তমানকালকে অতিক্রম করিয়া সর্বকালের দিকেই সাহিত্যকে লক্ষ্য
নিবেশ করিতে হয়।”

আমরা বলিতে চাই, যে মানবত্ব অর্থাৎ বিশ্বমানবত্ব সাহিত্যের স্বজনকর্তা,
সেই মানবত্বই সাহিত্যের সৃষ্টির বিষয়। নতুবা নানা দেশের নানা কালের

মানবের মনে কবির সৃষ্টি রসের আবেদন আনে কি করিয়া? কবির চিত্তে
বহির্জগৎ তাহার বৈচিত্র্য লইয়া প্রবেশ করে। কবিচিত্তের বিশ্বমন বা
বিশ্বমানবমন আবার পাকা জহরীর স্রাব তাহা হইতে সেই সমস্ত উপাদানই
গ্রহণ করে, বাহা নিত্যকালের ভাগ্যের অক্ষয়বস্তুরূপ। তাহা হইলেই প্রের
আসে, সেই সহজ মানবত্ব বা বিশ্বমানবত্ব কি? কারণ তাহাই সাহিত্যে
স্বায়ী। স্বায়ী উপাদানই স্বায়ী সাহিত্য রচিত হয়। মহাকালের পরিদর্শনশালায়
যে যে মূর্তি রূপে রসে অভিন্ন হইয়া মানবমনে মহিমাদিত হইয়াছে, তাহাদের
দিকে চাহিলেই রহস্তের সন্ধান মিলে।

রবীন্দ্রনাথের জীবনদর্শনের প্রধান কথাই এক অখণ্ডতাবোধ। ব্যক্তি-
জীবনের সহিত বিশ্বজীবনের নিবিড় যোগ, অতীত বর্তমান ও ভবিষ্যৎ ব্যাপিয়া
মহাকালের পরিপ্রেক্ষিতে সমগ্র মানবসত্তা, সমগ্র জীবসত্তা লইয়া এক বিপুল
একাত্মবোধ, ইহাই তাঁহার অখণ্ডতাবোধ। প্রতিভাকে তিনি বলিয়াছেন,
বিশ্বমানবমন। সেই প্রতিভার পরিচয় পাওয়া যায় তাঁহার 'আমি'র পরিচয়ে—
“ভূত ভবিষ্যৎ লয়ে যে-বিরাট অখণ্ড বিরাজে

সে মানব মাঝে

নিভূতে দেখিব আজি এ আমিবে,

সর্বত্রগামীরে।”

এই সর্বত্রগামী প্রতিভা বৈদিক ঋষি গোতমের সত্যনিষ্ঠাকে অনবদ্য আধুনিক
রূপ দিয়াছে। যে প্রকৃতি বৈদিক ঋষির শুদ্ধ দৃষ্টিতে প্রাণলাভ করিয়া বাস্তবিক
ও কালিদাসের সাধনার নব নব ভাবের বিচিত্র স্পন্দনে আভরণের আবরণে
মোহিনী রূপণী হইয়া উঠিয়াছে, তাহাকে তিনি বিশ্ব জুড়িয়া এক চিশাসন
রচনা করিয়া দিয়াছেন। ইহা শুধু ঐতিহ্য-ধারার কালাহুগ পরিপুষ্ট নয়,
অসম্পূর্ণের সম্পূর্ণতা নয়, ইহা বীজরূপ এক শাখত স্বায়ী চিন্তাভাবের বহুধা
বিকাশ।

জননী পাকারীর মর্ম-বাখা ও ধর্ম-দৃষ্টিকে তিনি নূতন করিয়া উপলব্ধি
করিয়াছেন। দেবধানীর সাহসী প্রেমকে স্বন্দর করিয়া চিত্রিত করিয়াছেন।
কবি কালিদাসের মদনভঞ্নের অল্পম বিবরণকে নব নব ভাব-সৌন্দর্যে মণ্ডিত
করিয়া পরম পূর্ণতা পরিষ্কৃত করিয়াছেন। অতীতের স্বায়ী ভাব পুংগুতন
নহে, নববেশে বর্তমানেও তাহা স্বায়ী ও নবীন। রামেন্দ্রচন্দর, মহাভারতভুল্য

মহাকাব্যের আর উদ্ভব হইবে না—ইহা বুঝাইতে গিয়াও হৃদয়ভাবে তলাইয়া দেবিয়া স্বীকার করিয়াছেন, “মহুগুচরিত্র অধিক বলসায় নাই।”

হায়ী সাহিত্যের ভিত্তিই মানব-সাধারণের অন্তর্গত ভাববাশি, তাহারাই সাহিত্যে হায়ী ভাব বলিয়া পরিচিত। কড়ুয়েল কাব্যের সংজ্ঞা নির্দেশ করিতে গিয়া একটি হৃদয় তথ্যের উল্লেখ করিয়াছেন। তাহার প্রদত্ত সংজ্ঞাটি হইতেছে—“Poetry is the nascent self-consciousness of man, not as an individual but as a sharer with others of a whole world of common emotion.”—কাব্য মানুষের উদ্ভিষ্টমান আত্মচেতনা, কিন্তু তাহার ব্যক্তিস্বরূপে নয়, অত্র সকলের সহিত সাধারণ ভাবসমূহের অংশীদারস্বরূপে।

কড়ুয়েলের অভিমতে কাব্যের অবলম্বন হইতেছে মানব-সাধারণের সহিত তুল্যরূপে অহুদৃত্ত ভাববাশি। সর্বমানব-সাধারণ এই ভাবগুলিকেই বলা হয়—হায়ী ভাব। মহৎ কাব্যমাত্রই এক সামাজিক রচনা, সূক্ষ্ম সামাজিকবর্গই তাহা আশ্বাসন করিয়া থাকেন। ব্যক্তির বিশিষ্ট বোধকে লইয়া কাব্য এবং উৎকৃষ্ট কাব্যই রচিত হইতে পারে, কিন্তু তাহা সর্ব কালে হায়ী সাহিত্য হইবে কি না বলা কঠিন। হায়ী সাহিত্য সাধারণত বহুজনের চিত্তাশ্রিত বহুজন-সম্মত সাহিত্য এবং তাহাই কালজয়ী সাহিত্য। এখানেও ক: পথাঃ—প্রশ্ন হইলে উত্তর হইবে, ‘মহাজনে যেন গত: স পথাঃ’। মহাজন শব্দের অর্থ মহান জন বা মহাপুরুষ নহে, বহুজন বা অনেক পুরুষ। মহাজনের তীক্ষ্ণাকার পণ্ডিত নীলকণ্ঠ এখানে কালক্রমাগত প্রাচীন ব্যাখ্যা স্মরণ করিয়াই লিখিয়াছেন, “বহুজনসম্মত যের্ব মার্গমহুসরণে।”—বহুজনসম্মত পথই অহুসরণ করিবে। “ঐনকো ঋষি বশ্ত মতং ন ভিন্নম্”—একটি ঋষিও নাই বাহার মত ভিন্ন নহে, এই উক্তি পূর্বাধিক্য প্রসঙ্গবলেই মহাজন অর্থ মহান জন বা ঋষি জন হইতে পারে না। “ধর্ষন্ত তথং নিহিতং গুহ্যদাম্”—ধর্মের তথ গুহ্যের নিহিত আছে, অতএব তাহাও দুর্জয়। স্তত্রাং মহাজন অর্থাৎ বহুজন বা বহুতর জন বে পথে চলন, তাহাই অহুসরণীয় পথ। আমরাও বলিতে চাই, হায়ী সাহিত্যের অত্র একটি বিশিষ্ট ভাবুক মনস্বীর অতিবিশিষ্ট ভাবনা অপেক্ষা বহুতর জনের চিত্তাশ্রয়ী হায়ী ভাববাশিই সমধিক গ্রহণীয়।

কৃষ্ণের বাণী বাজে। আপনি আনন্দে আপন মহিমায় ভরপুর হইয়া

আমাদের গভীর অন্তরে পরমাশ্চার্য বাণী বাজে। সেই গুহ্যহিত গহবরেষ্ঠ পূর্ণাণু-পুরুষ চিদানন্দমূর্তি, তাহার আনন্দবাণী নিত্যকাল বাজে। স্নিমাছে যে সেই মোহন বাণী, ছুটিয়াছে সে অন্তরপুরুষের অভিমুখে আশ্বহারা হইয়া, আশ্বহারা হইয়া পাইয়াছে সে পরমাশ্চার্য পরমানন্দ। ঘূটিয়াছে তাহার পরিচিত পরিমিত ব্যক্তিস্বের বন্ধন, ভাঙিয়াছে তাহার চিদাবরণ, গলিয়া গিয়াছে তাহার চিত্তের মোহচকল রূপ। স্বচ্ছন্দ-লোভমোহের উর্ধ্বে তাহার শুদ্ধসত্তার আনন্দপ্রদীপের তপন বায়ুমুক্ত উজ্জল প্রকাশ। এ আনন্দে আর কুলবন্ধন, লাজবন্ধন কোনও বন্ধন নাই, কোনও সংস্কার নাই। ঋষির ভাষায় তাহার “পিতা ২ পিতা ভবতি, মাতা ২ মাতা, লোকা অলোকা, দেবা অদেবা, বোহা অবোহা।”—পিতা অপিতা হইয়াছেন, মাতা অমাতা, নাই তাহার স্বর্গলোক স্বর্গলোক, নাই দেবতা, দেববাশিও নাই। সর্বসংস্কারমুক্ত আনন্দধনমূর্তি সেই ভাগ্যবান পুরুষ। ব্রহ্মানন্দ বা কাব্যানন্দ উভয়ই আশ্বানন্দ, মাজার ভেদ মাজ। আমরা সবাই এই আনন্দের উপাসক, আনন্দের ভিখারী। ব্রহ্মের সৃষ্টির চায় কবির সৃষ্টিও এই আনন্দের খেলা, স্বরূপত যেন অর্থহীন উদ্দেশ্যহীন নিকাম আনন্দের বিলাস।

এই আনন্দই মানুষের সহজানন্দ, আসল হায়ী। মানুষ যে মুহুর্তে তাহা পায়, সেই মুহুর্তে থাকে না তাহার জাতি-কুল-মান, ব্যক্তিস্বের বিচিত্রবোধ বিগলিত হইয়া যায়। হায়ী সাহিত্যের অন্তর্গত সংস্কারের অতীত চিত্তভার বধন অপর চিত্তকে তন্ময় করিয়া সমস্কারের উর্ধ্বে উন্নীত করে, তখন সহজ মানুষ বা শাশ্বত চিত্তকে তন্ময় করিয়া সমস্কারের ফলে জাগে আশ্ববোধ বা আশ্বানন্দ। কাব্যপাঠে জাত মানুষের আশ্বপ্রকাশের ফলে জাগে আশ্ববোধ বা আশ্বানন্দ। কাব্যপাঠে জাত বলিয়া ইহাকেই বলা হয়—কাব্যানন্দ। আমাদের আলঙ্কারিকেরা এই ব্যাপারের নাম দিয়াছেন সাধারণীকরণ। পাশ্চাত্যের মনীষীগণও নানা ভাবে এই ব্যাপারটি বুঝাইয়াছেন। বার্সো বলিয়াছেন, আর্টের লক্ষ্য হইতেছে “to put to sleep the active powers of our personality.”—আমাদের ব্যক্তিপুরুষের কর্মচকল শক্তিগুলিকে ঘুম পাড়াইয়া রাখা। তখনই প্রকাশ পায় আশ্বানন্দ, প্রাচ্যের বাহাকে বলিয়াছেন, ‘সত্তা:পরনিবৃতি’ ব্রহ্মাশ্বাস-সহোদর’, পাশ্চাত্যের বলিয়াছেন ‘supreme happiness’, ‘joy forever’, ‘pure and elevated pleasure’। এই আনন্দে আমাদের শুদ্ধ সত্তা সর্বদা গুণ্ডপ্রোত থাকে। যে সাহিত্য আশ্বানন্দে ‘vision’ বা ‘প্রতিভানের’ ফলে

আমাদের বিজ্ঞানময় ও আনন্দময় সত্তার নব প্রকাশ ও উদ্বোধন হয়, তাহাই স্বায়ী সাহিত্য। সাহিত্যের যত গুণই থাকুক, মনোলোকের অত্যন্ত বোধময় আনন্দ সত্তার গভীর স্পর্শ না পাইলে তাহা দীর্ঘস্থায়ী হইতে পারে না। এই স্পর্শই এক আনন্দময় আশ্বাসপত্রিক।

পাশ্চাত্যের বিজ্ঞানবিদ সাহিত্যিক পণ্ডিত ওয়েল্‌স্‌ মানবজাতির বর্তমান অবস্থা লক্ষ্য করিয়া বলিয়াছেন—

“When we come to look at them coolly and dispassionately, all the main religious, patriotic, moral and customary systems in which human beings are sheltering to day, appear to be in a state of jostling and mutually destructive movement, like the house and palaces and other buildings of some vast, sprawling city overtaken by a landslide.” *The outlook for Homo Sapiens*—শান্ত এবং নিরাসক্ত ভাবে স্বপ্ন আমরা উহাদের দিকে তাকাই, তখন মনে হয়, আকস্মিক ভূমি-পতনে আক্রান্ত এক বিশৃঙ্খল নগরীর গৃহ, প্রাসাদ এবং ভবনসমূহের স্তায় মানবজাতির বর্তমান আশ্রয়-স্বরূপ ধর্ম, দেশপ্ৰীতি, নীতি ও আচার-সম্বন্ধীয় প্রধান ব্যবস্থাগুলি পরস্পরকে আঘাত করিতেছে এবং ধ্বংস করিতেছে।

মনস্বী ওয়েল্‌স্‌ের এই দর্শন হয়তো যথার্থ-দর্শন। তথাপি সাহিত্যের স্বায়ী বস্তুর বিচারে আমরা বলিব, ‘এহ বাহু’। ‘স্বাধিবিৎ রাজ্যি জনকের স্তায়ই আমরা বলিব, ‘মিথিলায়াং প্রদগ্ধায়াং নমে দহতি কিঞ্চন’—‘মিথিলা প্রদগ্ধ হইলেও আমার কিছু দগ্ধ হয় না।

কারণ, যাহা দগ্ধ হইতেছে, তাহা স্বায়ী ছিল না, তাহা বাহিরের উপাদান, অস্বায়ী। তাহা যুগে যুগে পরিবর্তিত হইয়া আসিতেছে। যাহা ভাঙিবে, তাহার স্থলে নূতন সৌখ গগনচুম্বী চূড়া লইয়া দেখা দিবে। তাহাও হয়তো একদিন খুলিয়া হইয়া যাইবে, কিন্তু সেখানেও দেখা দিবে মানবপ্রতিভার নবস্থিতির সবমহিমা। মহাকালের মধ্য দিয়া মানবতার জয়-যাত্রা চলিয়াছে। কিন্তু এই ভাঙাগড়ায় অন্তরালে মানবের যে আদি প্রেরণা-শক্তি কাজ করিয়া চলিয়াছে, তাহাকেই সর্বপ্রথমে লক্ষ্য করিতে হইবে। মানুষ কেন বলে—‘ইহা চাই, ইহা এইরূপ চাই, ইহা চাই না’? মানবের সেই চিন্তাবস্বাই সাহিত্যের স্বায়ী বস্তু।

সেই চিন্তাবস্বা প্রাচীন যুগে যেমন ছিল, বর্তমান যুগেও স্বরূপ লক্ষণে প্রায় তেমনই। সর্বমানব-সাধারণ সেই প্রীতি, ক্রোধ, শোক, ভয়, উৎসাহ, বিশ্বাস ভাব অস্থূল প্রতিস্থূল বহু ব্যাপারে মানুষকে সমানভাবে চালিত করিতেছে। পরিবর্তনশীল ধর্ম, সমাজ ও রাষ্ট্র গঠনের মূলে এই ভাবগুলি এবং মানবোচিত অস্ত্র কয়েকটি ভাবই বিস্তারিত। আর বিস্তারিত একটা পূর্ণতা, প্রতিষ্ঠা ও পরিচালিত লাভের আকাঙ্ক্ষা। জীবনে ও সাহিত্যে ইহাই স্বায়ী।

তাই তো প্রাচ্য ও পাশ্চাত্যের আলঙ্কারিকগণ সাহিত্যের ভাব নয়,— উপাদান-বিচারে বস্তু অবস্থ সকলকে সমান ঠাই দিয়াছেন। তাহারা উপাদান মাত্র! ধনঞ্জয় বলেন—

“রম্যং জুগলিতম্ উদারম্ অথাপি নীচম্
উগ্রং প্রসাদি গহনং বিকৃতং চ বস্তু।
যৎ বাপ্যবস্তু, কবিভাবক-ভাবমানং
তন্মাত্রি যৎ রসভাবম্ উটপতি লোকে।”

—রম্য, জুগলিত, উদার, কিংবা নীচ, উগ্র, চিত্তপ্রসাদকর, গহন, অথবা বিকৃত যে সকল বস্তু, এমন কি অবস্তু—এইরূপ কিছুই নাই, কবির ভাবনা-শক্তি যাহা ভাবমান হইলে যাহা লোকে রসভাব প্রাপ্ত না হয়।

শেক্সপীয়র বলিয়াছেন কবির চক্ষু স্থষ্টির উন্মাদনায় নিরীক্ষণ করে “from heaven to earth, from earth to heaven”—‘স্বর্গ হইতে ভূতল এবং ভূতল হইতে স্বর্গ। এবারক্রমি বলেন, ‘the whole conceivable world’—মহুজের বোধ-গম্য সমগ্র জগৎই কবির স্থষ্টির বিষয় হইতে পারে।

এই উপাদান অস্বায়ী, কিন্তু তুচ্ছ নয়; ইহারাই জগৎ ও জীবন। ইহাদের অবলম্বনেই স্বায়ী ভাব ও স্বায়ী সাহিত্যের প্রকাশ। আমরা স্বায়ীর বিচারে মূলে দৃষ্টি নিবদ্ধ করিয়াছি বলিয়া আপাতত ইহাদের মূল্য নির্ধারণ করিতেছি না।

তাহা হইলে শ্রেষ্ঠ সাহিত্যে অস্বায়ী উপাদানরাশির অন্তরালে থাকে ভাব— স্বায়ী ভাব এবং সকারী বা ব্যাভিচারী ভাব। স্বায়ীর হৃদয়ে সকারী থাকে বাঁধ স্বায়ী ও সকারীর মিলিত হৃদয়ে উপাদান বা বস্তুরাশি থাকে বাঁধ। সাহিত্যে এই উপাদান বা বস্তুই বিভাব, আলম্বন বা উদ্দেশ্য বিভাব। বিভাব ছাড়া সাহিত্য বা রস হয় না, তথাপি মূল রস-বিচারে বিভাব অস্বায়ী, ভাবের

উদ্বোধনেই তাহার প্রধান সার্থকতা। তুলনায় স্থায়ী হইতেছে ভাব। সকারী বা ব্যক্তিত্বী ভাবও এক হিসাবে বিভাবের দ্বায় অস্থায়ী, স্থায়ী ভাবে অতিশয়তা বা অতিসম্পন্নতা-সাধনেই তাহার সার্থকতা। স্থায়ী ভাবের অন্তরালে তাহা অপেক্ষাও স্থায়ী, চিরস্থায়ী আত্মা, তাহাই আনন্দ, বোধময় সহজানন্দ। হাঁ, এই বোধময় আনন্দই সাহিত্যপাঠের শেষ সার্থকতা। বস্তু ধরিয়া বস্তুর গভীরে ভাবকে স্পর্শ করিতে হইবে, ভাবরাশির গভীরে স্থায়ী ভাবকে লাভ করিতে হইবে, তাহাতে তন্ময় হইতে হইবে, তাহারও গভীরে—অতিগভীরে বোধময় সহজানন্দের সাক্ষাৎ মিলিবে। তাহাই আসল স্থায়ী। অল্প শাস্ত চিন্তা লইয়া তাহাকে অস্বীকার করা যায় না। আপনাকে আপনি কি করিয়া অস্বীকার করিব? মনসী কোচে যথার্থই বলিয়াছেন,—‘troubled emotion’ বা ভাব-চঞ্চল অবস্থা পার হইয়া ‘profound penetration’ বা গভীর অন্তঃপ্রবেশের ফলে ‘pure poetic joy’ অর্থাৎ বিশুদ্ধ কাব্যানন্দের প্রাপ্তি ঘটে। বিখাস না হয়, ‘স্বয়ং পশু বিচারয়’।

তাহা হইলে আসল স্থায়ী আবেগ-ঢাকা বোধময় আনন্দ। তাহারই সাক্ষাৎ সম্পর্কে স্থায়ী সেই সকল চিন্তা-ভাব, যাহা স্মৃতি-কোষ-শোক-ভয়ে-দ্বায় সর্বমানব-সাধারণ এবং সর্বকাল-সাধারণ। এই স্থায়ী ভাব-সমূহের সাক্ষাৎ সম্পর্কে আসে অল্প অনেকগুলি ভাব, তাহারাই সকারী বা ব্যক্তিত্বী বলিয়া পরিচিত। স্তম্ভভাব সযত্নে কিছু পরিমুদিত ধারণা না হইলে স্থায়ী ও সকারীর স্বরূপ বিচার ও বিশ্লেষণ করা যায় না; স্থায়ী ও সকারীর লীলাবিলাসও প্রত্যক্ষ করা যায় না। সে এক আশ্চর্য লীলা! সকারী স্থায়ীর অন্তরে, স্থায়ীর বাহিরে তো বটেই। সকারীর সম্পদেই স্থায়ীর অতিসম্পন্নতা ও বলভূমিত্ব। এ যেন ঈশোপনিষদের কথিত বিজ্ঞা ও অবিজ্ঞার লীলা! অন্ধতমসে প্রবেশ করে তাহার, যাহারা কেবল সকারী বা অবিজ্ঞাকে উজ্জ্বল করে। গাঢ়তর অন্ধতমসে প্রবেশ করে তাহার, যাহারা কেবল স্থায়ী বা বিজ্ঞাকে উজ্জ্বল করে। আসল বস্তু স্থায়ী বা বিজ্ঞা হইতেও ভিন্ন, সকারী বা অবিজ্ঞা হইতেও ভিন্ন। স্থায়ী ও সকারী বা বিজ্ঞা ও অবিজ্ঞা উভয়কে যাহারা জানে, উভয়ের সাহায্যে তাহারা লাভ করে পরম অমৃত। বিজ্ঞা ও অবিজ্ঞার উল্লে পূর্ণ ব্রহ্মের দ্বায় স্থায়ী ও সকারীর উল্লে রহিয়াছে আসল স্থায়ী—পরম কাব্যানন্দ।

শ্রীধীরকুমার দাসগুপ্ত

পুরাতনের যৎকিঞ্চৎ

জড়ময়ী সত্যতার অগ্রদূত ইংরেজের শাসনে ভারতবর্ষের স্বাধীন এবং স্বয়ং-সম্পূর্ণ গ্রাম-জীবনে ভাঙন ধরিয়া যে আধুনিক নগরকেন্দ্রিক সত্যতার পত্তন এখানে ওখানে হইয়াছে, তাহার ফলে আমাদের একূল ওকূল—হুইই হুইই হইতে বসিয়াছে; গ্রামও গিয়াছে, নগরও ঠিকমত গড়িয়া উঠে নাই। আমরা নগরে তো অতিশয় অসহায় পরমুখাপেক্ষী হইয়া পড়িয়াছি, গ্রামও আর আত্মনির্ভরশীল নাই। আমাদের পরম্প্রবণতার বর্তমান ভয়ঙ্কর পরিণতি বর্ণনার অতীত। নগরের পথে ও বিপণিতে অনাবশ্যক বিলাসদ্রব্য অনশনক্লিষ্ট মাহুতকে অহরহ আকর্ষণ করিতেছে, এদিকে একান্ত প্রয়োজনীয় আহাৰ্যের সঙ্গে তাহাদের যোগাযোগের সম্ভাবনা ক্রমশই হ্রাসপরাহত হইয়া আসিতেছে। তেল, চাল, আটা, দুধ, কয়লা, কেয়োসিন, যাহা না হইলে মাহুতের জীবনাত্মা নির্বাহ হয় না, সরকারী কন্ট্রোলের স্বাবস্থায় সেগুলি সংগ্রহ করা যে কিরূপ স্বকঠিন হইয়া পড়াইয়াছে, তাহা কাহাকেও বলিয়া বুঝাইবার প্রয়োজন নাই। ইহার উপর আমাদের বাংলা দেশে সাম্প্রদায়িক হাণ্ডামা ও শাসনের শাকের আটি যুক্ত হইয়াছে, গলগণ্ডের উপর বিখোঁটক ধমঘট তো আছেই। পশ্চিম হইতে আগত আমাদের বিবিধ বিপত্তির কথা প্রায় অর্ধশতাব্দী পূর্বে একজন বিলাত-প্রবাসী বাঙালী সন্ন্যাসী চিন্তা করিয়াছিলেন। আমাদের বর্তমান যৌৱতর সমস্তার সমাধানের ইন্দিতরূপে তাঁহার পুরাতন কথাগুলিই আজ নূতন করিয়া স্মরণ করিতেছি। এই বিলাত-প্রবাসী সন্ন্যাসী বাংলার স্বদেশী আন্দোলনের অন্ততম নেতা শ্রীষ্টপন্থী উপাধ্যায় ব্রহ্মবান্ধব। যে মুষ্টিমেয় কয়েকজন মনীষী ভারতীয় সংস্কৃতির ভিত্তিতে আধুনিক সমস্তাগুলির সমাধান কল্পনা করিয়াছিলেন, তিনি তাঁহাদের মধ্যে প্রধান। শান্তিনিকেতন আশ্রম স্থাপনে রবীন্দ্রনাথ ব্রহ্মবান্ধবের পূর্ণ সহযোগিতা লাভ করিয়াছিলেন। তিনি বলিতেছেন—(হিন্দু অর্থে ভারতীয় বৃত্তিতে হইবে)—

“এখনকার গৃহস্থদের জীবনে শান্তি নাই। এত বেশী জিনিস-পত্তর দরকার যে তারা কুলিয়ে উঠতে পারে না। আর দিনকের দিন খুঁটি-নাটি বাড়ছে। এখানে ভঙ্গলোকেরা ব্যস্ততার চক্রে পিষ্ট। জীবন ধীরে হুহুে চাললে চলে না। যেন কেবলই ভিড় ঠেলে চলতে হয়। আমাদের দেশেও এইরূপ দুর্দশা

দাঁড়িয়েছে। তবে সেখানে এক মুষ্টি অন্নের জন্ত বৌড়াদোড়ি করতে হয় আর এখানে সাপের খোলসের মতন চিকনসই পরদা ও দারাবৃত্তের নিমন্ত্রণ ধারাবার পোষাকের জন্ত ছোটোছোট করেতে হয়। আমাদের যেমন এক মুষ্টি অন্ন তেমনি এদের পরদা ও বিলাস-বেশ—নইলে মানসন্ত্রম একেবারে থাকে না। আর একটি বড় ভয়ের কথা। এখানকার কৰ্মজীবী লোকেরা বড়-মাল্লহদের উপর বড় চটা। এরা ভাল লোক কিন্তু দ্বায়ে গোড়ে বিধেবভাবাপন্ন হয়েছিল। সভ্যতার বাজ্বাবে এত টানাটানি যে এরা সামলে উঠতে পারে না। তাই এরা বর্তমান সমাজের শ্রোত্রী হোয়ে উঠছে। আর যাদের ডেলা মাথায় তেল—এরা তাদের দেখে একেবারে তেলে বেগুনে জলে যায়। আমি এদের আমাদের বর্ণাশ্রমধর্মের কথা অল্প বল বললাম। প্রতিযোগিতা ও প্রতিদ্বন্দ্বিতা ছেড়ে কৌলিক কর্মকে প্রাধান্য দেওয়ার কথা শুনে এরা বিস্মিত হ'ল কিন্তু তা যে শাস্তিগ্রহ তা বার বার স্বীকার করলে। এরা বেশ শিক্ষিত ও বুদ্ধিমান। এই সমাজশ্রোত্রিতা—সভ্যতার একটা অঙ্গ। এতেই ধর্মঘট স্থাপন করে এবং ধনী ও কর্মীতে শত্রুতা বাধায়। প্রতিযোগিতায় বার চালাকি আছে সেই খুব মেরে মেরে আর যে বেচারি ভাল মাল্লহ তার সহস্র সহস্র গুণ থাকলেও কিছু সুবিধা হয় না। এই সমাজের ভয়ানক অসামঞ্জস্য-ভীতি যুরোপের চিন্তাশীল ব্যক্তিদের উৎকণ্ঠিত করে তুলছে। এই ত গেল ভয়ের কথা। সভ্যতার একটা শোচনীয় ব্যাপার আছে। সেটি ভয়ানক দারিদ্র্য। সহরে বড়ই শোভা—পূর্ণমাত্রায় আয়েস ঐর্ষ্য; কিন্তু পশ্চাত্তাগের অলিতে গলিতে বড়ই দারিদ্র্য। দেখলে প্রাণ কেটে যায়। ছোট ছোট পাথরের খোপের মতন ঘর—তাতে স্বামী স্ত্রী ছেলেমেয়ের পাশাপাশি। ঘোর শীতে অগ্নি নাই—এখানে ঘরে আগুন নইলে ভিড়িবার জো নাই—বস্ত্র নাই আহার নাই। সকলে কাজ করবার জন্ত লালায়িত কিন্তু সহরে কাজ কর্ম পায় না। এমন একজন আর্থজন নয়—শত শত সহস্র সহস্র। এই অমরাবতীর ঐর্ষ্যের মধ্যে কত লোক শীতে ও অনাহারে প্রাণ হারাচ্ছে। কি দুঃখের কথা—কি লজ্জার কথা—আবার এমনি চমৎকার আইন যে ভিক্ষা করবার ছুফুয় নাই। রাস্তায় ধেপতে পাবে যে দীনদীন রমণীরা ছেলে কোলে শীতে হি-হি কোরে কাঁপছে আর দুই একটা শুকনো ফুলের তোড়া বা ভাড়া বেশলাইয়ের বাস্ত্র বিক্রী করবার ছল কোরে

ভিক্ষা চাইছে।— সে দিন দুইটা স্ত্রীলোকের কথা শুনে অশ্রুবারি সধরণ করতে পারি নাই। তারা দুটা বোন। একজন অনাহারে মরে পড়ে আছে, আর একজন কুখার জ্বালায় ক্ষেপে গেছে। পুলিশ এসে মরা ও ক্ষেপা ছুজনকে বের করে নিয়ে গেল। এমন সভ্যতার মুখে ছাই। আমি ত দেখে শুনে থিতাবে মরি। আমার আলোকে কাজ নাই—আমার রংচংএ কাজ নাই। আমাদের অসভ্য দেশ অসভ্যই থাক। শাস্তি আমাদেরই হইবেবতা—ঠেলাঠেলি মারামারি আমাদের কাজ নাই। জিগীষ্যার কাড়াকাড়ি হোতে উগবানু রক্ষা কর। হিন্দুস্তান সভ্যতার প্রবৃষ্টিপরাণতা হোতে বাঁচুক ও নিষ্কাম হয়ে কুল-ধর্ম পালনে রত হোক।।।”

“লালসার বহিতে সমগ্র জাতিটা জলিতেছে। আমাদের সংস্কারকেরা ইংরেজের ঐশ্বর্য দেখিয়া স্বদেশকে বিচার মেন ও মনে করেন যে কি কৃষ্ণে ভারতে জন্মগ্রহণ করিয়াছেন। তাঁহারা হিন্দুর প্রকৃতিজয়ের কথা বড় একটা বুঝেন না ও বুদ্ধিতে চান না। হিন্দুর মূখ্য আশর্শ—নিবৃত্তি। প্রকৃতিকে জয় করিয়া নিষ্কাম হওয়া—ঐশ্বর্যসম্পন্ন হওয়া—হিন্দুর পরম সাধন। ঐশ্বর্য হইতে গলে ঐর্ষ্যশালী হইতে হয়। যাহার প্রয়োজনীয় বস্ত্র ভিন্ন আর কিছুই নাই সে ঐর্ষ্যের অধিকারী নহে। কিন্তু যিনি আধিকারের প্রাচুর্য ও বাহুল্যগুণে প্রয়োজনকে অতিক্রম করিয়াছেন তিনিই প্রভু—তিনিই ঐশ্বর—ঐর্ষ্যের স্বামী। প্রকৃতিকে ব্যবহারক্ষেত্রে জয় করিয়া—তাহাকে সেবাদাসী করিয়া কি ফল, যদি তাহার সঙ্গ ব্যতিরেকে শাস্তিভঙ্গ হয়। এরূপ জয়—জয় নহে কিন্তু পরাজয়—কেবল দাসাঘসাসৎ স্বীকার করা। আমি যদি বিদ্রোহকে ধরিয়া আনিয়া আমার দৌত্যকার্যে নিবৃত্ত করিতে পারি কিন্তু তাহার ক্ষিপ্ত সংবাদ বহন বিনা ব্যক্তিতে আমার নিশ্চা না হয়, তাহা হইলে ধরিতে গিয়া কেবল ধরা পড়া হয় মাত্র। যদি কামানের গোলা বর্ষণ করিয়া নররক্ত পাত করিয়া মরুভূমির গর্ভ হইতে স্বর্ণ আহরণ করি—আর সে স্বর্ণ লইয়া স্বার্থের সহিত স্বার্থের ঘোর সংঘর্ষ ঘটে—সেই কাঞ্চন লইয়া মারামারি পড়িয়া যায়—সেই হেমপ্রভা—বিচ্যুত হইলে আমার শয্যাকণ্টকী পীড়া হয় তাহা হইলে পুরুষকার আর গোলামিতে কি প্রভেদ! হিন্দুর প্রকৃতিজয় ওরূপ নহে। প্রকৃতির বিবিধ উপকরণ দিয়া বাসনার নেশার মাঝাটা চড়ানো হিন্দুভাব-স্বলভ নহে। হিন্দু নিঃসম্ভাবে প্রকৃতির সহিত ব্যবহার করা অভ্যাস করে। হিন্দুর নিকট তিনিই নয়শ্রেষ্ঠ

যিনি ভূমা অনন্ত সর্বময় একত্রে নিজেকে প্রতিষ্ঠিত বাধিয়া ক্ষুদ্র-ক্ষুদ্র নামরূপময় বহুত্বের মধ্যে ঐশ্বররূপে বিচরণ করেন। প্রকৃতি তাঁহার সেবা করে বটে কিন্তু প্রকৃতির সখ্যে তিনি বদ্ধ নহেন। তিনি সকল সন্তোাগ সকল ঐশ্বর্যকে তুচ্ছ করিয়া আত্মস্থিত হইয়া বিরাজ করিতে পারেন। প্রকৃতি ঐশ্বর্য তাঁহার নিকট কেবল বাহ্য মাঝ। উহার থাকা না-থাকা তাঁহার পক্ষে দুইই সমান। হিন্দু একত্বের ভিতর মিয়া বহুত্বকে ধোঁধে—তাই সন্তোাগবিজড়িত বহুলতার প্রয়োজন তাহার চক্ষে অকিঞ্চিৎকর বলিয়া প্রতীত হয়। যেখানে পূর্ণ আত্মস্থিতি সেখানে অনাশ্রয় বস্তুর প্রয়োজনীয়তা থাকিতে পারে না। নিষ্কাম ঐশ্বর্য লাভ হৃদয় আদর্শ। আজ হিন্দুজাতি এই উচ্চ আদর্শ হইতে ভ্রষ্ট হইয়াছে। তাপাশি পূর্ন সাধনার লক্ষণ এখনও বর্তমান। হিন্দু গৃহস্থের ঘরে প্রকৃতির সঙ্গে অতি অল্পই প্রয়োজন দৃষ্ট হয়। তাহার আচার-ব্যবহার আদান-প্রদান কঠোর সংযম দ্বারা নিয়মিত। সংসারের ভোগৈশ্বর্যকে লালিত করিয়া যেন তাহার মৈনিক কার্যের সমাধান হয়। হিন্দুর হয় সন্তোাগসামগ্রীর অল্পতা—সামাসিধে চালচলন—নয়ত ছড়াছড়ি বাড়াবাড়ি বাহ্য আড়ম্বর। প্রয়োজনের সুদীর্ঘ পরম্পরার নিগড় হিন্দুকে বাধিয়া রাখে না। কিন্তু যুরোপে ইহার বিপরীত ভাব। যুরোপীয় গৃহস্থের ঘরে খুঁটিনাটি সামগ্রীর আদি অল্প নাই—সদাগরা পুথিবা সেই ক্ষুদ্র নরদেবতাকে যেন করপ্রদান করিয়াছে। কিন্তু সেই সকল সামগ্রী গৃহস্থামাকে প্রয়োজনের রক্ষা মিয়া বাধিয়া রাখে। যা না ব্যবহার করিলেও চলে এমন বস্তু বড় একটা দেখা যায় না। সমস্তই কান্ধের তালিকার লেখা। তথায় বাহ্যের হিসাবে পেটিকার পুঁজি করিবার অবসর অতি অল্পই আছে। যুরোপীয়ের ঘরে দেবাত্মবিক্রমী পঞ্চকৃত অশেষ প্রকার রূপ ধরিয়া শাস্ত্র করে বটে কিন্তু প্রবৃত্তির কোবাগার হইতে তাহাদের পাওনা গণ্ডা স্বল্প আসলে আশ্রয় করিয়া লইতে ছাড়ে না। প্রকৃতি যেমন ইংরেজের দাস আসলে সাহেবও তরুণ প্রকৃতির দাস! বিলাত দেখিয়া আমার দৃঢ় ধারণা হইয়াছে যে সভ্যতা সামাজিকতা লৌকিকতা আচার-ব্যবহার—এই সকল বিষয়ে হিন্দুজাতি ইংরেজ অপেক্ষা অনেক বড়। তবে ভারতের আত্মবিশ্বাসি অটুয়াছে, তাই আজ অর্ধশিক্ষিত ইংরেজ ভারতবাসীদিগকে সাহিত্য দিশ্বাইতেছে ও দর্শনশাস্ত্র উপদেশ দিতেছে।"

মাধায় ব্যাণ্ডেজ-বাঁধা অংশমান চূপ ক'রে শুনছিল।

হায়ুৎজ্ বলছিলেন, ব্যাটনের আঘাতটা তোমার মাধায় লেগেছে, তুমি কষ্টও পেয়েছ খুব—এ কথা আমি মানছি। আমি শুধু তোমাকে সেই পুরাতন সত্যটা আবার নতুন ক'রে উপলব্ধি করতে বলছি যে, আমাদের অহত্বৃতির সীমানা বড় সংকীর্ণ। আমরা বতটা অহত্বব করতে পারি, তার বাইরেও টের জিনিস আছে যা আমাদের ইন্দ্রিয়াতীত।

একটু চূপ ক'রে থেকে আবার বললেন, যা আমাদের ইন্দ্রিয়-গোচর তারও রূপ ক্ষণে ক্ষণে বদলে যায়। সাধারণ আলো রূপান্তরিত হয় ইন্দ্রিয়ের সপ্তবর্ণমহিমায় সামাজ্য একটা পরকলার ভিতর দিয়ে দেখলে। স্তরাস্তর অহত্বৃতির বিশেষ একটা রূপকে আঁকড়ে ধ'রে কষ্ট পাওয়ার কোন অর্থ হয় না।

কষ্ট পাচ্ছি যে। যা পাচ্ছি তা মানতেই হবে।

আনন্দও পেতে পার, যদি তোমার অহত্বৃতির তরঙ্গগুলোকে বিশেষ একটা পরকলার ভিতর দিয়ে চালিত করতে পার।

কোথায় পাব সে বকম পরকলা?

তোমার মনের ভিতরই আছে। খুঁজে দেখ। পরকলা শুধু কাচেরই হয় না, মানসিকতারও হতে পারে। একটা বিশেষ ধরনের মনস্তত্ত্বের ভিতর দিয়ে গেলে যন্ত্রণাও যে আনন্দদায়ক হতে পারে, তার প্রমাণ শ্রাদ্ধজন্মে। বিকৃত মনোভাব হিসেবে ওটা অনেকের কাছে দ্বিগুণ, বিজ্ঞানের কাছে কিন্তু কোন কিছুই দ্বিগুণ নয়। তা ছাড়া ইতিহাসে বাঁধা মাটির ব'লে পুজো পান, তাঁরা কোনও অলৌকিক শক্তি-বলে শারীরিক বেধনাকে মানসিক বিলাসের পর্ধ্যায়ে নিয়ে যেতে পারেন হয়তো। তোমাদের দেশেই এককালে রাজপুত্ররমণীরা জ্বরব্রত করতেন, এখনও চড়কপুঞ্জের অনেকে পিঠের চামড়ায় লোহার বঁড়নী বি' দিয়ে বাঁশের ডগায় কোলেন শুনেছি। এ'রা নিশ্চয়ই কোন উপায়ে যন্ত্রণাকে মাধুর্থে রূপান্তরিত করতে পারেন...তা না পারলে—

হঠাৎ অল্পমনস্ক হয়ে গেলেন হায়ুৎজ্।

বেধ, শ্রায়ুতন্ত্রীগুলো আঘাতের তরঙ্গগুলোকে বহন ক'রে নিয়ে গিয়ে মস্তিষ্কে বেধনা-বোধের কেন্দ্রে আলোড়ন তোলে, তাই না আমরা বেধনা-বোধ করি। সেগুলো আনন্দ-বোধের কেন্দ্রে গিয়ে আলোড়ন তুললেই আমরা

আনন্দ-বোধ করব। বোগাযোগ ঘটানো অসম্ভব কি?...ঘনসম্মিষ্ট চাপ-
দাড়িতে হাত বুলোতে বুলোতে চিন্তামগ্ন হয়ে পড়লেন তিনি। ক্ষণপরেই
আলো চকমক করে উঠল চোখের দৃষ্টিতে।

বেশ, ফ্যারাডের স্বপ্নকে কার্ক ম্যাক্সওয়েল ভাষা দিয়েছিলেন। তিনি অন্ধ
ক'বে দেখিয়ে দিয়েছিলেন যে, আলো আর বিদ্যুতরঙ্গ একই জাতের জিনিস,
একই ইলেকট্রো-ম্যাগনেটিজমের বিভিন্ন রূপ...ইলেকট্রিক্যাল লাইনস্ অর কোর্স
একটি মিডিয়মে মাত্র চলে, তার নাম ঐশ্বর—যা সর্বব্যাপী, যা প্রত্যেক জিনিসের
অস্থপরমাণুর অন্তরে অস্থপ্রবিষ্ট, অনেকটা তোমাদের উপনিষদের ব্রহ্মের মত
এই ঐশ্বর প্রত্যেক জিনিসকে প্রত্যেকের সঙ্গে নিবিড়ভাবে যুক্ত ক'রে রেখেছে...
এক স্থান থেকে অন্য স্থানে তরঙ্গ বহন করে এই ঐশ্বরই। আমি হাতে-কলমে
প্রমাণ করেছিলাম সেটা। এখন আমাদের অস্থকৃতির তরঙ্গগুলোকে যদি
ইলেকট্রোম্যাগনেটিক ওয়েভ ব'লে মনে কর, খুব সম্ভব তাই ওরা... তা হ'লে
তাদের বহন করবার জন্তে স্নায়ুতন্ত্রীর প্রয়োজন নাও হতে পারে। সর্বব্যাপী
ঐশ্বর আছে। স্তত্রাং তার সাহায্যে বেদনার কম্পনগুলোকে আনন্দ-বোধের
কেজে নিয়ে যাওয়া অসম্ভব নয়। সেই চেষ্টা কর তুমি। তোমাকে এই
এক্সপেরিমেণ্টটা করতে বলছি এই জন্তে যে, আঘাত পেলেই তুমি যদি কাবু
হয়ে পড়, তা হ'লে যে পথ তুমি বেছে নিজেছ সে পথে অগ্রসর হতে পারবে না।
কারণ যে পথেই তুমি চল না কেন, আনন্দই হ'ল প্রধান পথেয়। তোমার
সমস্ত শক্তি অগ্রসর আঘাত করবে...ওই ওদের একমাত্র শক্তি...ওদের আঘাতকে
তুমি যদি আনন্দে রূপান্তরিত করতে পার, তা হ'লেই তোমার জয়। পারবে না
কেন?... Theoretically it is quite possible। আকাশের ইলেকট্রো-
ম্যাগনেটিক তরঙ্গ বেড়িও সেটে চুকে শব্দতরঙ্গ রূপান্তরিত হচ্ছে, বেদনার
অস্থকৃতিই বা আনন্দের অস্থকৃতিতে রূপান্তরিত হবে না কেন মস্তিষ্কের মত
এমন একটা বিশ্বকর যন্ত্রে প্রবেশ ক'রে? চেষ্টা কর, হবে ঠিক।

হাবুংচ্ চলে গেলেন।

অংশমান অন্ধকারে চূপ ক'রে বিমুচের মত ব'লে রইল। অকারণে
আচমকা মার খাওয়ার পর থেকে তার সমস্ত মন কেমন যেন অসাড় হয়ে
গেছে। একটা হিংস্র পশুরক বন্দী ক'রেও লোকে তাকে এমন অকারণে মারে
না। জেলে নাকি বিক্রোহের সূচনা হয়েছিল। কয়েকজন কয়েদী নাকি

জেলারকে তড়া করে। ইলেকট্রিকের তার কেটে দিয়েছে। কর্তৃপক্ষের
সন্দেহ, রাজনৈতিক বন্দীরাও সংশ্লিষ্ট আছে এতে। তাই এই শাসন।

একটা তপ্ত লৌহ-শলাকা কে যেন মাথার ভিতর ঢুকিয়ে ঘোরাচ্ছে
ক্রমাগত। ঘুরিয়েই চলেছে...একদণ্ড বিরাম নেই...অসহায় পশুর মত সজ
করতে হচ্ছে...উপায় নেই কোনও।

আনন্দে রূপান্তরিত করতে হবে। অসম্ভব যে নয় তা সে নিজেই জানে,
কিন্তু নিজেকেও সে জানে যে! আঘাতের বদলে প্রতিঘাত করতে হয়—এই
তার শিক্ষা। অপমানে জর্জরিত হয়ে দিগ্বিদিকজ্ঞানশূন্য হয়ে প্রতিঘাত করবে
ব'লেই সে একদা যুদ্ধ ঘোষণা করেছিল, প্রবল বিরুদ্ধ-শক্তির নিষ্ঠুর চাপে চূর্ণবিচূর্ণ
হয়ে যাবার সম্ভাবনা জেনেও। এই প্রত্যাশিত চাপে আর্ন্তনাদ করছে কেন
তবে? নিবিচার থাকতে পারছে না কেন? নিবিচারই থাকতে পারছে না
কেন, আনন্দে রূপান্তরিত করবে কি ক'রে তাকে? হাবুংজের এ উপদেশ পালন
করবে কি ক'রে সে? পারলে যুদ্ধজয় হুনিশ্চিত, তাতে কোনও সন্দেহ নেই।
অনেকক্ষণ চূপ ক'রে ব'সে রইল সে। অনেকক্ষণ। অনেকক্ষণ পরে যখন
সচেতন হ'ল, তখন নিজের ক্ষুদ্রতায় সে সন্তুষ্ট। অযোগ্য অস্থযুক্ত।
গামাছ পশু ছাড়া আর কিছু নয়। আঘাতের বদলে প্রতিঘাত দেবার অতি-
পরিমিত সামান্য শক্তি ছাড়া আর কোন শক্তি তার নেই, তাই হাাহাকার ক'রে
মরছে সারাক্ষণ। মস্ত মাতঙ্গের পদতলে নিষ্পিষ্ট কীটের মতই মরতে হবে
এবার। কীটের মতই মনোভাব, কীটের মতই দুর্বল, কীটের মতই মরতে
হবে। আত্মিক শক্তি? মহাত্মা গান্ধী যে শক্তির উপর আস্থা বান, হাবুংজ্ যে
শক্তির কথা ব'লে গেলেন, সে শক্তির চর্চা তো সে করে নি কোনদিন। তার
সন্ধানও জানে না। যে আত্মিক শক্তির বলে মাহুৎ পশুত্বের স্তর ছাড়িয়ে উর্ধ্ব-
লোকে উঠে গেছে...হঠাৎ সর্বাধিকার কথা মনে পড়ল...নিজের অস্থি ধান ক'রে
রক্ত নির্বাণ করেছিলেন...এটা কিসের রূপক?...অনেকক্ষণ এই কথাই ভাবলে
সে। রূপকের মর্মান্তক্য হ'ল না, সমস্ত অন্তর জুড়ে ঘনিয়ে উঠল একটা
শোক। যে ভারতবর্ষে তার জন্ম, সে ভারতবর্ষের উত্তরাধিকার থেকে বঞ্চিত
হয়েছে সে। পাশবিক শক্তির তুচ্ছ আফালনে মুগ্ধ হয়ে মহাজঘের উপর আস্থা
হারিয়ে ফেলেছে। পশু ছাড়া আর কিছু হয় নি সে। তাও অতিশয় হীন
পশু...অতিশয় ছোট।

ছোট বিনিস তুচ্ছ নয়। আমি অদৃশ্ত বিদ্যাতরঙ্গ ধরেছিলাম অতি ছোট একটি স্বপ্নের সাহায্যে। গ্যালিনার উপর সব একটি তার...

আচার্য জগদীশচন্দ্রকে সমুখে দণ্ডায়মান বেশে প্রথমটা অবাক হয়ে গেল, তারপর সাহস হ'ল যেন। ঘোর অরণ্যে পথ হারিয়ে ফেলেছিল অন্ধকারে, নির্ভরযোগ্য আশ্রয়ের দেখা পেয়ে শুণু যে উৎফুল্ল হয়ে উঠল তা নয়, স্নানায়মান আশ্র-বিশ্বাসের জ্যোতিটও উজ্জ্বল হয়ে উঠল সহসা অন্ধরে। মনে হ'ল, পারব।

জগদীশচন্দ্রও বললেন, ভারতবাসী তুমি, নিজেই হীন ভাবছ কেন এতটা? তুমি হীন নও, অমৃতের পুত্র তুমি। আদিভাব্য পুরুষকে প্রত্যক্ষ করবার পূর্বে উপনিষদের ঋষিকেও তমসার সন্মুখীন হতে হয়েছিল। ভয় কি, অন্ধকার থাকবে না, আলো দেখা দেবে, সত্যকে আশ্রয় করে থাক শুণু।

সত্যকে?—সাগ্রহে ব'লে উঠল অংশুমান, কোন্টা সত্য ব'লে দিন আনাকে। কাকে আমি আশ্রয় করব, আমি আশ্রয় খুঁজছি।

সত্য কি, তা কেউ কাউকে ব'লে বোঝাতে পারে না। নিজে সেটা উপলব্ধি করতে হয়। যেটা মিথ্যা ব'লে মনে হচ্ছে, সেইটে পরিহার ক'রে চল শুণু। সত্য-সন্ধানের সেই একমাত্র উপায়। অনেক মিথ্যা সত্যের মুখোশ প'রে থাকে, তাদের চিনতে দেয়ি হয়, কিন্তু সন্ধানী বেশি দিন প্রতারণিত হয় না। রূপে রূপে বহু রূপে যিনি বিচিত্র, জীবনে ও মরণে যিনি নিত্য, সেই স্বরস্রাজ স্বতন্ত্র সত্যের নির্লিপ্ত রূপ দেখতে পাবেই, যদি তোমার নিষ্ঠা আর আকুলতা থাকে।

আমি যে পথের পথিক, সে পথেও কি এই আধ্যাত্মিক সত্যের প্রয়োজন? আমি চাই ক্ষমতা, শক্তিকে শাসন করবার শক্তি...

সত্যের কোন জাতিভেদ নেই। সত্যই শক্তি। আলোকে ভাসমান ধূলিকণা, পৃথিবীর অগণিত প্রাণী, আকাশের অসংখ্য প্রদীপ্ত সূর্য, শিকারের উপর ঝপনোমুণ্ড শাদুল, লজ্জাবতীর সকেচ, কুমুদিনীর নিশি-জাগরণ, বনচাঁড়ালের নৃত্য, উদ্ভিদের হৃৎস্পন্দন, চতুর্দিকে পরিব্যাপ্ত যা কিছু তা শক্তির বিকাশ, এবং তার মূলে আছে সত্য—একমেবাদ্বিতীয়ম্। তুমি যে পথ বেছে নিয়েছ, তাও এরই মধ্যে নিবন্ধ। কোন পথই এর বাইরে নেই। যম নচিকৈতাকে বলেছিলেন...তত্ত্বং দেবাঃ সর্বে অপিতাস্তুহু নাতেত্যি কশ্চন...

সকল দেবতা এর মধ্যেই প্রবিষ্ট...এঁকে কেউ অতিক্রম করতে পারে না। জড়, জীব, উদ্ভিদ, প্রাণী, বিদ্যাহ, আলো সমস্ত অহংশীলন ক'রে সকলের মধ্যে যে বিরাট একা আমি প্রত্যক্ষ করেছি, তাতে বুঝেছি যে, আপাতদৃষ্টিতে পরিবর্তনশীল ব'লে মনে হ'লেও অস্থানিহিত সত্য এক এবং অভিন্ন। এবং এ উপলব্ধি ধার হয়েছে, তিনি অজ্ঞেয়।...

বলতে বলতে ধীরে ধীরে অস্থহিত হয়ে গেলেন।

ধীরে ধীরে গুঞ্জন উঠল, যাচ্ছি যাচ্ছি, তোমারই কাছে, সত্যপথে অনিবার্ধ-গতিতে...

তার পরদিন সকালেই অংশুমান খবর পাঠালে যে, সে দোষ স্বীকার করবে। তার স্বীকারোক্তি স্নতনে এলেন ডেপুটি ম্যাজিস্ট্রেট নীহার সেন। ঠিক আগের দিন তিনি সমরে বদলি হয়ে এসেছিলেন।

১৭

শেষ রাত্রি।

যন কুয়াশায় চতুর্দিক সমাজ্রম। কিছুক্ষণ পূর্বেও যে পরিচিত ছিল, তা অবলুপ্ত হয়েছে। কুহেলিকা নয়, যেন প্রহেলিকা। জীবনের কোন লক্ষণ কোথাও নেই, বৈচিত্র্যহীন, সব একাকার। বিরাট একটা সাধা চামর দিয়ে মৃতদেহকে মুড়ে রেখেছে যেন কে...চামরটা ছাড়া আর কিছুই দেখা যাচ্ছে না। অন্তর্যমান শব্দীয় পাণ্ডুর জ্যোৎস্নায় হাসি নেই, আছে সঙ্কল্প আক্ষেপ। নীরব ভাষায় যেন বলছে, তোমরা যখন জাগবে তখন আমি থাকব না, আমার সময় ফুরিয়েছে, আমি চললাম। একটা সবেদন সাধনাও যেন ক্ষয়িত হচ্ছে স্নানায়মান সেই আলো থেকে। চন্দ্র অস্ত গেল। দার-করা আলোর জ্যোতিটুকুও নির্বাপিত হ'ল। নিবিড় অন্ধকার। মনে হচ্ছে, সর্বপ্রায়... কালের প্রবাহও থেমে গেছে...নিষ্পন্দ অসাড় সব...বিরাট একটা অন্ধ জঠর গ্রাস ক'রে জর্গ করছে যেন চরাচর নিখিল বিখ। আশার লেশমাত্রও আর অবশিষ্ট নেই ব'লে মনে হচ্ছে যখন, তখন অদ্ভুত কাণ্ড হ'ল একটা। তীক্ষ্ণ তীব্র সুরে বাঁশি বেজে উঠল অস্থরীকে। স্থ-উজ্জ দেবদারুশাখাসীন শকুন্ত আলোকের অরণ্যভাস দেখতে পেয়েছে পূর্বনির্গমের চক্রবালয়েথায়। এসেছে সে এসেছে। নিষ্পন্দ স্পন্দিত হ'ল, অসাড়ের সাড়া জাগল। নিষ্প্রাণ ঘুমন্ত পুরীতে লাগল যেন সোনার কাঠির স্পর্শ। সহস্র কিরণের সহস্র স্বর্ণশরজালে

ছিন্নভিন্ন হয়ে গেল কুয়াশার মোহ-আবরণ। স্বচ্ছ হতে স্বচ্ছতর হতে লাগল চতুর্ভুজিক। পাহাড়ের চূড়া জাগল, দেখা দিল বনস্পতির শীর্ষদেশ, মন্দিরের ললাটে পড়ল আলোকের ভিলক, কলরব ক'রে উঠল পক্ষীকুল বন থেকে বনান্তরে। ফুল ফুটল, হাওয়া বইল, অপরাধ বর্ণবিজুড়িত শোভাযাত্রায় প্রবেশ করল আলোকের বিজয়-রথ। প্রভাত হ'ল।

১৮

মোটরের চারটে টায়ারই ফেটেছে।

পথের অনেকখানি জুড়ে ঘন ঘন লোহার পেরেক পৌতা। আশেপাশে কোন গ্রাম নেই, চারিদিকে ধুধু করছে মাঠ। আমরা যে এই পথ দিয়ে যাব, তা কি ক'রে জানলে ওরা, কে ওদের খবর দিলে...জুহুকিত ক'রে একটু বিশ্মিত হবার চেষ্টা করলেন নীহার সেন। ড্রাইভার টায়ার মেরামত করছিল, একটু খুঁকে সেটাতে মনোযোগ দেবার চেষ্টা করলেন, পট ক'রে হাকপ্যাটের বোতাম ছিঁড়ে গেল একটা। সোজা হয়ে উঠে ধাঁড়ালেন। পকেট থেকে ক্রমাল বার ক'রে ঘাড় কপাল মুছলেন ভাল ক'রে। হাতঘড়িটা দেখলেন একবার। আর একটু জুহুকিত করলেন। সহসা চোখের উপর হাতটা একবার বুলোলেন, বুলিয়েই তুলটা ব্যুত্রে পারলেন। ছবিটা চোখের সামনে নেই, মনের ভিতর আঁকা হয়ে গেছে। কতকগুলো পা, মোটর-লরি থেকে ঝুলছে...মড়ার পা। মিলিটারির গুলিতে মরেছে। মোটর-লরিতে বোকাই ক'রে এই কিছুক্ষণ আগে সেগুলোকে কেলে আসা হ'ল ওই নরীতে। প্রকাণ্ড মাঠটার ওপর দিয়ে ব'য়ে গেছে নরীটা। সেই দিকে কিছুক্ষণ চেয়ে রইলেন নীহার সেন। যদিও নরীটা দেখা যাচ্ছিল না, দেখা যাবার কোন সম্ভাবনা ছিল না, তবু চেয়ে রইলেন। পাগুলো ঝুলছিল...দশ-বাবোটা পা। হঠাৎ রাগ হ'ল...অনির্দিষ্ট ধরনের রাগ। তারপর সেটাকে নির্দিষ্ট করবার চেষ্টা করলেন। কতৃপক্ষ তাঁকেই কেন এ অশ্রীভিকর কাজটা দিলেন এত লোক থাকতে? তাঁকে বললি ক'রে জানবার কি দরকার ছিল মফস্বল থেকে? ম্যাক্সিস্টেট সাহেব বলছিলেন, তিনি বেশি কার্যদক্ষ—ক্রাইসিদের সময় 'একশেষ্ট' অফিসার দরকার। কিন্তু কার্যত দেখা যাচ্ছে, মিলিটারিদের গুলি ঢালাবার হুকুম দেওয়া ছাড়া দক্ষতা দেখাবার আর কোন উপায় নেই। সত্যিই সেই...সবাই কেমন ঘেন উদ্ভ্রান্ত হয়ে উঠেছে...জেলের কয়েদীরা পর্যন্ত।

দু-দুজন জেলের অফিসারকে খুন ক'রে পুড়িয়ে ফেলেছে, কাযার করবার অর্ডার না দিলে কি রক্ষা ছিল কারও, সমস্ত জেলখানাটা পুড়িয়ে ফেলত। জন চল্লিশ মরেছে...বেশ হয়েছে...ক্রিমিনাল গুণ্ডা যত...আর একটু রাগবাব চেষ্টা করলেন...কিন্তু পাগুলো আবার ভেসে উঠল চোখের সামনে...ক্রান্ত-ধাবমান লরির পিছন থেকে ঝুলছে। রাগটা একটু ফিকে হয়ে গেল। মনে হ'ল, কই, এতদিন তো ওরা বিস্ত্রোহ করে নি, নিশ্চয় রাজনৈতিক বন্দীদের যত্নস্ব আছে এর মধ্যে। অংশমানের মুখটা মনে পড়ল। অদ্ভুত ছেলে। চোখের দৃষ্টিতে কোন উদ্বেগ নেই, ভয় নেই, উত্তেজনা নেই। পরিপূর্ণ শান্তিতে-প্রিদ্ধ সে দৃষ্টি। নির্বিকার চিন্তে স্বীকার করলে যে, ডেপুটির অমাহুযিক অত্যাচারে বিচলিত হয়ে সে তাকে পুড়িয়ে মারবার যত্নস্ব করেছিল প্রতিশোধ নেবার জন্তে। এর জন্তে সে একটুও অহতস্ত্র নয়, এতদিন মিথ্যা কথা বলে নিজেকে বাঁচাবার চেষ্টা করেছে বলেই সে অহতস্ত্র। তার মৃত্যুর জন্তে সেই সম্পূর্ণ দায়ী, আর কাউকে জড়াতে সে চায় না। অকম্পিত কঠোর স্বীকার করলে যে, সে একাই দায়ী; অকম্পিত হস্তে সেই ক'রে দিলে স্বীকার-পত্রে। মুখের ভাব শান্ত, শ্রদ্ধ। বাইরে থেকে কিছু বোঝবার উপায় নেই এদের। আগেও অনেকবার ধেখেছিলেন একে তিনি, কতবার তাঁর বাড়িতেই এসেছে। মুখচোরা ভালমাহুয বলে মনে হ'ত। ভাবতেই পারা যায় নি তখন যে, এই লোক আংগুস্ট ডিক্টারুবন্দের পাণ্ডা হয়ে জলজ্যান্ত একটা লোককে পুড়িয়ে ফেলতে পারে। এতদিন খ'রে ক্রমাগত দোষ অস্বীকার ক'রে এসেছে...হিমসিম খেয়ে গেছে এতগুলো ঝাঙ্ক দারোগা। সবাই হার মানল যখন, তখন হঠাৎ নিজে বেচে দোষ স্বীকার করছে। অদ্ভুত! ভয় পেয়ে করেছে যে, চোখের দৃষ্টি থেকে তা মনে হয় না। মিলিটারি ফায়ারিং হবার আগেই স্বীকার করেছে। না, ভয় নয়...আসলে ওরা...আর একটু জুহুকিত ক'রে চিন্তা করতে লাগলেন, এই ধরনের লোককে ঠিক কোন শ্রেণীতে ফেললে তাদের প্রতি অবিচার করা হবে না। কারও প্রতি অবিচার করতে চান না নীহার সেন, প্রত্যেক জিনিসকে ঠিক প্রকার পারম্পেক্টিভে ফেলে বিচার করাই তাঁর বীভি...একটু ভেবে তাই ঠিক করলেন, না, ঠিক ক্রিমিনাল ওরা নয়, বাহাহুরি করবার জন্তেও এসব করে নি, আসলে ওদের মনের সমতা নেই, আনব্যাল্যান্সড মাইণ্ড...এবাই

বোধ হয় পাগল হয় শেষ পর্যন্ত। একটু ছুঁখ হ'ল...ছেলেটা পড়াশোনায় ভাল ছিল নাকি...

আর কত বেঁচি হে ?

এখনও বহু বেঁচি হুজুর। চার-চারটে টায়ার—। হাসিমুখে জবাব দিলে ডাইভার।

আকাশে বেশ মেঘ করেছে। ঘন-নীল পুঞ্জ পুঞ্জ মেঘ। ছেলেবেলার একটা কথা মনে পড়ে একটু অন্তমনস্ক হয়ে পড়লেন। তাঁদের একটা ময়ূর ছিল। মেঘ বেধলে ময়ূরটা পেখম ডুলে নাচত, আর নাচত তাঁর ছোট বোন মালতী। গানও গাইত একটা হাত ঘুরিয়ে ঘুরিয়ে... আর বৃষ্টি হেনে, ছাগল দেব মেনে। ময়ূরটা উড়ে পালিয়ে গেল একদিন।...মালতীও মারা গেছে। হঠাৎ মনে হ'ল, বৃষ্টি হবে নাকি ? আকাশের দিকে চাইলেন একবার। শব্দ ঘনিরে এল চোখের দৃষ্টিতে। অসহায়ভাবে চারদিকে চাইলেন...ধুধু করছে ফঁকা মাঠ...কোথাও আশ্রয় নেই...মনে হ'ল, আশ্রয় থাকলেও কেউ কি অভ্যর্থনা করত তাঁকে ? মোটরে উঠে বসলেন।

আকাশে বহু বিচিত্র মেঘ থাকলে আকাশটা যেমন চোখে পড়ে না, তেমনই নানা চিন্তার ডিড়ে আসল চিন্তাটা আড়ালে পড়েছিল এতক্ষণ। হঠাৎ সেটা স্পষ্ট হয়ে উঠল। অন্তরা চ'লে গেছে। কোথায়, কেন, কিছুই ব'লে যায় নি। জ্বলুকিত করে অপটুভাবে শিশু দেবার চেষ্টা করলেন। হু-হু করে ঠাণ্ডা বাতাস উঠল একটা।

১৯

চাকরি ছাড়ার প্রস্তাবটাকে লম্বু-হাতভবে উড়িয়ে দিলেন যখন নীহার সেন, তখন অন্তরার দাম্পত্য-নীড়ের শেষ ঝড়টুকুও যেন উড়ে গেল। যে ভাল সে নীড় ছিল, সেই ভালটাকে আঁকড়ে থাকবার আর কোন ওজুহাত সে আবিষ্কার করতে পারলে না। সেটা ভ্রূতভাবে ত্যাগ করে যাওয়াই স্বাভাবিক ব'লে মনে হ'ল তার। আদর্শকেই সে বরণ করেছিল, নীহার সেনকে নয়। নীহারের চেয়ে দেশই তার কাছে বড়। কোন ইঞ্জমের খাতিরে সে দেশজোহী হতে পারবে না। প্রথম যৌবনে কমিউনিজমের যে স্বপ্ন তার কল্পলোকে মূর্ত হয়েছিল, তা আজও অমান আছে...সে কমিউনিজমের ভিত্তি দেশ—দেশেরই দরিদ্র জনসাধারণ। তাদের উপর গুলি চালাবার, তাদের অবলা নারীদের ধর্ষণ

করবার যে যুক্তি নীহারকে মুগ্ধ করেছে, সে যুক্তি নিয়ে নিজের মতে নিজের পথে সে একাই চলুক। প্রত্যাহের কুশাহুর সঙ্গ করে সে ও পথে সঙ্গী হতে পারবে না।...

একটা ছোট স্মার্টকেসে নিজের নিত্যস্থ প্রয়োজনীয় জিনিসগুলো সে গুছিয়ে নিলে। স্মার্টকেসটা পরে ফেরত দিলেই হবে। কিছু টাকাও নিয়ে যাচ্ছে, সেটাও ফেরত দিতে হবে। চিঠিও লিখতে হবে একটা পরে। নীহার নিজের পথে স্বাধীনভাবে এগিয়ে যাক, আমি স'বে পাড়াশালা তার স্বাধীনতার বাধা দিতে চাই না ব'লে—এই সব লিখতে হবে।...আরও অনেক কথা লিখতে হবে।...

রাতায় বেঁচিয়ে কিন্তু নীহারের কথাই মনে হতে লাগল বার বার। বিধান, বুদ্ধিমান, তরুণটু, রাজনৈতিক নীহারকে নয়। সেই অসহায় পুরুষটাকে, যার অন্তরা না থাকলে একদণ্ড চলে না তাকে, যে লাড়ি কামিয়ে বৃষ্ণটা বুতে ফুলে যায়, হাত-ঘড়িটা হারায় ক্ষণে ক্ষণে, আপিসের কাগজ কোথায় বাধে ঠিক থাকে না। মনে পড়ছিল, মায়া হচ্ছিল; কিন্তু আর কি হবে না সে। মা-বাবাকেও সে কম ভালবাসত না, কিন্তু নীহারের জন্ম তাদেরও ছেড়ে এসেছিল একদিন। আদর্শের জন্মেই নীহারকেও ত্যাগ করতে হ'ল। কষ্ট হচ্ছে...কিন্তু সে আঁক কি হবে না। স্টেশনের দিকেই চলেছিল সে হাঁটা পথে। কোথায় যাবে ঠিক ছিল না। কলকাতাই যাওয়া যাক আপাতত। হঠাৎ মনে হ'ল, তার আদর্শকে রূপ দেবে কে ? অংগমান ? সে তো নাগালের বাইরে, জীবনে আর হয়তো দেখাই হবে না। হঠাৎ বৃকের ভিতরটা মুচড়ে উঠল। গতবিবেগ বাড়িয়ে দিল সে...ঋতবেগে চলতে লাগল অসমতল করবার্ণী পথে। সমস্ত বেহ-মন একাগ্র হয়ে উঠল যেন। কেন, কিসের উদ্দেশ্যে, তা সে বুঝতে পারলে না। চলতে লাগল শুধু, ঋতবেগে চলাটাই একমাত্র করণীয় ব'লে মনে হ'ল। যেতে হবে...কোথায় সে আদর্শলোক জানা নেই...তবু যেতে হবে। চলতে লাগল। অনিদিষ্ট নামহান একটা আকর্ষণ ছুনিবার বেগে টেনে নিয়ে চলল তাকে।

মনের প্রত্যস্ত প্রদেশে কিন্তু যে হাহাকারটা প্রচ্ছন্ন ছিল, তা স্পষ্ট হ'ছে উঠল। সে স্পষ্টভাবে অহুত্ব করতে লাগল, জীবনে সে কাউকে ভালবাসতে পারে নি, এক নিজেকে ছাড়া। সে ভালবাসা চেয়েছে, ভালবাসা পেয়েছে

ব'লে জান করেছে, মাঝে মাঝে উত্তলা হয়েছে, স্বপ্নের ঘোরে স্বপ্নকে জড়িয়ে ধরতে গেছে...কিন্তু আসলে পায় নি কিছু। সত্যি যদি ভালবাসা পেত, তা হ'লে কেবানী স্বামী নিয়েও স্বামী হ'ত সে। ভালবাসার স্পর্শে দাসত্বও মহনীয় হয়ে উঠত। রুম-সিংহাসন শুলই আছে, কোনও মহারাজার স্পর্শে ধস্ত হয় নি তা এখনও? কোথায় সে মহারাজা, কবে আসবে, কোন গুণে চেনা যাবে তাকে...। একটি গুণই তো সে চেয়েছে সারা প্রাণ দিয়ে, সারা জীবন জ্বলিয়ে হবে সে। যার পায়ের সমস্ত বেহ-মন উজ্জ্বল ক'রে দেব, তার মহাব যেন মেকি না হয়...ছদ্মিন যেতে না যেতেই তার গিলটি ধরা না পড়ে। বিধান নয়, বুদ্ধিমান নয়, ধনী নয়, রূপবান নয়, সে চেয়েছে জ্বলিয়ে ব্যক্তিকে...যার মহত্ত্বের ঐচ্ছল্যে মহতে পড়বে না কখনও। তখনই মনে হ'ল, তার নিজের কি এমন গুণ আছে যে, এমন খাটি সোনার দ্বাৰি সে করতে পারে অসম্বোধে? কি মূল্য দেবে সে...এর যোগ্য মূল্যই বা কি? মনের ভিতর থেকে উত্তর এল, আশ্চর্য্যাগ। আশ্চর্য্যাগ করতে প্রস্তুত আছে সে। কিন্তু কোথায়...কি ভাবে?...।

আরে, বোকো বোকো—

গর্জন ক'রে দাঁড়িয়ে পড়ল মোটরটা।

মিসেস সেন? কোথায় চলছেন? আপনার কাছেই যাচ্ছিলাম যে আমি।

মোটর থেকে নাবলেন ইন্স্পেক্টর যিঞ্জন চক্রবর্তী।

একমুখ হেসে প্রশ্ন করলেন, কোথায় চলছেন?

এই ট্রেনে কলকাতা যাব।

ও, তা হ'লে তো আরও সুবিধে হ'ল। গামিও যাচ্ছি কলকাতা। ট্রেনের এখনও দেরি আছে আধ-ঘণ্টা-টাক। স্টেশনে যাবার আগে আপনার সঙ্গে দেখাটা সেবে যাব ভেবেছিলাম। আপনিও কলকাতা যাচ্ছেন, ভালই হ'ল। আহ্নন তা হ'লে, উঠুন। স্টেশনেই যোগা যাক মোজা।...

আমার সঙ্গে কি দরকার আপনার?—সবিশ্বয়ে প্রশ্ন করলেন অন্তরা। তার বৃকের ভিতরটা কেঁপে উঠল একটু।

রানার ইন্টারেস্টিং... ধীরে-স্থানে বলল এখন। সঙ্গেই তো যাচ্ছেন, উঠুন। আপনার জিনিসপত্র কই?

এই ব্যাগটা ছাড়া আর কিছু নেই।

আহ্নন। মিস্টার সেন সন্দের জয়েন করেছেন গিয়ে? হ্যাঁ।

আপনি যাচ্ছেন কবে?

আমার কলকাতায় একটু দরকার আছে। সেটা সেবে তারপর যাব।

আই সি। আহ্নন।

ট্রেন ছুটে চলেছে অন্তরার ভেদ ক'রে। ট্রিক আগের স্টেশনে কামরাটা খালি হয়ে গেছে। ইন্স্পেক্টর যিঞ্জন চক্রবর্তী ও অন্তরা ছাড়া কামরায় আর কেউ নেই। একটা কপাট খারাপ, ভাল ক'রে বন্ধ হয় না। যিঞ্জনবাবু সেটাকে ভাল ক'রে খুঁপে দিয়ে তার সামনেই বসেছেন নিজের ট্রাকের উপর, ভালভাবে হাওয়া পাবেন ব'লে। তাঁর মনে হ'ল, এইবার কথাবার্তা শুরু করা যাক, পনের স্টেশনে আবার লোক উঠবে হয়তো।

একটা কথা জানতে চাই আপনার কাছ থেকে মিসেস সেন। আই হোপ, ইউ উইল স্পিক দি ট্রু—অন্তরার বাবুকে আপনি কি সাহায্য করেছিলেন কিছু?

অন্তরার চোখের দৃষ্টি প্রখর হয়ে উঠল।

সাহায্য? কি রকম সাহায্য?

আধিক।

না।

ক্ষণকাল নীরব থেকে যিঞ্জন চক্রবর্তী বললেন, আমরা কিন্তু একটা বাড়ি সার্চ ক'রে এক সেট জড়োয়া গহনা পেয়েছি, তার প্রত্যেকটাতে নাম খোঁদাই করা আছে—অন্তরা সেন।

অন্তরার মুখ শুকিয়ে গেল। তবু সে সমপ্রতিভ হাসি হেসে বললে, আমি ছাড়া পৃথিবীতে অল্প অন্তরা সেন থাকতে সম্ভব।

কোয়ার্টার, খুবই সম্ভব। আমিও প্রথমে তাই ভেবেছিলাম। কিন্তু যে দোকান গয়নাগুলো বিক্রি করেছে, গয়নার গায়ে দোকানের নামও ছিল, সেখানে খোঁজ নিয়ে দেখলাম যে, এক আপনি ছাড়া অল্প কোন অন্তরা সেনকে গয়না বিক্রি করে নি তারা।

আমার সে গয়নার 'সেট' চুরি গেছে।

কবে ?

ঠিক মনে নেই।

পুলিসে খবর দিয়েছিলেন ?

না।

ধেন নি কেন ?

পুলিসের উপর আস্থা নেই বলে।

আপনার স্বামী কি এই চুরির কথা জানতেন ?

তিনি রাগারাগি করবেন এই ভয়ে তাঁকেও জানাই নি।

ধিকেন চক্রবর্তীর মুখ হাস্ত-প্রদীপ্ত হয়ে উঠল। চোখের দৃষ্টি থেকে উকি দিতে লাগল প্রচ্ছন্ন কৌতুক। পরমুহূর্তেই গভীর হয়ে গেলেন তিনি। আড়চোখে চেয়ে দেখলেন, অস্তরার দৃষ্টিতে আগুন জ্বলছে। এক বলক হেসে বললেন, কিন্তু আপনার বাস্তু ক'মবেঙ মীনা দত্তকে এসব কথা লেখেন নি তো ?...সে চিত্তিখানাও দেখেছি আমি।...

অস্তরার চোখ দুটো দপ ক'রে জ্বলে উঠল।

ধিকেনবাবু বললেন, আই অ্যাম সারি, কিন্তু আপনাকে অ্যাংক্ট করতে হ'ল। বর্তবোর খাতিরে, বিলিভ মি। মিটার সেন, আই হোপ, উইল অ্যাপ্রিসিয়েট মাই লাভ ফর ডিউটি।

একটা ক্রুর হাসি ফুটে উঠল চোখ দুটোতে। অন্ধকার ভেদ ক'রে ট্রেন ছুটেতে লাগল।

২.

অন্ধকারে একা ভাবছিল অশুভমান।

...ওরা ছাড়বে না, প্রতিশোধ নেবে। বার বার নিয়েছে, এবারও ছাড়বে না। ছাড়বে না, কারণ ওরাও ভীত। ভীত বস্তু বরাহ যেমন দুর্বল বেগে তেড়ে আসে, নবদম্পতি বিস্তার ক'রে বাধ যেমন লগর্জনে ঝাঁপিয়ে পড়ে আততায়ীর বৃকে, সাপ যেমন ফণা তোলে, এরাও তেমনই নিষ্ঠুরভাবে নিমূল করবে আমাদের। ভয় পেয়েছে বলেই অস্ত্র চালাবে, চোর যেমন ছোরা চালায়। না, ছাড়বে না। রখনও ছাড়বে নি। ইতিহাসে তার প্রমাণ আছে।...

...গাছের ডালে ডালে মড়া ঝুলছে। ফাঁসি দেওয়া হয়েছে।

...হাত-পা-বঁধা সারিবদ্ধ সিপাহী। একের পর এক গুলি করা হচ্ছে। মড়ার স্তূপ। দুটো কৃপ পরিপূর্ণ হয়ে পেল।

...প্রকাণ্ড একটা কামান দাগা হ'ল। আওয়াজটা হ'ল চাপা গোছের, সঙ্গে সঙ্গে ছিটকে পড়ল চতুর্দিকে মাংসের টুকরো, কাটা আঙুল, রক্তাক্ত হাত-পা, ঝলসানো খ্যাঁতলানো মাথা। কামানের ভিতর মাহুঘ পুরে কামান দাগা হয়েছে।

...একটা পোড়া দুর্গন্ধ উঠছে চতুর্দিকে। একটা জীবন্ত লোককে হাত-পা বেঁধে মন্ম খাঁচে ধীরে ধীরে পোড়ানো হচ্ছে। তার আগে তাকে গ্রহাণু করা হয়েছে প্রচুর। বেয়নেটের খোঁচায় সর্বাঙ্গ ক্ষতবিক্ষত।

...একটা লম্বা ঘরে সারি সারি পোড়ানো আছে হাত-পা-বঁধা অপরাধীরা। সকলেই সম্পূর্ণ উলঙ্গ। তপ্ত লোহা দিয়ে আশাধমস্তক দেগে দেওয়া হচ্ছে সকলের একে একে। চড়চড় ক'রে শব্দ হচ্ছে—তপ্ত লোহার কাঁচা মাংস পুড়ছে। নিসারণ যন্ত্রণায় আতর্নাদ করছে সকলে। আতর্নাদ যখন বিরক্তি উৎপাদন করতে লাগল, তখন গুলি চালিয়ে নীরব ক'রে দেওয়া হ'ল তাদের।

...মুসলমানের মুখে জোর ক'রে মাথানো হচ্ছে শূকরের চবি, শূকরের চামড়ার পুরে সেলাই করা হচ্ছে তাদের, তারপর হত্যা করা হচ্ছে নির্ভমভাবে। ফাঁসি দিয়ে, গুলি ক'রে, কামানের ভিতর পুরে, পুড়িয়ে, ঠেঙিয়ে,—যেমন খুশি। হিন্দু বেলতেও ঠিক অহরূপ আচরণ। আগে ধর্ম নষ্ট, তারপর অপমান, তারপর হত্যা।

দিল্লী অশ্রান হয়ে গেছে। একটা পুরুষ নেই। সব মরছে। হাজার হাজার গৃহহীন স্ত্রীলোক আর শিশু ঘুরে বেড়াচ্ছে পথে পথে। সৈন্যরা ঘরে ঘরে টুকে লুঠ করছে...

সিপাহী-বিভ্রের সময় ইংরেজ রাজপুরুষেরা যেভাবে বিদ্রোহ দমন করেছিলেন, তার এই সব বর্ণনা ইংরেজ ঐতিহাসিকেরাই* নিপুণভাবে লিপিবদ্ধ ক'রে গেছেন। ভয়াবহ বর্ণনা। অনেকদিন আগে পড়েছিল। প্রতিটি বর্ণনা মূর্ত হয়ে উঠতে লাগল চোখের সামনে। এদেশের লোককে লাধি মেয়ে, চাবকে, জেলে পুরে, গুলি ক'রে, ফাঁসি দিয়ে, আগুন পুড়িয়েও তৃপ্তি হয় নি

এদের। একজন লিখেছেন—আমার যদি আইনত ক্ষমতা থাকত, জীবন্ত অবস্থায় এদের চামড়া ছাড়িয়ে নিতাম। তারপর দ্বিতীয় আফগান যুদ্ধ, কাবুল বিস্ফোহ। সে বিস্ফোহও দমন করেছিলেন এঁরা গ্রামের পর গ্রাম জালিয়ে, হাজার হাজার লোক হত্যা করে। শক্তিশালী জাতি, প্রতিশোধ নিতে এরা ছাড়ে না। জালিয়ানওয়ালাবাগ, চট্টগ্রাম, মেদিনীপুর, ভারতবর্ষের প্রত্যেক জেলের সেলে সেলে...। সহস্রা চাঁৎকার করে বলে উঠল অশুভমান, তবু ভয় থাক না, তবু অস্ত্রায় সহ্য করব না, আমাদের ছায়া প্রাণা আমরা নেবই। ব'লেই অপ্রস্তুত হয়ে পড়ল—কোথাও কেউ নেই। চূপ করে ব'সে রইল অনেকে। অন্ধকার—কেবল অন্ধকার। এত অন্ধকার কেন? একটু আলো, এতটুকু আলো পেলে যে বেঁচে যায় সে। কোথাও আলো নেই। চোখের সামনে অস্ত্রের নিবিড় গহনে কেবল অন্ধকার। ঘন গাঢ় পুঞ্জীভূত তমিষা। মৃত্যুর আঁধার এখনই নামল নাকি?...।

শান্ত স্তব্ধ হয়ে চোখ বুজে ব'সে ছিল অশুভমান। চোখের সম্মুখে প্রসারিত তিমির-যবনিকা সামান্য একটু কাঁপল যেন, ক্ষীণ একটু আলোর আভাস দেখা দিয়েই মিলিয়ে গেল।...আবার অন্ধকার...একটু পরে আবার সেই আলোর আভাস, এবার যেন একটু বেশি—স্বাছা...আবার মিলিয়ে গেল তাও। একাগ্র আগ্রহে স্তব্ধ নির্মূলিত নেজে ব'সে রইল অশুভমান। প্রদীপের শিখার মত ওই যে...স্পষ্ট থেকে স্পষ্টতর হয়ে উঠল ক্রমশ...কম্পিত শিখা স্থির হ'ল। সহস্রা সে শিখা থেকে আবির্ভূত হলেন এক জ্যোতির্ময় পুরুষ। বললেন, ভয় কি, আমি আছি। অন্ধকার মিথ্যা।...

কে আপনি?

আমি অনির্বাক্ষ অগ্নি। তোমার মধ্যে চিরকাল আছি এবং থাকব। ভয় আমাকে আবৃত করে, কিন্তু ধ্বংস করতে পারে না। ভয় অপসারিত কর, আমাকে দেখতে পাবে। ভয়ই অন্ধকার।...

ধীরে ধীরে শিখার মধ্যে অস্তহিত হয়ে গেলেন আবার।

অশুভমানের কানে কানে কে যেন বলতে লাগল, আমি দাবানল, আমিই বাড়বানল, আমিই আবার কুশাছ। মুম্বয় প্রদীপের ভীক কম্পিত শিখায়, বিদ্যুতের উজ্জ্বল প্রকাশে, ইন্দ্রের বজ্রে, মদনের কুহুমশব্দে, নক্ষত্রের কিরণে,

বজ্রোত্তের দীপ্তিতে, তপস্বীর তপস্রায়, প্রেমিকের প্রেমে, কবির প্রেরণায়, বীরের বীরত্বে, লুপ্ত লতায় জড়ে চেতনে অগ্নিতে পরমাগ্নিতে সর্বত্রই আমার প্রকাশ। ইলেকট্রনের যে রূপে তোমরা বিশ্বিত, তা আমারই রূপ। নেগেটিভ ইলেকট্রন চিরকালই পজিটিভের দিকে ধাবিত। আমারই এক অংশ আর এক অংশের সঙ্গে মিলিত হয়ে সম্পূর্ণ হতে চায়। স্বাধা আত্মও আমার অঙ্গগামিনী...তাই পৃথিবী অক্ষর অমর অক্ষয় শাবিত...

নিশ্চয় হয়ে গেলে সব।

ধীরে ধীরে গুঞ্জন উঠল...যাচ্ছি...যাচ্ছি...তোমারই কাছে...অনির্বাক্ষ-গতিতে...সত্য পথে...

২১

তিন মাস কেটে গেছে।

সব রকম চেষ্টাই নিষ্ফল হয়েছে। অশুভমানকে পাগল প্রতিপন্ন করা যায় নি। হাইকোর্টের বিচারেও তার প্রাণদণ্ড বাহাল আছে। প্রাণভিক্ষা চেয়ে একটা দরখাস্ত করবার পরামর্শ দিয়েছিলেন হিঠৈবীরা। অশুভমান তাতে সই করে নি। অশুভমানের বাবা পুত্রের জীবন ভিক্ষা চেয়েছিলেন রাজদরবারে। মঞ্জুর হয় নি। কাল ভাঙে অশুভমানের যঁসি হবে। জেলারবারু এসে প্রবেশ করলেন।

আপনার শেষ ইচ্ছা যদি কিছু থাকে বলুন, তা আমরা সম্ভব হ'লে পূর্ণ করতে চেষ্টা করব। মানে, যদি কারও সঙ্গে দেখা-টোকা করতে চান—কার সঙ্গে দেখা করবে সে? মা বাবা? কি হবে তাদের সঙ্গে দেখা করে? তারা তো খালি কাঁদবে। অজানা পথে অক্ষয় পাথেয় নিয়ে কি করবে সে? হঠাৎ মনে হ'ল...যদি...

একজনের দেখা পেলে স্থখী হতাম, কিন্তু তা কি সম্ভব হবে এখন?

কার সঙ্গে বলুন, চেষ্টা করতে পারি।

ভেগুটি ম্যাঞ্জিস্টেট নীহার সেনের স্ত্রী অন্তরা দেবীর সঙ্গে।

তিনিও তো আপনার সঙ্গেই যাচ্ছেন।

মানে?

সবিস্ময়ে চেয়ে রইল অশুভমান।

কাল তাঁরও ফাঁসি হবে।

কেন, কি করেছিল সে ?

একজন পুলিশ অফিসারকে ট্রেন থেকে ঠেলে ফেলে দিয়ে খুন করেছিলেন।

তঁার সঙ্গে দেখা করবন ? যেখি—

জেলারবাবু বেরিয়ে গেলেন।

২২

সেদিন পূর্ণিমা।...শেষ রাত্রি। সামনেই ফাঁসির মঞ্চ। অন্তরা পাশেই ঝাড়িয়ে আছে। অস্ত্রমান মৃত্যুর কথা ভাবছিল না। মৃত্যু দৃষ্টিতে চেয়ে ছিল সে। অনাবিল জ্যোৎস্নায় মহাকাশ পরিম্লাবিত। পৃথিবীর মূলিতে লেগেছে আকাশের স্পর্শ, জেগেছে অনাগতলোকের স্বপ্ন। রূপসাগরের কানায় কানায় অপরূপ সৌন্দর্য-স্থখা বেন টলমল করছে। আনন্দে আত্মহারা হয়ে উড়ে যেতে চাইছে যেন পৃথিবী দৃষ্টির ওপারে চক্রবালবেরখা ছাড়িয়ে। ওটা মেঘ নয়— নৌকোর পাল...ভারতের স্বর্গীয় অমরবৃক্ষ বোধ হয় যাত্রা করেছেন আজ মর্ত্যের দিকে...সুদিরাম-কানাইলালের দল...ওটা তাদেরই পাল-তোলা নৌকো...পালে লেগেছে পারিজাতগন্ধী হাওড়া...ভুলছে তাতে নন্দনবনের মন্দারমঞ্জরী...

শেষ

“বনফুল”

মহাস্ববির জাতক (পূর্বাছয়ুত্তি)

বললুম, নিশ্চয় মনে থাকবে।

ওদিকে আমাদের চারদিকে ভিড় ও সেই সঙ্গে কোলাহল বাড়তে আরম্ভ করলে। সেই ভালে ভদ্রমহিলাও চঞ্চল হয়ে উঠতে লাগলেন। শেষকালে আর থাকতে না পেরে আমার নাম ধরে ডেকে বললেন, দেখ তো বাবা, উনি গেলেন কোথায় ? বোধ হয় এই ইষ্টিশান-মাস্টারের ঘরে বসে আজ্ঞা দিচ্ছেন। আড্ডা পেলে আর কিছু মনে থাকে না। এই মাহুযকে ফেলে গিয়ে কি ক’রে আমার দিন কাটে তা ভগবানই জানেন। ওদিকে বাবার যে কি কষ্ট! তোমরা যে মেয়েমাহুয হয়ে জন্মাও নি—বেরে গেছ। মেয়েমাহুযের মনের কষ্ট মেয়েমাহুয ছাড়া আর কেউ বুঝতে পারে না।

যা হোক, মেয়েমাহুযের কষ্ট বোধবার আর অধিক চেষ্টা না ক’রে আমি

উঠে প্লাটফর্মে ঢুকে স্টেশন-মাস্টারের ঘরের সামনে এসে দাঁড়ালুম। দেখলুম, ঘরের মধ্যে একটা গোল টেবিল ঘিরে রেল-কোম্পানির কালো কোট ও গোল টুপি পরা জন তিনেক লোক বসে আছে, আর আমাদের ইনি ঝাড়িয়ে চাঁৎকার ক’রে হিন্দী ভাষায় তাদের কি সব বলছেন, আর তারা থেকে থেকে হাসিতে ফেটে পড়ছে।

দরজার কাছে আমি দাঁড়িয়েই আছি, ভদ্রলোক একবার ফিরেও দেখেন না। হঠাৎ একবার চোখে চোখ পড়তেই তিনি ঘরের ভেতর থেকেই চাঁৎকার ক’রে উঠলেন, এই যে ভায়া!

ভারপর ঘর থেকে বেরিয়ে এসে বললেন, তুমি বোধ হয় মনে করলে, শালা টিকিট ছুখানা নিয়ে স’রেই পড়ল। আঁর, সবই কোথায়, আমার সর্ব্বথ যে তোমাদের কাছে জিন্মে ক’রে এসেছি। পালাবার কি আর পথ আছে।

বলেই হো-হো ক’রে হেসে উঠলেন।

বললুম, না না, তা নয়। আমি সেজন্তে আসি নি, মানে, আপনায় জ্বী জাকছেন আপনাকে।

ও! ডাকছেন বৃষ্টি আমাকে ? বলগে, একুনি আসছি আমি, কোন ভয় নেই, ট্রেন খুব লেট।

আমি চ’লে আসছি, এমন সময় ভদ্রলোক আমাকে ডেকে বললেন, ভায়া, শোন।

কাছে যেতেই বললেন, স্টেশন-মাস্টারকে টিকিট ছুখানা দেখালুম, সে বললে, ঠিক আছে।

ভারপর কোটের ভেতর থেকে একটা ব্যাগ বের ক’রে আমাকে বললেন, এখান থেকে হাওড়ায় ছুখানা টিকিটের দাম হয় ছ-টাকা ক আনা। আমি তোমাকে পাঁচটি টাকা দিচ্ছি ত্রাশার।

ব্যাগ থেকে পাঁচটি টাকা বের ক’রে আমার হাতে দিয়ে বললেন, কেমন, খুশি তো? এতে তোমাদেরও কিছু হয়ে গেল, আমারও কিছু লাভ হ’ল। ভাই, বিশেষে ডাকঘরে কেরানীগিরি করি, এই ক’রেই চালিয়ে নিতে হয়। রাগ করলে না তো?

বললুম, না না, রাগ করব কেন ? আপনি আমাদের উপকারই করলেন।

ফিরে আসছিলুম, আমাকে ডেকে বললেন, ভায়া, আমার স্ত্রীকে এসব কথা বলো না যেন।

না না, কি দয়কার!—ব'লে টাকা কটি ট্যাঁকে গুঁজতে গুঁজতে ফিরে এলুম। অপ্রত্যাশিতভাবে টাকা পাঁচটি পেয়ে বুক যেন ধস হাত হয়ে গেল। প্রকার ও অনাহারজনিত শারীরিক মানি যে কোথায় উবে গেল, কি বলব! অর্ধ এমনই গালগা।

লখা লখা পা ফেলে ঘরের মধ্যে গিয়ে দেখি, পরিতোষের বা হাতের তেলোয় পর্বতপ্রমাণ লুচির দিকে, তার ওপরে চূড়ার মতন খানিকটা তরকারি। তার চোয়াল ছুটো টেকির মতন উঠছে আর পড়ছে।

আমি কাছে আসতেই রাগুমা বললেন, তুমি তো বড় ছুটু ছেলে বাছা! সারাদিন খাওয়া হয় নি, এ কথা মাকে বলতে হয়! কি রকম ছেলে তুমি আমার?

দুঃস্বপ্নমতন মিলিটারি সুরে আমার হুকুম করলেন, ব'স এখানে।

পরিতোষের পাশে ব'সে পড়লুম। রাগুমা একটা বড় গোল পেতলেয় কৌটো-গোছের বান্ধ খুলে তার ভেতর থেকে এক তাড়া লুচি ও খানিকটা আলু-প্যাঁজের চচ্চড়ি তার ওপরে চাপিয়ে আমাকে দিয়ে বললেন, খাও।

সারাদিন অনাহারের পর সে খাবার যে কি ভাল লাগল, তা কি ক'রে বোঝাব! প্রতি গ্রাসে মনে হতে লাগল, যেন ছ মাসের পর পথি পাচ্ছি।

রাগুমা বকবক ক'রে ব'কে যেতে লাগলেন। জানি না, এরই মধ্যে পরিতোষ তাঁকে কি বলেছিল! তিনি বলতে লাগলেন, শব ক'রে এ কষ্ট ভোগ করা কেন? ভাল ঘরের ছেলে তোমরা, এত কষ্ট কি সহ হবে? আমি যদি এখানে থাকতুম, তা হ'লে নিশ্চয় খ'রে নিয়ে যেতুম তোমাদের, ইত্যাদি।

ইতিমধ্যে বাইরে প্র্যাট্‌ফর্মে ঢং-ঢং ক'রে ঘণ্টা বেজে উঠল। ওদিকে ঘরের ঘুলঘুলি গেল খুলে, আর সেখানে শুরু হ'ল গুঁতোগুঁতি আর হুঁড়োহুঁড়ি।

মিনিট পাঁচ-সাত বাদে রাগুমার স্বামী অর্থাৎ সম্পর্কে আমাদের রাজাবাবা হস্তমস্ত হয়ে এসে ব্যাপার দেখে স্ত্রীকে বললেন, কি লাগিয়েছ?

রাগুমা নিবিচারভাবে বললেন, ছেলেগুলোকে খাওয়াচ্ছি। সারাদিন না খেয়ে আছে, তা বাছারা কি আমার আগে বলেছে! কথায় কথায় বার ক'রে নিলুম।

ভক্তলোক মুখে একটা ঔদাস্তের ভাব এনে ফরাসী কাযদার হাতের তেলো ছুটোকে চিত্তিয়ে এক ভকী ক'রে মুট্টেদের দিকে ফিরে বললেন, এইজন্মেই শাস্ত্রে বলেছে—মেয়েমাছ নিয়ে পথে বেরুতে নেই।

ভক্তমহিলা স্বামীর দিকে মুখ তুলে বললেন, তা নিয়ে বেরুলে কেন? একলা পাঠিয়ে দিলেই হ'ত।

ভক্তলোক স্ত্রীর কথার কোন জবাব না দিয়ে সশব্দে একটা নিশ্বাস ফেলে মুট্টেকে বললেন, ওরে, এই বিছানাটা তুলে নে।

মুট্টের পেছ পেছ তিনিও প্র্যাট্‌ফর্মে ঢুকে গেলেন।

পরিতোষের খাওয়া প্রায় শেষ হয়ে এসেছিল। আমি তাড়াতাড়ি ক'রে গিলতে আরম্ভ করেছি দেখে রাগুমা বললেন, তাড়াতাড়ি ক'রো না বাবা, ধীরে-হুঁহুে খাও।

মিনিট দু-তিন যেতে না যেতে আমাদের রাজাবাবা লাফাতে লাফাতে এসে বললেন, ওগো, উঠে পড়, সিগ'ছাল প'ড়ে গেছে।

রাগুমা স্বাকার দিয়ে উঠলেন, পড়ুকগে শিংগেল, পোড়ারমুখোরা এতক্ষণ করছিল কি! ছেলেগুলোকে খেতে দিয়েছি, এখন যত রাজ্যের শিংগেল পড়বার তাড়া লেগে গেল!

আমি ততক্ষণে বাকি দু-তিনখানা লুচি ও তরকারিটুকু ঠেলে মুগ'ছরের পুরে দিয়ে সেগুলিকে গম্ববাস্থানে পৌঁছে দেবার চেষ্টা করতে লাগলুম।

রাগুমা কিন্তু স্বামীর ভাগাদায় ভ্রক্ষেপ না ক'রে আবার বালতিটা টেনে এনে তার ভেতর থেকে আর একটা কাপড়ে-মোড়া কৌটো বার ক'রে ত্রাকড়ার গীট খোলবার চেষ্টা করতে লাগলেন। ওদিকে ব্যাপার দেখে রাজাবাবা পাছা চাপড়ে একরকম নৃত্য করতে করতে গলা দিয়ে একটা অস্বাভাবিক সুরু ও করণ স্বর বের ক'রে গান শুরু ক'রে দিলেন। গানের ভাষা হচ্ছে—হায় হায়! আঁজ নেঘ'ঘাৎ ট্রেন ফেল করালে দেখছি—

রাগুমা নিবিচার। স্বামীর নৃত্যগীতে ভ্রক্ষেপ না ক'রে ধীরে-হুঁহুে ত্রাকড়ার গীট খুলে বড় কৌটোর ভেতর থেকে আর একটা ছোট কৌটো বের ক'রে সেটার ঢাকনা খুলে ছুটো প্যাঁড়া বের ক'রে আমাদের গুঁজনের হাতে দিয়ে আবার কৌটো বীথতে লাগলেন।

রাজাবাবা আর সহ করতে না পেরে হেঁট হয়ে পরিতোষের একখানা

হাত ধ'রে বললেন, চল ভায়া, প্র্যাট্‌ফর্ষের কলে তোমাদের জল খাইয়ে আনি।

আমরা দাঁড়িয়ে উঠলুম। ভঙ্গলোক তাড়া দিয়ে মুটের মাথায় সেই বিরাট ঝাঁক তুলে দিয়ে বালতিটা টপ ক'রে হাতে নিয়ে প্র্যাট্‌ফর্ষের দিকে দৌড় দিলেন।

প্র্যাট্‌ফর্ষ পৌছবার পূর্বেই বিরাট গর্জন করতে করতে ট্রেন এসে উপস্থিত হ'ল। জল খাওয়া তখনকার মতন বন্ধ ক'রে ছুটোছুটি ক'রে খালি কামরার খোঁজ করতে লাগলুম। ট্রেনে বেশি ভিড় ছিল না। একটা দু-বেঞ্চিওয়াল সৰু কামরা খালি আছে দেখে সেইটেতে তুলে দিয়ে আমরা দরজার কাছে দাঁড়ানুম। গাড়ি বেশিক্ষণ দাঁড়াবে না, জল পরে খেলেও চলবে।

রাজাবাবা মুটে বিদেয় করতে করতে রাগুমা জিনিসপত্র শুছিয়ে জানলার ধারে এসে বসলেন।

আবার ঢং-ঢং ক'রে কতকগুলো ঘণ্টা পড়ল। রাজাবাবা আমাদের বললেন, ভাগ্যে ভায়াবা ছিলে, তাই তাড়াতাড়ি উঠতে পারলুম।

রাগুমা স্বামীকে ধমক দিয়ে বললেন, ভায়া আবার কি! ওরা আমার ছেলে যে!

ওঃ, ছেলে নাকি? তা আগে বলতে হয়। আনো বাবা, তোমাদের এই মা একটু রাগী মাহুঘ বটে, কিন্তু মনটা বড় ভাল—

তুমি ধাম।—ব'লে রাগুমা আমার নাম ধ'রে বললেন, কলকাতার গিয়েই দেখা করবে, ওই পরিতোষ ছেলের কাছে ঠিকানা-পত্র সব লিপে দিয়েছি, রাগুমাকে তুলো না বেন—

বলতে বলতে ট্রেন ছেড়ে দিলে।

রাগুমাকে তুলি নি, নিশ্চয় তুলি নি। তবে তাঁর সঙ্গে দেখা করাটা আর হয়ে ওঠে নি। মাں মেডেক বাবে কলকাতায় ফিরে এসেছিলুম বটে, কিন্তু পরিতোষের বাবার তখন খুবই অসুখ। বোধ হয় সপ্তাহখানেক বামেই তারা চ'লে গেল পশ্চিমের এক শহরে হাওয়া বদলাতে। আমি যাই যাই করতে করতে দিন পনেরোর মধ্যেই শয্যাশায়ী হয়ে পড়লুম একজ্বরে। অনভ্যাগ-অভ্যাচারের শোধ প্রকৃতি হৃদে-আসলে তুলে ছাড়লেন। রোগশয্যা ভ্যাগ করবার কিছুদিনের মধ্যেই আবার আমাকে বেরতে হ'ল পথের আহ্বানে।

রাগুমার সঙ্গে জীবনে আর দেখা হয় নি বটে, কিন্তু রাগুমাকে তুলি নি। অতীত দুদিনের পটভূমিতে মেধাজ্বর আকাশে অকস্মাৎ সূর্যোদয়ের মতন প্রসন্নময়ী সেই মাতৃমুখ মনের মধ্যে ফুটে উঠছে আর প্রশ্ণার মাথা হয়ে পড়ছে। দু'র অতীতের সেই এক সন্ধ্যায় প্রহারণজর্জর, ফুৎপিপাসাকাতর এই ছুটি বালকের মুখে অবাচিত অন্ন দিয়ে যে রক্ষা করেছিল, তাকে কি কখনও তুলতে পারি! জীবনের সেই দারুণ দুঃসময়ে হঠাৎ-পথে-ফুড়িয়ে-পাওয়া মাকে আজ আমি প্রণাম জানাচ্ছি। বন্ধু পরিতোষ আজ কাছে নেই, তার হৃদয়ে আমি হৃদয়ের কৃতজ্ঞতা জ্ঞাপন করছি। জানি, আমাদের নিবেদন ব্যর্থ হবে না।

ট্রেনখানা প্র্যাট্‌ফর্ষ থেকে বেরিয়ে যেতে না যেতে টপটপ ক'রে আলোগুলো সব নিবিয়ে দেওয়া হ'ল। প্র্যাট্‌ফর্ষের কলে আকণ্ঠ জল পান ক'রে আবার আমরা যাত্রীগৃহে ফিরে এলুম। বোধ হয় মিনিট পনেরোর মধ্যেই চারিদিক একেবারে নিয়ুতি হয়ে পড়ার আমরা ছুটো বেঞ্চি দখল ক'রে ঘূমের সাধনায় মন দিলুম।

ঘুম জিনিসটা প্রাণী-জগতে দৈবরের এক অদ্ভুত দান। সন্ধ্যায় যে মাতা উপযুক্ত পুত্র হারিয়েছে, কান্দতে কান্দতে শেষরায়ে অস্তিত্ব কিছুক্ষণের মাত্র সে ঘূমের কোলে চ'লে পড়ে—আমরা তো কোন ছার! সারারাজি কখনও ঘুম কখনও জাগরণ, এই করতে করতে রাজি ভোর হয়ে গেল।

সকালবেলা হু-ভিনে কাপ চা খেয়ে ধাতস্থ হয়ে প্র্যাট্‌ফর্ষের কলে আন ক'রে রূপার প'রে খুঁটি শুকিয়ে নিয়ে ঘণ্টাখানেক বাবে চায়ের দোকান থেকে দুজনে আধ সের ক'রে দুধ মেরে বেরিয়ে পড়া গেল অনির্দিষ্ট যাত্রায়। ট্যাকে টিকিট-বিক্রয়লব্ধ পাঁচটি টাকা, কাছায় বাঁধা একটি আঁটি আর পরিতোষের পকেটে কয়েক আনা, এই মাত্র সঞ্চল।

স্টেশনের সামনে যে রাস্তাটার ধানিকটা রাজে দেখা যাচ্ছিল, সেটা বেশি লম্বা নয়। একটু দুরে গিয়ে অপেক্ষাকৃত সৰু কিন্তু বেশ ভাল একটা উত্তর-দক্ষিণমুখে সড়কে প'ড়ে আমরা উত্তরমুখে চলতে আরম্ভ ক'রে দিলুম।

ছোট্ট শহর। আমরা যে রাস্তা ধ'রে অগ্রসর হতে লাগলুম, তার দু'দিকে কোন কোন জায়গায় ঘন খোলায় চালের বসতি। কদাচিত্বে দু-একখানা ইটের একতলা কি দোতলা বাড়ি চোখে পড়ল। মধ্যে মধ্যে রাস্তার দু'পাশেই চষা মাঠ, মাঝে মাঝে কোন ক্ষেতে ফসলও দেখা যাচ্ছে। চলতে চলতে ছোট্ট

বাজার অর্থাৎ খান-তিন-চার-দোকানওয়ালার একটা জায়গায় এসে একজন মুকসীগোছের লোককে জিজ্ঞাসা করলুম, এ রাস্তা কোথায় গিয়েছে ?

লোকটা গম্ভীরভাবে বললে, গয়াজী।

পরিতোষকে বললুম, ভালই হ'ল, চল, গয়াতেই যাওয়া যাক।

আরও কয়েক মাইল গিয়ে আর একজনকে জিজ্ঞাসা করলুম, হ্যাঁ বাবা, এ রাস্তা কতদূর গিয়েছে ?

লোকটি বললে, বিহারশরীফ তক।

কথাটা শুনে একটু দ্বিধা গেলুম। কারণ বিহারশরীফ মাহমুদের নাম, না জায়গার নাম, তা অনেক গবেষণা ক'রেও ঠিক করতে পারলুম না। বিজ্ঞানর ওখানে যতটুকু উদ্ভাঙ্গন হয়েছিল, তাতে শরীফ কথাটি মাহমুদের মেজাজের প্রতিই প্রমাণ্য, সেটি যে জায়গার পেছনেও ব্যবহৃত হয়ে থাকে সে জ্ঞান আমাদের হয় নি, এইজন্মেই বলে—অন্নবিদ্যা ভয়ঙ্করী!

আরও কতদূর অগ্রসর হয়ে এক ব্যক্তিকে ওই প্রশ্ন করায় সে বললে, পাটনাশরীফ তক।

এতক্ষণে শরীফ-মাহাত্ম্য হৃদয়ঙ্গম ক'রে জিজ্ঞাসা করলুম, এখান থেকে পাটনাশরীফ কতদূর হবে ?

লোকটি মনে মনে কি হিসাব ক'রে বললে, তা বাট-সত্তর মিল হবে।

যা হোক, হিসাব ক'রে ঠিক করা গেল যে, এই রাস্তা হয় বিহারশরীফ, আর না হয় পাটনা, আর না হয় গয়া অবধি পৌঁছেছে, রাস্তা শেষ হতে এখনও বাট-সত্তর মাইল বাকি আছে।

চলতে চলতে শহর গ্রাম পেরিয়ে গেলুম। দু'পাশে শক্তক্ষেত্র, তারই মাঝখান দিয়ে সোজা রাস্তা বেয়ে আমরা এগিয়ে চলেছি মসুরগণ্ডিতে, পথের শেষ কোথায় কে জানে।

ক্রমে মধ্যাহ্নসূর্য পশ্চিমে ঢালে পড়ল। বোধ হয় সকাল থেকে দশ-বারো মাইল পথ অতিক্রম করেছি। জুতোর অবস্থা আগে থাকতেই ছিল ধারাপ, এতখানি পথ চলার ফলে তার মুখব্যাদান ক'রে চীৎকার করতে আরম্ভ করলে, ছেড়ে দে বাবা, কেঁদে বাঁচি। তাদের প্রতি মায়ামরবশ হয়ে জুতো হাতে ক'রে চলতে শুরু করলুম। সেইদিন প্রথম বুঝতে পারলুম যে, বালি পায়ের হাঁটাও অভ্যস্ত করতে হয়।

সারাদিন পথশ্রমে বেহুঁ বিজ্ঞান চাইছিল। সকালবেলা ইষ্টিশানের সেই আধ সের দুধ কখন হজম হয়ে গিয়েছে, কিথের চোটে মনে হতে লাগল, পেটের মধ্যে যেন দধি-মস্বন চলেছে।

সন্মুখেই রাত্রি, কিন্তু আশ্রয় কোথায়। পথের দু'দিকে মাঠের প্রান্তে, সেই একেবারে দিগন্তে বললেই হয়, সেখানে বোধ হয় গ্রাম আছে, কিন্তু সেই দিগন্ত-বিদ্যুত মাঠ পায় হবার সাহস নেই। দেখলুম, রাস্তা দিয়ে দু-তিন দল রাখাল-পাল পাল গরু নিয়ে চীৎকার ক'রে বেহরো গান গাইতে গাইতে গেল, কোথায় গেল কে জানে। চলেছি তো চলেইছি, কিন্তু আর যে পা চলে না।

সূর্য তখন প্রায় ডুবে গেছে, এমন সময় আমরা একটা গ্রামের মতন জায়গায় এসে পৌঁছলুম, অর্থাৎ দু-একটা লোক পথে দেখা গেল, একটা বলহের গাড়িও যেতে দেখলুম।

রাস্তার ধারেই বেশ একটু উঁচু জায়গায় একটা ছোট পুকুর, বাংলা দেশের বড় ভোবার মতন হবে, তার চারদিকে ঘন তালগাছের সারি। একটা পাছ থেকে আর একটার ব্যবধান বোধ হয় দশ হাতও হবে না, কোথাও বা জোড়া জোড়া গাছ একসঙ্গে উঠছে। আমরা পথ ছেড়ে এই উঁচু জায়গাটাকে উঠে একজোড়া তালগাছের তলায় ব'সে বিশ্রাম করতে লাগলুম।

পুকুরটাকে জল নেই বললেই হয়। তবুও মুখ ধোবার জন্তে পাড় বেয়ে জলের ধারে গিয়ে দেখলুম, অত্যন্ত নোংরা জল। মুখ না ধুয়েই উঠে এসে আবার সেইখানে এসে বসলুম। জীবনে এতখানি পথ কখনও হাঁটি নি। অন্ধের বেদনায় তালগাছের গুঁড়িতে দেহ এলিয়ে দেওয়া গেল।

ব'সে ব'সে দেখতে লাগলুম, মাথার ওপর দিয়ে দু-তিন দল বকু উড়ে গেল। একটু দূরেই রাস্তার দু'ধারে দুটো বড় গাছ, তার মধ্যে পাখীদের কচকচিতে সেই নিশ্চল জায়গাটা যেন ভরে উঠল, কিন্তু তা অতি অল্পক্ষণেরই জন্ত, তার পরেই সব স্তব্ধ। দূরে পশ্চিমে সূর্য ডুবে গেল। গোখুলির শেষ রশ্মিতে দেখলুম, পরিতোষের চোখ দুটো প্রায় বন্ধ হ'য়ে এসেছে। অন্ধকার একেবারে ঘনিয়ে ওঠবার আগেই বৃক্ষমূলে সে দেহ বিছিয়ে দিলে।

চারিদিক অন্ধকার হ'য়ে গেল। পরিতোষ ঘুমিয়ে পড়েছে, ব'সে ব'সে আমার ভয় করতে লাগল, এই অন্ধকারে কি সারারাত্রি কাটাতে হবে। মুখ ধুতে যাবার সময় পুকুর-পাড়ো গোটাকয়েক শুকনো তালের পাতা দেখেছিলুম,

মনে হ'ল, সেগুলো টেনে নিয়ে এসে আঙন ধরালে মন্দ হয় না। কিন্তু কি জ্ঞানি, সেখানে নামতে সাহস হ'ল না। পরিতোষকে ধাক্কা দিয়ে তোলবার চেষ্টা করলুম, কিন্তু অতুত তার ঘুম। কি কতকগুলো বিড়বিড় ক'রে ব'কে সেই ধূলিশয্যায় পাশ ফিরে গেল।

অন্ধকারে উৎকর্ণ হয়ে ব'সে আছি, মধ্যে-মধ্যে কাছে দূরে কড়কড় সড়সড় আওয়াজ হতে লাগল। দেশলাই জ্বালিয়ে যতটুকু আলো পাওয়া যায়, তাই দিয়ে দেখে নিশ্চিন্ত হবার চেষ্টা করতে লাগলুম—তারপরে শান্তিময়ী নিত্রা এসে কখন কোলে তুলে নিলে জানতেও পারি-নি।

ঘুমিয়ে-ঘুমিয়ে স্বপ্ন দেখতে লাগলুম—দ্বিমমণির সঙ্গে তার স্বপ্নরবাড়ির দেখে গিয়েছি—রাজপুতানার পাহাড়ের কোলে স্বর্ণের মতন সেই হৃদয় দেশে। পাহাড়ে হচ্ছে তুষার-বর্ষণ ও সেই সঙ্গে পড়ছে বড় বড় বাঁশের লাঠির মতন মোটা ও লম্বা মালাইয়ের কুল্পী। ছু হাতে ক'রে সেই কুল্পী-বরক পাচ্ছি, কিন্তু পেট ভরছে না কিছুতেই। দ্বিমমণি ঘরের ভেতর থেকে চ্যাচাচ্ছে—খাবার তৈরি হয়েছে, এবার খেতে এস। কিন্তু খেতে যাওয়াটা যে কেন হচ্ছে না তা কিছুতেই বুঝতে পারছি না।

হঠাৎ কিসের একটা শব্দে ঘুম ভেঙে গেল। দেখি, পরিতোষের মতন আমিও ধূলিশয্যায় লম্বা হয়ে প'ড়ে আছি। কোন্ দূরে যেন কারা গান গাইছে! তাড়াতাড়ি উঠে ব'সে আবার পরিতোষকে ধাক্কা দিয়ে তোলবার চেষ্টা করলুম, কিন্তু সে কোন সাড়াই দিলে না।

দেখলুম, মাথার ওপরে একটুখানি চাঁদ উঠছে, রাস্তায় ধানিকটা আলো ও ধানিকটা অন্ধকার। বড় গাছ ছুটোর লম্বা ভালপালার ছায়া পড়েছে রাস্তার ওপরে।

রাস্তার দিকে একদৃষ্টে চেয়ে আছি। মধ্যে-মধ্যে একটা ধমকা হাওয়া গাছগুলোর খুঁটি ধ'রে নাড়া দিয়ে যাচ্ছে, আর সঙ্গে-সঙ্গে রাস্তার সেই ঘুমন্ত ছায়ানীদের মধ্যে সাড়া জাগছে। থেকে-থেকে ওপর দিয়ে নাম-না-জানা রাত-পাখীর দল চাঁৎকার করতে-করতে উড়ে যাচ্ছে, নিতুন্ত নৈশ প্রকৃতির বৃকে করাত চালিয়ে দিয়ে। মনের মধ্যে একটার পর একটা চিন্তার তেউ উঠছে। রাজকুমারী, চাটুক্ষে, দ্বিমমণি, বজ্রনাথ, বাঙাল-মা, বড়কর্তা, বিত্তা, সিঁরিধারীর মুখ ভালগোল পাকাতে-পাকাতে আবার ঘুমিয়ে পড়লুম।

এবারে অনেকক্ষণ ঘুমিয়েছিলুম। কিসের একটা বিক্ৰী উগ্র গন্ধে ঘুম ভেঙে যেতেই চোখ খুলে দেখি, প্রায় আমার নাকের ডগায় একটা জানোয়ারের মুখ! তার চোখ ছুটা পড়ন্ত চাঁদের আলোয় জ্বলজ্বল করছে।

বাগ রে!—ব'লে খড়মড় ক'রে উঠে বসতেই অন্ধটা ভড়কে চার-পাঁচ হাত পেছনে হ'টে গিয়ে আবার জ্বলজ্বলে চোখ দিয়ে আমার নিরীক্ষণ করতে লাগল।

শীতের রাত্রিশেষ। সারারাত রাস্তার শুয়ে শ্রেফ কাঁপুনির চোটে মুহুঁহু ঘুম ছুটে যাচ্ছিল, হঠাৎ এই নতুন আপদের সম্মুখীন হয়ে লরঘর ক'রে কালখাম ছুটেতে আরম্ভ হ'ল। জানোয়ারটা তখনও আমার দিকে তেমনিই ভাবে চেয়ে। ভয়ে আমার কথা বন্ধ হয়ে গেলেও চক্ষু সজাগ ছিল। দেখলুম, শেয়ারলের মতন চেহারা হ'লেও সেটা শেয়াল নয়, শেয়ারলের চাইতে অনেক বড়। ঘাড়ের চারিদিকে ঘন কেশর, মাথার দিকটা উঁচু অর্থাৎ সামনের পা দু-খানা অপেক্ষাকৃত বড় আর ল্যাঙ্কের দিকটা নীচু। মিনিটখানেক তার দিকে স্থিরদৃষ্টিতে চেয়ে শ্রাভি, হঠাৎ উঠে মারব দৌড়—এই রকম একটা সন্দেহ জাঁটছি মনে মনে, এমন সময় খসখস শব্দ হতে পাশের দিকে চেয়ে দেখি, আরও চার-পাঁচটা জানোয়ার নিকটে ও দূরে ঘোরাফেরা করছে। অতগুলোকে একসঙ্গে দেখে আমার মনে হ'ল, নিশ্চয় এ নেকড়েব পাল, কারণ নেকড়েরা যে দলবদ্ধ হয়ে শিকার খুঁজতে বেরায়, সে কথা ছেলেবেলা থেকে বইয়ে প'ড়ে এসেছি। বাহাতক সেই কথা মনে হওয়া আর অমনই সেই উঁচু জায়গা থেকে গড়িয়ে নীচে প'ড়েই চাঁৎকার করতে আরম্ভ ক'রে দিলুম, পরিতোষ উঠে পড়, আমাদের নেকড়ে বাঘে অ্যাটাক করেছে। পরিতোষ, বাঁচতে চাসু তো এখনও ওঠু পরিতোষ, আমি পালাচ্ছি।

আমার ওই রকম চাঁৎকার শুনে জানোয়ারগুলো একটি ক'রে লাক মেঝে মারলে দৌড় গুরুকার মাঠে, কাঁপ চাঁদের আলোতে দেখতে পেলুম, রামদৌড় দৌড়ে তাবা অদৃশ্য হয়ে গেল।

এমন একটা সাংঘাতিক ক্যাশাম থেকে যে এত সহজে উদ্ধার পাব, তা কল্পনাও করতে পারি-নি। জানোয়ারগুলোর পলায়নের ধরন দেখে কৃতীয় শব্দ হয়তো বুঝতেই পারত না, ভয়টা বেশি পেয়েছিল কে! আমি, না তাবা?

যা হোক একেবারে নিশ্চিন্ত হ'য়ে আবার উঠে পরিতোষের কাছে গেলুম। এতক্ষণে দেখি, সে মুখের কাশড়টা সরিয়ে শুয়ে শুয়েই জ্বলজ্বল ক'রে চাইছে।

আমাকে দেখে সে ধীরে-স্থগে উঠে ধরাধরা গলায় জিজ্ঞাসা করলে, কি রে, বাঁড়ের মতন চ্যাচাচ্ছিলি কেন ?

তার সেই নিশ্চিত বে-পরোয়া ভাব মুখে রাগে আমার গা জ্বলে উঠল। বললুম, কুস্তকর্ণের মতন ঘুমোও, এখনি যে নেকড়েের পাল এসেছিল, তার খোঁজ রাখ ?

পরিতোষ সেই রকম ভাঙা গলায় বললে, এঃ, হেটে-হেটে তোঁর মাথাটা একদম গরুমে গিয়েছে দেখছি। খপ্প দেখছিলি বুঝি ?

দেখলুম, তখনও তার চোখ থেকে ঘুমের ঘোর একেবারে কাটে-নি। আমি রেগে সেখান থেকে স'রে একটু দূরে গিয়ে ব'সে রইলুম।

আকাশে চাঁদ ক্রমেই নিশ্চয় হতে থাকল। পূর্বদিগন্তে একটু ক্ষীণ আলোর রেখা দেখা দিল। দূর থেকে দেখতে লাগলুম, পরিতোষ আবার শুয়ে পড়ল। আরও কিছুক্ষণ এপাশ-ওপাশ ক'রে উঠে ধীরে-ধীরে এসে আমার পাশে ব'সে বললে, কি রে, রাগ করলি ?

বললুম, না, রাগ করবে কেন ? সারারাত কুস্তকর্ণের মতন ঘুমোবে, তোমার এই ঘুমের জন্তে কোন দিন নেকড়েের শেটে চ'লে যাব, তবুও তোমার ঘুম ভাঙবে না।

পরিতোষ আর কথা না বাড়িয়ে চুপ ক'রে ব'সে রইল। কিছুক্ষণ চুপচাপ কাঁটার পর সে বললে, এর আগে নেকড়ে বাঘ কখনও দেখেছিলি ?

বললুম, কেন, আলিপুরের চিড়িয়াখানায নেকড়েের পাল আছে। পরিতোষ চুপ ক'রে রইল। ব্যাপারটার ওপরে আরও বানিকটা গুরুত্ব চাপাবার জন্তে বললুম, শুনেছি, এই সব জায়গায় নেকড়ে বাঘের ভারি উপদ্রব।

এতক্ষণে ব্যাপারটি অস্বাভাবন ক'রে পরিতোষ বাবুর মুখ শুকিয়ে গেল। সে জিজ্ঞাসা করলে, কতগুলো এসেছিল রে ?

সত্যি কথা বলতে কি, কতগুলো যে এসেছিল তা দেখবার মতন মানসিক অবস্থা সে সময় আমার ছিল না। যতদূর মনে পড়ে, পাঁচ-ছটা জানোয়ার দেখেছিলুম। তবুও অবস্থার গাভীরি বাঁড়াবার জন্তে বললুম, সে সময় কি আর শুনে দেখবার মতন মনের অবস্থা ছিল ? তবুও দেখে মনে হ'ল, পকাশ-বাটটা হবে।

পকাশ-বাটটা নেকড়ে বাঘের কথা শুনে পরিতোষ এবার দম্বমতন ক'মে গেল।

প্রায় ঘণ্টাখানেক চুপ ক'রে ব'সে ও তারই মধ্যে বেশ এক পকড় ঘুম মেয়ে ঢালা হয়ে পরিতোষ বললে, চল, ওঠা যাক।

তখন বেশ রোদ উঠে গিয়েছে, রাত্তা দিয়ে দু-চারজন লোক ও একটা গরুর গাড়িও চ'লে যেতে দেখা গেল। আমরা পথে নেমে আবার চলতে শুরু করলুম। পথের শেষ কোথায়!

আধ ঘণ্টা অতীত হতে না হতে বেশ টের পেতে লাগলুম, কালকের মতন মনের উৎসাহ বা শরীরের শক্তি আজ আর নেই। বানিকটা পথ এগিয়ে যাই, আবার রাত্তার ধারে কিছুক্ষণ ক'রে বিশ্রাম করি—এই ভাবে চলতে চলতে প্রায় মাইল আঠেক পথ অতিক্রম ক'রে আমরা গ্রাম অথবা সেই রকম একটা কোনও জায়গায় এসে পৌঁছলুম। কিছুদূর এগিয়েই একটা বাজার দেখা গেল। দু-তিনখানা একতলা ইটের আর বাকি সব খোলায় বাড়ি। গোটাছুয়েক মুদীর দোকান, একটি মাত্র ময়রার দোকান, খাচ্ছের মধ্যে দেখলুম এক তাল গুড়ের জিলিপি প'ড়ে রয়েছে একটা তেলটিতে ময়লা বারকোষের ওপর। জিলিপিগুলোতে বোলতা ও রান্ধেয় শ্রামাপোকা লেগটে রয়েছে, অর্থাৎ সেগুলো নিরামিষ কি আমিষ তা বিচার করবার প্রয়োজন হয়। দোকানের প্রায় সামনেই কতকগুলো বলদ ব'সে রোমন্থন ক'রে চলেছে, তারই কিছু দূরে খানকয়েক গরুর গাড়ি। চারদিকে এমন অনেক রকমের তরকারি ও শাক বিক্রি হচ্ছে, যা এর আগে কখনও দেখি নি।

ক্রমশ
“মহাস্বির”

সন্ধ্যায়

জীবনের শেষভাগে	গোড়াকার বেশ লাগে
খুঁজে মরি খেলে-দাগা পথ।	
হারানো দিনের হার	মন করে তরপুর
	বিপরীত চলে মনোরথ।
করেছি যতক খেলা	খেলোছি যতক খেলা
	অবেলায় মনে পড়ে সব।
শান্ত মোর মধুনীরে	হারা ঘনাইয়েছে ধীরে
	ধানিছে দিনের কলরব।

বিরূপাক্ষের চিঠি

‘শনিবারের চিঠি’-সম্পাদক বরাবরেষু—

মশাই, আপনাদের কাছে কিছুদিন ধরে আমার ঝগাটের বিষয় জানিয়ে তো মহা ম্যাসাদে পড়া গেল দেখছি। আপনাদের পাঠক-পাঠিকাদের একটু নিরুৎসাহিত থাকতে দেবার জন্তে কিছুদিন এখান থেকে সরেছিলুম, কিন্তু ক্রমশ দেখছি, তাঁরা আমাকে নিরুৎসাহিত অবস্থিত দেখলে বিশেষ স্থখী হন না। ক্রমাগত ঝগাট তৈরি করে করে তাঁরা আমাকে আপনাদের মারফৎ পত্রাব্যাহার করতে শুরু করেছেন এবং আপনারাও আমাকে তার জবাব দেবার জন্তে অস্থির করে তুলছেন—এ তো আর এক উৎপাত শুরু হ’ল দেখছি।

আপনাদের কি বলুন না, প্রাণে ক্ষুতি আছে, কাগজ বার করছেন, রস দেশের লোকের ফুরিয়ে এলেও আপনাদের রসতত্ত্ব আলোচনা করতে বাধা নেই, পাঁচটা প্রসঙ্গ নিয়ে আলোচনা করতে গিয়ে বে-জায়গায় পা ফেলে পুলিশকোর্টে ছুটো মেয়ের বিয়ের টাকা জমানং দিয়ে আসছেন, মিথ্যা কাটছে। কিন্তু আমার তো আর সে অবস্থা নয়।

এক আমি নিজের সংসারের ঝগাট নিয়ে পাগল হয়ে আছি, আবার আমায় যদি আপনাদের পাঠক-পাঠিকাদের সব উদ্ভট সাহিত্যের ঝগাট নিয়ে মাততে হয়, তা হ’লে তো রাত বায়েটার পর ঘুমোবার টাইমটাও কাবার হয়ে গেল। আচ্ছা, আমি কি সাহিত্যিক যে সাহিত্যের সমস্তা মেটাঁব, না, বাংলা দেশের স্বদেশী নেতা যে সর্ববিষয়ে বাণী বিতরণ করে ঝগাটের হাত এড়াব?

আমি গরিব গেরস্থ লোক, যেদিন সকালে গিয়ে লাইনে ধাঁড়াতে পারি সেদিন কিছু আনি, যেদিন পারি না সেদিন কর্পোরেশনের টিনচারআইডিন্-গোলা কিলের জল বেয়ে শুয়ে পড়ি, আমার কি এসব পোষা? অত যদি লিখতে পারতুম, তা হ’লে এই দুমূল্যের বাজারে একথানা কাগজও কি আর স্থবিধে মত লোককে ধরে করে বার করতে পারতুম না? ঠিক পারতুম। ও-দিকে ‘ইন্ডেহান্স’ এমিকে আমার ‘একহাত’ বেরিয়ে, দেখতেন, বাংলা দেশে কি কাণ্ডটাই না করতে শুরু করেছে। পারি না বলেই—করি না।

এতদিন মনে করুন, হিসেব করে কতখানি কাছা পেছনে কতখানি সামনে খুলিয়ে ভঙ্গসমাজে চলাফেরা করা উচিত তাই ঠিক করতেই ঝগাট বড় কম পোয়াই নি, সম্প্রতি হিসেব মাকিক রেশনের কাপড় পেয়ে এই উভয়সকট থেকে মুক্তি পেয়েছি। কারণ যে কোন একদিকে গটা গুঁজে দিলেই লেঠা চোক, তা—আমার মত লোকের আবার সাহিত্যে মাথা খেলে?

আপনারা বলবেন, আমাদের খেলছে কি করে? সে তো আগেই বলেছি, আপনারা তো বাস্তব জগতে বাস করেন না, মনোরাঞ্জ্যেই আপনাদের অপ্রতিরূপ আধিপত্য—দেশ ম’রে ভূত হ’লে তবে আপনারা জুতসই গোছের প্রবন্ধ লিখতে পারেন। আমাদের নিয়েই তো আপনাদের ধোঁরাক! অতএব ও-প্রসঙ্গ না তোলাই ভাল।

কিন্তু আপনাদের সংস্পর্শে এলেও যে রেঞ্জীই নেই, এইটে সম্প্রতি মালুম পাচ্ছি। আপনাদের মারফৎ ত্রীহট ত্রীভূমি থেকে ত্রীনন্দিতা সোম যে চিঠিখানি পাঠিয়েছেন তাতে তিনি লিখছেন যে, বাংলায় নামের আগে ত্রী বসানো উচিত কি অসুচিত এই নিয়ে তিনি বিশেষ ঝগাটে পড়েছেন, এবং আমায় তার একটা হদিশ বাতলে দিতে হবে বলে অস্বস্তি জানিয়েছেন। আচ্ছা, এখন কি এই সব ঝামেলার সময়?

ইচ্ছে হয় আপনি নামের আগে ত্রী দেবেন, নয় দেবেন না—আপনার খুশি। আর কার কি বলবার এয়েস্তার আছে? ও-কথা ছাড়ুন—এখন নামটাই কোনমতে বজায় রেখে যেতে পারলে বাঁচি, কারণ অবস্থা যা পড়েছে তাতে তো পিতৃপুরুষের নাম পর্শ্ব তুলে ষাওয়ার দাবিল, এখন তার আগে ত্রী দিলে বাহার খুলবে, কি না দিলে বিত্রী দেখাবে, সেসব কি ভাববার সময় আছে?

অবশ্য এককালে এই নিয়ে সাহিত্যে অনেক মারপিট হয়ে গেছে, তা সে সময়ের কথা ছেড়ে দিন। তখন লোকে খেতে-দেতে পেতে আর প্রাণ ভরে আবেল-তাবোল লিখত। কাগিদাস বাঙালী ছিলেন কি বাবুলী ছিলেন—এই নিয়ে কতদিন কি উৎপাতই না গেছে! দ্বিজ চণ্ডীদাস, দীন চণ্ডীদাস, বড় চণ্ডীদাস, নেজু চণ্ডীদাসের কেছা নিয়ে খেজু সাহিত্যিকরা কাগজ-কলমের শ্রাঙ্ক করেছেন, কিন্তু এখন তো আর সেদিন নেই! এখন এক চিন্তা—বাঁচি কি করে যে বাবা! এই সময় পূর্বপুরুষসত্ত্ব ত্রীকে নিয়ে টানাটানি না করা ই ভাল।

আমাদের তো সবই গেছে, শুধু নামের আগে ওইটুকুই জুলজুল করছে, ওটাকে হেঁটে আর এমন কি কস্পোজিটারদের মেহনৎ কমবে, বলুন? বরং ছাড়লেই ঝড়ট। সে যে কি ঝড়ট, তা আমি জানি। আরবারে আমরা মেজ ছেলেটা টেস্টে গাড্ড, দিলে কেন জানেন? ওই শ্রী বাদ বেওয়ার জন্তে।

মশাই, তার ইমুলে অহুবাদ করতে দিলে—রমণী শান্তির সহিত ঝগড়া করিল। সে তাহাকে তাহার বাড়িতে থাকিতে দিল না। যামিনী আসিয়া তাহাকে লইয়া গেল, কারণ সে তাহাকে আন্তরিক ভালবাসিত।—নাও ঠালা!

তিন ঘণ্টা ধরে ছোঁড়াটা স্তনলুম এই তিনটি নামের সর্বনাম 'হি' হবে, কি 'শ্রী' হবে তাই পঞ্চাশবার খাতায় লিখে আর কেটে কেটে হিমসিম খেয়ে 'ছুতো'র বলে হল থেকে বোঝিয়ে এল। ফলে—নট অ্যালাউড।

আচ্ছা, এ-সব পরীক্ষকের বজ্জাতি নয়? একটা শ্রী লাগিয়ে দিলে কি এমন মহাভারত অশুদ্ধ হ'ত বলতে পারেন? একে তো ফ্যাশনের চোটে আজকাল চোখে দেখেও মেয়ে পুরুষকে ঠাণ্ড করবার জো নেই, তার ওপর নামেও যদি না চেনা যায়, তা হ'লে কি ঝড়ট বাধে ভাবুন তো।

বলবেন, রবীন্দ্রনাথ তো শেখবয়সে আর শ্রী ব্যবহার করতেন না। না, তা করতেন না—শেখবয়সে মাহুস অনেক কিছুই করে না। কিন্তু রবীন্দ্রনাথ সৃষ্টিতে তো আর সেটা বলা চলে না? তিনি করতেন না, তার কারণ চেনা বামুনের আর পৈতের দরকার ছিল না। তা ছাড়া রবীন্দ্রনাথ ছিলেন বিশ্বের কবি। সকলেই তাঁকে আপন ভাবত, তাই তাঁর নামের আগে শ্রী বসবে, কি মিস্টার বসবে, কি ম্যাসিয়ে বসবে, তা সব জ্ঞাতের পক্ষে ঠিক করা সহজ ছিল না বলেই তিনি ওটা বাদ দিয়েছিলেন। কিন্তু আপনার আমার পক্ষে তো আর সে যুক্তি খাটে না?

আমাদের শ্রীমুত আর শ্রীমতীদের নিয়েই একটু স্বভে শান্তিতে থাকতে দিন, আর বেশি কাঁচা দরকার নেই। "ও যার অদৃষ্টে যেমনি জুটেছে সেই আমাদের ভাল" বলে এই প্রথাটাই চালিয়ে যান—অনেক ঝড়টের হাত এড়াবেন। ইতি

শ্রীবিষ্ণুপাঞ্চ

নব-পরিচয়

যুদ্ধের আগে পর্যন্ত সামাজিক পরিচয়টা নেহাত মন্দ ছিল না। বেসরকারী স্কুলের হেডমাস্টার। মাসিক আয় 'আহা' 'উহ' করিবার মত না হইলেও সাধারণ বাঙালীর তুলনায় কম নয়। গাড়ি-বাড়ি করিতে পারি নাই বটে, কিন্তু সস্তা-গুস্তার বাজারে ডব্রতা বজায় রাখিয়া সংসার চালাইয়া আসিয়াছি। বন্ধুবান্ধব, ডাক্তার-দোকানদার, ধোপা-নাপিত, ঝি-চাকর ইত্যাদি সাংসারিক ও সামাজিক জীবনে যাহাদের সম্পর্ক ও সংসর্গ অপরিহার্য, সকলেই সম্মানের দৃষ্টিতে দেখিত। কারণ যুদ্ধের আগে পর্যন্ত সামাজিক স্তর-বিশ্বাসের এখানে-সেখানে একটু-আধটু ভাঙা-চোরা ঘটিলেও আসল কাঠামোটা ঠিক ছিল। কিন্তু যুদ্ধের প্রবল আলোড়নে সব লণ্ডভণ্ড হইয়া গেল। আমরা মধ্যবিত্তেরা, যাহারা এতদিন সমাজদেহের ভারসাম্য বজায় রাখিয়া আসিতেছিলাম, ছিটকাইয়া পড়িলাম। যাহারা উপরে ছিল, তাহারা আরও উপরে উঠিয়া নাগালের বাহিরে চলিয়া গেল। যাহারা নীচে ছিল, তাহারা উপরে উঠিল। আমরা ক্রমে ছুঃখ-দৈন্যের জারে নীচের দিকে নামিতে লাগিলাম। ফলে যাহাদের সঙ্গে প্রতিদিনের পরিচয় ছিল, তাহারা একে একে ছাড়িয়া গেল।

পাড়ার রাঘব সরকার সরকারী কন্স্ট্রাক্টর ছিলেন। এঞ্জিনিয়ার, ওভারসিয়ার, সরকার ও অফিসের কেদারী, সকলের ক্ষুধা মিটাইয়া বৎসরে যাহা ঘরে তুলিতেন, তাহাতেই শহরে দোতলা বাড়ি তুলিয়াছিলেন, এবং মফসলে ছোট-খাটো জমিদারি কিনিয়াছিলেন। পুত্রাতন একখানি কোর্ডগাড়িও ছিল তাঁহার। তাহাতে চড়িয়া তাঁহার সালকারা গৃহিণী ও পুত্র-কন্যারা দামী কাপড়-চোপড় পরিয়া, প্রতিদিন সন্ধ্যায় বেড়াইতে বাহির হইত। মোট কথা, পাড়াতে একজন ধনী ব্যক্তি বলিয়া পরিচিত ছিলেন তিনি। কিন্তু তাহা হইলেও রাঘববাবু লোক মন্দ ছিলেন না। সকলের সঙ্গে অমায়িক ব্যবহার ছিল তাঁহার। বিশেষ আমাদের অত্যন্ত স্নেহ ও সম্মান করিতেন। প্রতিদিন সন্ধ্যায় কাজ হইতে ফিরিয়া বৈঠকখানায় বসিতেন। আমি নিয়মিতভাবে সেখানে হাজিরা দিতাম ও চা-সিগারেট খাইতাম। ক্রমে এমনই একটি সম্মতি গড়িয়া উঠিয়াছিল আমাদের মধ্যে যে, কোনদিন না গেলে ভাবিয়া

পাঠাইতেন। আমার অস্থখ-বিস্থ হইলে নিজে আসিয়া আমার শয়নকক্ষে
আজ্ঞা জমাইতেন। সময়ে অসময়ে সাহায্যও করিতেন। গৃহিণী সু-পুত্র-বজ্রা
সিনেমা বাইবার বায়না ধরিয়াছেন; টিকিটের মূল্য ও গাড়ি ভাড়া একত্রে
খরচটা মারাত্মক; রাঘববাবুকে ঠায়ে-ঠায়ে ব্যাপারটা জানাইতেই তিনি
নিজের গাড়ি পাঠাইয়া দিতেন। রাতছপুণের গৃহিণীর কলিক-পেন চাড়া দিয়া
উঠিয়াছে; রাঘববাবু দ্বারস্থ হইলাম; তিনি সন্ধ্যা সন্ধ্যা নিজের সরকারকে
ডাক্তার ডাকিবার জন্ত পাঠাইয়া দিলেন। শোবার ঘরের কড়িকাঠে ঘুণ
ধরিয়াছে; অবিলম্বে মেঝামত না করাইলে গৃহিণী পুত্রকল্যাসমেত বাপের বাড়ি
বাইবেন বলিয়া নোটস দিয়াছেন; হাতে পয়সার অভাব, অথবা হাশামা
পোহাইবার ইচ্ছার অভাব; রাঘববাবুর শুধু একবার পরামর্শ জিজ্ঞাসা
করিয়াছি; রাঘববাবু তৎক্ষণাত্ অভয়দান করিয়াছেন ও লোকজন পাঠাইয়া
মেঝামত করাইয়া দিয়াছেন; আমি পরে সুবিধামত খরচ-পত্র দিয়াছি।
এমনই ভাবে নানা সময়ে নানা রকমে তাঁহার কাছ হইতে উপকার পাইয়াছি।
হঠাৎ যুদ্ধ বাধিয়া গেল। রাঘববাবু মিলিটারি কন্ট্রোল্ট লইলেন। বৎসর
তুইয়ের মধ্যে ফাঁপিয়া ফুলিয়া তরতর করিয়া উপরে উঠিয়া ক্রমে দুনিরীক্ষ্য
হইয়া গেলেন। আমাদের শহর আর তাঁহার পছন্দ হইল না। কলিকাতায়
বিরাট অট্টালিকা বানাইয়া বসবাস শুরু করিলেন। বৎসরখানেক আগে
ঠিকানা সংগ্রহ করিয়া তাঁহার সহিত দেখা করিতে গেলাম। বাড়ির ফটকে
সন্নিধনধারী দয়ওয়ান। বুঝাইয়া-ভুঝাইয়া, ভোষামোহ করিয়া, অনেক কষ্টে
ভিতরে ঢুকিলাম। রাঘববাবুর ড্রিং-রুমেও ঢুকিবার অহুমতি পাইলাম।
সুপারিসর ও সুপরিচ্ছন্ন রুম; কোচ, কেদারা, সোফা এবং আরও হেরকরকমের
আসবাবপত্র সজ্জিত। রাঘববাবুকে ঘিরিয়া কয়েকজন ভক্তলোক বসিয়া;
তাঁহাদের বেশ-ছুরা, হাবভাব দেখিয়া মনে হইল, তাঁহারা কেউ-কেটা নন।
রাঘববাবু অনেকটা বহলাইয়াছেন—আরও মোটা হইয়াছেন, কালে রঙ
অনেকটা ফিকা হইয়াছে, মাথার সামনে টাক পড়িয়াছে। তবু রাঘববাবু
আমাকে চিনিলেন। ফিকা হাসি হাসিয়া কহিলেন, মাষ্টার শশা য়ে!
কখন এলেন? বহন, সব ভাল তো? আমি জবাব না দিয়া বসিলাম।
রাঘববাবু ভক্তলোকগুলির সঙ্গে কথাবার্তা বলিতে শুরু করিলেন। আমি
অনেকক্ষণ চুপ করিয়া বসিয়া থাকিয়া কহিলাম, আমি এখন উঠি, পরে দেখা

করব। রাঘববাবু অজমনস্বভাবে কহিলেন, যাবেন? আচ্ছা, আহ্নন।
বাহিরে আসিতেই একটা দীর্ঘনিশ্বাস পড়িল। বুঝিলাম, রাঘববাবু শুণ্ড উঠেন
নাই, আমিও নাহিয়াছি। আমাদের মধ্যে এতটা ব্যবধান যে, রাঘববাবুর
নমাঞ্জে আমার পরিচয় পর্যন্ত অচল।

অভয় ডাক্তার বহদিন ধরিয়া আমার বাড়ির ডাক্তার। চাকরি-পুজে এখানে
আসা অবধি তাঁহার সঙ্গে পরিচয়। তখন তাঁহার তত নামডাক ছিল না।
রোজগারও ছিল কমে। আমাদের পাড়াতেই একটি ছোট ডিম্পেন্সারি ছিল
তাঁহার। সেইখানেই বসিতেন। আমাদের পাড়াতে নামমাত্র ফীতে সকলের
চিকিৎসা করিতেন। আমার সঙ্গে ক্রমে তাঁহার বন্ধুত্ব গজাইয়া উঠে। শেষের
দিকে আমার বাড়িতে ফী লইতেন না। কিন্তু যে কোন প্রয়োজনে, যে কোন
সময়ে ডাকিবামাত্র আসিতেন। এমন কি অনেক সময়ে বিনা প্রয়োজনেও
আমার বৈঠকখানায় বসিয়া অনেকক্ষণ গল্প-গুজব করিয়া দাইতেন। এই সময়ে
শহরের সর্বশ্রেষ্ঠ ডাক্তার করালী কর হঠাৎ মারা গেলেন। অভয় ডাক্তারের
কর্মক্ষেত্র প্রসার-লাভ করিতে শুরু করিল। শহরের অত্যন্ত পাড়া হইতে বোগী
আসিতে লাগিল। মধ্যে মধ্যে পল্লীগ্রাম হইতেও ডাক আসিতে লাগিল।
যাবসা-বুড়ির সঙ্গে তাল রাখিবার জন্ত অভয় ডাক্তার শহরের মধ্যে ডিম্পেন্সারি
ফুলিয়া লইয়া গেলেন। তখন আর হামেশা রেখাসাফ্য হইত না; অবসর
হইলে ডিম্পেন্সারিতে গিয়া দেখা করিয়া আসিতাম। তবে কোন প্রয়োজনে
ডাক দিলে ডাক্তার নিশ্চই আসিতেন। তারপর যুদ্ধ বাধিল। ঔষধ দুস্থাপ্য
হইল। এক টাকা মূল্যের ঔষধ দশ টাকা মূল্যে বিক্রয় হইতে লাগিল। তা
ছাড়া জমিদার, ব্যবসায়ী ও চাহীদের হাতে পয়সা জমিল। ডাক্তাররা মরজম
দেখিয়া তাহাদের ফী চারগুণ বাড়াইয়া দিল। অভয় ডাক্তার বৎসরখানেকের
মধ্যে বাড়ি ও গাড়ি করিলেন। বোগীও ছুটিল বিস্তর। রক্তককে নুতন
গাড়িতে চড়িয়া অভয় ডাক্তার শহর ও মক্ষল চরিয়া ফিরিতে লাগিলেন।
এই সময়ে আমার গৃহিণী হঠাৎ রোগে পড়িলেন। পেটে ও গিঠে বেদনা।
ঔষধ-পথ্যের দাম ও ডাক্তারদের হাল-চালের কথা ভাবিয়া প্রথমে ডাক্তার
ডাকিলাম না। বন্ধুবান্ধবদের পরামর্শানুসারে মালিশ ও সেক চালাইতে
লাগিলাম। কিন্তু কোন কাজ হইল না। শেষে অভয় ডাক্তারের শরণাপন্ন
হওয়াই স্থির করিলাম। এক রবিবার সকালে ডাক্তারের বাড়ি গেলাম।

নৃতন তৈয়ারি দোস্তলা বাড়ি; সামনে অনেকখানি আয়গা বেলায় দিয়া ঘেরা। দুই পাশে দুইটি পেট। বাড়ির সামনে রাস্তায় মোটর, ঘোড়ার গাড়ি ও বিক্শার ভিড়। বাড়ির বারান্দায় অনেক লোক এলোমেলোভাবে বসিয়া ও দাঁড়াইয়া আছে। কোনমতে পথ করিয়া ডাক্তারের বসিবার ঘরে ঢুকিলাম। সেখানেও বিস্তর লোক। বাহারা স্থবিধা করিতে পারিয়াছে, বেঞ্চি বা চেয়ারে বসিয়াছে; বাহারা পারে নাই, দাঁড়াইয়া আছে। ডাক্তারের নিবাস ফেলিবার সময় নাই। এক-একজন রোগী সামনে আসিয়া দাঁড়াইবামাত্র ডাক্তার তাহার বুক-পিঠে এখানে-সেখানে বারকয়েক স্টেথিস্কোপ বসাইতেছেন, পেটের এপাশ-ওপাশ টিপিভেঁছেন, জিবটা একবার দেখিতেছেন, দরকার হইলে চোখের নীচে আঙুলের চাড় দিয়া এক চোখ দেখিয়া লইতেছেন, সবহুজ পাঁচ-সাত মিনিটের বেশি সময় লাগিতেছে না, তারপর খচখচ করিয়া প্রেসক্রিপশন লিখিয়া টেবিলের উপরেই ছুঁড়িয়া দিতেছেন। রোগী প্রেসক্রিপশনটি ভক্তিতে তুলিয়া লইয়া, ফী চাব টাকা গনিয়া দিয়া, কৃতজ্ঞতা ও কৃতার্থমত্ভতার হাসি হাসিয়া বিদায় লইতেছে। টেবিলে একটা ট্রের উপর টাকা জমিয়া উঠিতেছে।

এক পাশে দাঁড়াইয়া রহিলাম। ভিড় একটু পাতলা হইলে সহসা ডাক্তার-বাবুর চোখ আমার উপরে পড়িল। হাসিয়া কহিলেন, কি খবর? কতক্ষণ এসেছেন? বহন।

একটু আগাইয়া গিয়া গৃহিণীর রোগের সংক্ষিপ্ত বিবরণ দিতে আরম্ভ করিলাম। ডাক্তারবাবু কিছুক্ষণ শুনিয়াই কহিলেন, বুঝেছি, এক কাজ করুন, ব্লাড আর ইউরিনটা একবার দেখিয়ে রিপোর্টটা কাল আনবেন। আমি প্রেসক্রিপশন করে দেব।

কহিলাম, একবার গিয়ে দেখবেন না?

ডাক্তারবাবু মুখ গম্ভীর করিয়া কহিলেন, আজকালের মধ্যে যেতে পারব বলে মনে হয় না, তবে— চোখ বুজিয়া, জু কুঁচকাইয়া, কিছুক্ষণ ভাবিয়া, ঘাড় নাড়িয়া কহিলেন, না, চার-পাঁচ দিনের মধ্যে সময় হবে না; তবে দেখুন, বাবার দরকার হবে না; রিপোর্টটা দেখেই সব বুঝতে পারব। শুধুট-স্বাবস্থায় করেও যদি কোন ফল না হয় তো পরে একবার দেখে এলেই হবে। চুপ করিয়া রহিলাম। ডাক্তার কহিলেন, আচ্ছা, আস্থন তা হ'লে। ব্লাড

আর ইউরিনটা আজই দেখিয়ে ফেলুন গে। নমস্কার।—বলিয়া সম্মুখে দণ্ডায়মান একজন রোগীর প্রতি দৃষ্টিসংযোগ করিলেন। আমিও প্রতি-নমস্কার করিয়া বিদায় লইলাম।

বারান্দায় রোগীর ভিড়ের মধ্যে কোনমতে পথ করিয়া বাহিরে আসিলাম। পেটের পাশেই গ্যারেজ। ডাক্তারের নৃতন-কেনা স্বকন্কে মোটর গ্যারেজ হইতে বাহির হইতেছিল। একটা লোক—ডাক্তারের কোন চাকর বোধ হয়—কড়া গলায় হাঁক দিয়া কহিল, দাঁড়ান, যাবেন না, গাড়ি বার হচ্ছে। ধমকিয়া দাঁড়াইলাম। পিছন কিরিয়া ডাক্তারের বাড়ির দিকে তাকাইলাম। দোস্তলার বারান্দায় ডাক্তারের ছেলেকেয়েরা প্রভাতী আজ্ঞা জমাইয়াছে। পরিপুষ্ট হোঁরা, পরিচ্ছন্ন পরিপাটা পরিচ্ছন্ন। নিজের ছেলেকেয়ের কণা মনে পড়িয়া দীর্ঘনিবাস পড়িল। বুঝিলাম, ডাক্তারও নাগালের বাহিরে চলিয়া গিয়াছেন।

বাড়িতে আসিয়া গৃহিণীকে সব পরিচয় দিলাম। গৃহিণী কহিলেন, দরকার নেই ওতে; দশ-বায়ো টাকার কমে তো ওসব হবে না, কোথায় পাবে এত টাকা? তার চেয়ে বরং সময়বাবুকে ডাক; পরেশবাবু গিন্নী বলছিল, বেশ চিকিচ্ছে করে। রামসদয়বাবু হোমিওপ্যাথিক ডাক্তার। কেরানীগিরি করনে। যুদ্ধের বাজারে হোমিওপ্যাথি চিকিৎসা শুরু করিয়াছেন। ফী লাগে না; ঔষধের দামও কম। পাড়ার গরিব ও মধ্যবিত্ত গৃহস্থেরা সকলেই তাঁহাকে দিয়াই চিকিৎসা করায়। কেহ বাঁচে, কেহ মরে। কিন্তু বাঁচা-মরা তো ভগবানের হাত, ডাক্তার নিমিত্ত মাত্র। আধ্যাত্মিকতায় আগ্রহ হইয়া উঠিলাম। ভগবানের নাম শ্রবণ করিয়া রামসদয়কে ডাকিবার জন্ম বাহির হইলাম। ভগবানের রূপাতেই হোক, বা রামসদয়ের চিকিৎসার গুণেই হোক, গৃহিণী সুস্থ হইয়া উঠিলেন। তারপর হইতে রামসদয়ই আমার বাড়ির চিকিৎসা করিতেছেন। অল্প ডাক্তারকে ডাকিবার স্পর্শা আর করি নাই।

পরান দে আমার অনেক দিনের পরিচিত দোকানদার। চাল জাল ছন তেল মসলাপাতি ইত্যাদি সংসারের যাবতীয় দরকারী জিনিস বরাবর সেই সব-বরাহ করিত। বাজারের অশ্রান্ত দোকানের তুলনায় তাহার দোকানটি ছোটই ছিল। তবে সে নিজেই দোকান চালাইত, এবং লাভের লোভ তাহার বেশি ছিল না। কাজেই জিনিসপত্রের দাম অল্প দোকানের তুলনায় কম হইত। তা ছাড়া খাতির করিত খুব। দোকানে গেলেই সময়েই উঠিয়া দাঁড়াইয়া নমস্কার

করিত, টিনের চেয়ারটি ঝাড়িয়া বসিতে মিত, এবং পান ও সিগারেট আনাইয়া খাওয়াইত। কোন জিনিস তাহার দোকানে না থাকিলেও অল্প দোকান হইতে আনাইয়া বিনা লাভে সরবরাহ করিত। যুদ্ধের বাজারে চালের কারাবারে মোটা লাভ করিয়া পরানের মেজাজ গেল বিগড়াইয়া। দোকানে গেলে আর নমস্কার করিত না, বসিতেও বলিত না, জিনিসপত্রের দাম অত্যন্ত বাড়াইয়া বলিত এবং দরকাবকি করিলে অবজ্ঞার হাসি হাসিয়া শুনাইয়া দিত অল্প-ম্যাঞ্জিটের বাড়িতে এই জিনিস যাচ্ছে, এই দামই দিচ্ছেন তাঁরা; আপনাব স্ববিধে না হয় তো অল্প দোকানে দেখুন।—বলিয়া অল্প খরিদারের সঙ্গে কথাবার্তা শুরু করিত। পরানের হাব-ভাব দেখিয়া হাঁ করিয়া তাকাইয়া থাকিতাম কিছুক্ষণ; তারপর স্ববিধামত দরের আশা অল্প দোকানে ছুটিতাম। পরানের মতি-গতি দেখিয়া শেষ পৰ্যন্ত তাহার দোকান ছাড়িয়া বিলাম এবং অল্প একটি নেহাত ছোট দোকান হইতে জিনিসপত্র লইতে শুরু করিলাম।

শুধু পরানের নয়, কাপড়ের দোকানদার ভব দত্ত ও স্টেশনারি দোকানদার নিতাই কুতু, ইহাদের মেজাজও একদম বিগড়াইয়া গেল। আমি যে তাহাদের একদিন বাধা খরিদার ছিলাম, সে কথাটা তাহারা যেন ভুলিয়া গেল। দোকানে গিয়া দাঁড়াইলে বসিতে বলা দূরে থাকুক, মুখ ফিরাইয়া তাকাইতও না। অনেক ডাকাডাকি করিয়া দৃষ্টি আকর্ষণের পর কোন জিনিস চাহিলে, হয় 'নাই' বলিয়া বিদায় করিয়া দিত, কিংবা এখন দাম হাকিয়া বসিত যে, আর দাঁড়াইতে ইচ্ছা হইত না। অথচ খাতির করার প্রক্রিয়াটা যে তাহারা ভুলিয়া গিয়াছে, তাহা নহে। একদিন নিতাই কুতুর দোকানের সামনে দাঁড়াইয়া প্রায় আধ ঘণ্টা ধরিয়া এক শিশি হরুলিক্সের অল্প তাহাকে অহনয়বিনয় করিলাম। নিতাই সেই যে প্রথম হইতেই 'এক ফোটা নাই' বলিয়া ঘাড় নাড়িতে শুরু করিল, আধ ঘণ্টা পবেও তাব রকমফের হইল না। হঠাৎ একটা জিপ আসিয়া দোকানের সামনে দাঁড়াইল। নিতাই শশব্যস্ত হইয়া উঠিয়া দাঁড়াইয়া এক লাফে নীচে নামিল এবং ছুটিয়া জিপের সামনে গিয়া দাঁড়াইয়া হাত কচলাইতে কচলাইতে ধাত বাহির করিয়া হাসিতে লাগিল। চাহিয়া দেখিলাম, গাড়িতে এক ব্যক্তি বসিয়া আছে—শক্ত-পোক্ত চেহারা, ভারী মুখ, মাথায় চকচকে টাক, পরিধানের শাকী প্যাট ও মিলিটারি কোট। দোকানের একজন ছোকরাকে জিজ্ঞাসা করিয়া জানিলাম, ইনি সাপ্রাই বিভাগের একজন উচ্চপদস্থ কর্মচারী।

উল্লোক নিতাইকে কি বলিতেই সে হস্তমস্ত হইয়া ছুটিয়া আসিয়া দোকানে উঠিয়া একবারে দোকানের ভিতর ঢুকিয়া গেল এবং মিনিট কয়েক পরে দুই হাতে দুইটা শিশি লইয়া হাঁপাইতে হাঁপাইতে বাহির হইয়া আসিয়া গাড়ির দিকে ছুটিল। লক্ষ্য করিয়া দেখিলাম, হরুলিক্সের শিশি। অফিসারকে শিশি দুইটি মিয়া নিতাই চরিতার্থতার হাসি হাসিতে লাগিল। অফিসার আরও দুই-চার কথা নিতাইকে বলিয়া চলিয়া গেলেন; নিতাই ভাবমুগ্ধ দৃষ্টিতে ধাবমান গাড়িটার দিকে কিছুক্ষণ তাকাইয়া থাকিয়া ফিরিয়া আসিল। 'আসিতেই কহিলাম, ওকে হরুলিক্স দিলে, অথচ আমাকে—' নিতাইয়ের ভাবাবেশ তখনও কাটে নাই। গভীর মুখে, ভারী গলায় কহিল, ওই দুটি শিশিই ছিল, কোনমতে ওঁর অঙ্গে রেখেছিলাম। একটু চুপ করিয়া থাকিয়া ঈষৎ উত্তেজনার সহিত কহিল, উনি কে জানেন? সাপ্রাইয়ের বড় সাহেব। ওঁর সঙ্গে—কি যে বলেন তার ঠিক নেই! জবাব না দিয়া চলিয়া আসিলাম। পরে নিতাইয়ের দোকান হইতেই অল্প লোক মিয়া চড়া দামে একশিশি হরুলিক্স আনাইয়াছিল। নিজে আর তাহার দোকানে ঘাই নাই।

যুদ্ধ শুরু হওয়ার পরে কাপড়ের দাম চড়ার সঙ্গে সঙ্গে ভব দত্তের মেজাজও গুড়া হইয়া উঠিল। দোকানে গেলে পাত্তাই দিত না। তারপর শুরু হইল কট্টোল। কেমন করিয়া জানি না, ভব দত্ত কাপড়ের বড় সাহেবের পরম প্রিয়-পাণ্ড হইয়া উঠিল। কাপড়ের বড় সাহেব ভাল ভাল খুতি-শাড়ি বিক্রয়ের অধিকার তাহাকেই মিলে। ফলে হাকিম-সম্প্রদায়, শহরের ধনী কট্টোল্লর, ভক্তার, উকিল ও ব্যবসায়ীরা তাহার খরিদার হইল। কারণ ভাল খুতি ও শাড়ির 'পার্মিট' দেওয়ার ক্ষমতা একমাত্র বড় সাহেবেরই। কিন্তু তাহার সখ্যবান হওয়া আমাদের মত ক্ষীণজীবী মধ্যবিত্ত উল্লোকের সাধ্য নয়। কাজেই ভব দত্তের দোকানের পাশ মাড়াইবারও উপায় রহিল না আমাদের। ইহা সবেও একবার একজন হাকিম-ঘোঁষা বন্ধুর সাহায্যে বড় সাহেবের কাছ হইতে বানকয়েক ভাল খুতি ও শাড়ির 'পার্মিট' সংগ্রহ করিলাম। পার্মিটটি পকেটে লইয়া ভব দত্তের দোকানে গেলাম। দোকানে অনেকগুলি সরকারী কর্মচারী বসিয়া ছিল। তাহাদের পোশাক-পরিচ্ছন্ন দেখিয়া ও কথাবার্তা শুনিয়া পুলিশ কর্মচারী বলিয়া মনে হইল। ভব তাহাদের মনোরঞ্জন ব্যস্ত ছিল। আমার দিকে দৃকপাতও করিল না। এক পাশে একটা রঙটটা টিনের চেয়ার পড়িয়া

ছিল। তাহাই টানিয়া লইয়া বলিলাম। দোকানের কর্মচারীরা অফিসারদের
খুশি শাড়ি বাঁধাছাড়া করিতে ব্যস্ত দেখিলাম। অফিসারগুলিকে বিদায় দিয়া ভব
দত্ত আমার দিকে তাকাইয়া সবিনয়ে কহিল, আপনি ? হাসিয়া কহিলাম, হ্যাঁ,
আমিই। তা ভাল খুশি শাড়ি তোমার দোকানে অনেক আছে শুনলাম, আর
তুমি শুনলামই বা কেন, চোখেও দেখলাম, ওই ডব্রলোকগুলি নিয়ে গেলেন এক-
একজন অনেকগুলি করে; আমারও কিছু দরকার; খানকয়েক যদি—। ভব দত্ত
বাধা দিয়া গভীর মুখে কহিল, এমনই তো হবে না, পান্ডুটিট চাই, বড় সাহেবের
পান্ডুটি। মূহু হাসিয়া কহিলাম, আছে পান্ডুটি, এই যে। বলিয়া পকেট হইতে
পান্ডুটিট বাহির করিয়া তাহার হাতে দিলাম। সে পান্ডুটিটা আছোপাশু
পড়িয়া, মুখ হাঁড়ি করিয়া, ভারী গলায় কহিল, হঁ, বড় সাহেবেরই বটে।
একটু চুপ করিয়া থাকিবা কহিল, শুধের কি! দাকে তাকে পান্ডুটি বেড়ে
দিচ্ছেন! এদিকে আমি যে কোথা থেকে কাপড় দিই—! কহিলাম, তোমার
দোকানে শুনলাম যথেষ্ট কাপড় এসেছে। মুখ ভেংচাইয়া ভবতোষ কহিল, যথেষ্ট
কাপড় এসেছে! আপনারা তো সবই শুনছেন! সত্যি কথা বলে দিচ্ছি
আপনাকে, বিবেস করুন আর নাই করুন, ভাল কাপড় আর একখানিও নেই।
যা ছিল সব দিয়ে দিলাম আপনার চোখের সামনে। ঢোক সিলিয়া কহিল, তবে
এমনই সাধারণ কাপড় চান তো দিতে পারি এই পান্ডুটিটের ওপরই। কহিলাম,
থাক, দরকার নেই। তা তুমি এক কাজ কর, এই পান্ডুটিটের ওপর লিখে দাও
যে, কাপড় নেই। ভাবিয়াছিলাম, ভবতোষ ইহাতে কাবু হইয়া উঠিবে; কিন্তু
তাহা হইল না। বরং সোৎসাহে কহিল, বেশ তো, লিখে দিচ্ছি। বলিয়া খচখচ
করিয়া 'কাপড় আর নাই' লিখিয়া দিল। পান্ডুটিট আবার পকেটে পুরিয়া
দোকানের বাহির হইতেই দেখি ম্যাজিস্ট্রেট সাহেবের চাপরাসি বাইক হইতে
নামিতেছে। ভবতোষ এক গাল হাসিয়া আপায়ন করিয়া কহিল, এই যে
ভাই বলিল, এন, বস, কি খবর? চাপরাসী দোকানে উঠিয়া গেল। আমি
ফুরমনে চলিয়া আসিলাম।

বাজারের শেষাংশে আসিয়া পৌছিয়াছি, এমন সময়ে দেখিলাম,
ম্যাজিস্ট্রেট সাহেবের চাপরাসী বাইকে চড়িয়া পাশ দিয়া পার হইয়া গেল।
পিছনে কারিয়ারে বাধা এক মোট কাপড়।

পান্ডুটিট লইয়া বড় সাহেবের সঙ্গে দেখা করিলাম। কিন্তু কোন বল

হইল না। তিনি স্পষ্ট জানাইয়া দিলেন, কাপড় আছে জানিয়াই তিনি
পান্ডুটিট বিয়াছিলেন, কিন্তু কাপড় যদি ফুরাইয়া গিয়া থাকে তো তাঁহার
করিবার কিছুই নাই।

সেই দিন হইতে কটোলের বাজারে মিহি কাপড় পরিবার ও গৃহিণী ও
ছেলেমেয়েদের পরাইবার আশা ত্যাগ করিলাম।

কয়লার আড়তদার বগলা নন্দীর ব্যবহারেই বিগলিত হইলাম বেশি।
বগলা আমার ভৃত্যপূর্ব ছাত্র। বধন কয়লার ব্যবসা শুরু করে, তখন আমার
কাছ হইতে আশাস ও আশীর্বাদ যথেষ্ট পাইয়াছিল। প্রথম হইতেই আমাকে
মাসে মাসে আমার আবশ্যকমত কয়লা বাড়িতে পৌছাইয়া দিত। যুদ্ধের
সময়ে গাড়ির অভাবে আমদানি কম হইতেই কয়লার দাম চড়িয়া গেল।
বগলা নিয়মিতভাবে কয়লা পাঠানো বন্ধ করিল। ব্যবসার চিঠি লিখিয়া
পাঠাইলে বা নিক্তে গিয়া দেখা করিলে তবে দিত, তাও পুরাপুরি নয়। অন্য
আড়তদারদের খরিয়া শ্রায়া মূল্যের ছুই-তিন গুণ বেশি দাম দিয়া বাকি
কয়লা সংগ্রহ করিতে হইত। হঠাৎ কয়লাখাদে কুলি-ধর্মঘটের অল্প কয়লার
আমদানি দিন কয়েকের অল্প একেবারেই বন্ধ হইয়া গেল। আড়তদাররা
বাতারাত্তি কয়লা আড়ত হইতে সরাইয়া ফেলিল। কয়লার গুঁড়া গোটার
চেয়ে বেশি দরে বিক্রয় হইতে লাগিল। আমি বগলার উপরে নির্ভর করিয়া
বসিয়াছিলাম, সবটা না দিক, কিছু তো বিবেই। গৃহিণীর তাড়নায় একদিন
বগলার কাছে ছুটিলাম। রেল-স্টেশনের কাছেই কয়লার আড়ত। একটা
খড়ের চালার নীচে একটা তক্তাপোশের উপরে উবু হইয়া বসিয়া মুজিতচক্ষে
সিগারেট টানিতেছিল বগলা। আশেপাশে কয়লার গুঁড়ার স্তুপ। একটা
লোক তাহাই বসায় বাঁধিয়া রাখিতেছিল, এবং তাহাই লইবার অল্প জন-
কয়েক লোক অহনয়বিনয় করিতেছিল। বগলা কাহারও কথায় কর্ণপাত
না করিয়া একমনে সিগারেট টানিতেছিল।

ডাক দিতেই বগলা সিগারেটে একটা লম্বা টান দিয়া এক মুখ ধোঁয়া
ছাড়িল, এবং ধূমজ্বালার ভিতর দিয়া আমাকে দেখিয়া ধীরে হুস্বে সিগারেটটি
নিবাইয়া পাশে নামাইয়া রাখিয়া কহিল, কি বলছেন?

সোৎসাহে কহিলাম, আমার কয়লা?

বগলা মুলিরাশির দিকে হাত বাড়াইয়া কহিল, ওই তো দেখছেন, ইচ্ছে হয় তো নিয়ে যান।

ব্যাকুল কর্তে কহিলাম, ও বে ধুলো! ওতে রান্না হবে কি-ক'রে?

বগলা বেপরোয়াভাবে কহিল, তা আমি কি করব? ও ছাড়া আর নেই। প্রাণী লোকগুলোকে কহিল, দু টাকা ক'রে মণ, পারবে তো নিয়ে যাও।

তা হ'লে রিক্শা ভেঙে নিয়ে আসি বাবু—বলিয়া লোকগুলো শহরের দিকে ছুটিল।

বগলাকে কহিলাম, সত্যি কি কয়লা নেই? বগলা গভীর মুখে কহিল, না।

কহিলাম, কোথায় পাওয়া যায় বলতে পার?

উত্তরে বগলা ডান হাতের পাতা চিত কয়লা দিল।

একটু চুপ করিয়া থাকিয়া কহিলাম, তোমার বাড়িতে কি কিছুই নেই?

বগলা কহিল, যা আছে তা নিজের জ্বাছে, আর কিছু এস. ডি. ও সাহেবের জ্বাছে; গুঁর কয়লা কিছু বেশি লাগে। সাহস্নয়ে কহিলাম, আমাকে যদি এক মণ অন্তত—। বগলা ঘাড় নাড়িয়া কহিল, না মাস্টার মশায়, পারব না, অহরোধ করবেন না আমাকে।

চলিয়া আসিলাম। সেই দিন হইতে বগলার সঙ্গে সম্পর্কচ্ছেন্ন। সম্বন্ধ হইলে একে তাকে ধরিয়া জাখা মূল্যের বেশি দাম দিয়া কয়লা সংগ্রহ করিতে লাগিলাম, না হইলে কাঠ। গৃহিণী চোখের জল ফেলিতে ফেলিতে রান্না করিতে লাগিলেন।

শুণ্য ব্যবসারীদের কাছে নয়, নাপিত খোপা চাকর ও বিদের কাছেও আমার পরিচয় মর্ধাধাহীন হইয়া পড়িল।

চারু নাপিত শহরের সেরা নাপিত। হাকিম ও ধনী সম্প্রদায়ের মধ্যে তাহার একচেটিয়া ব্যবসা। তাহার ছেলে আমার স্থলের ছাত্র ছিল বলিয়া আমার বাড়িতেও আসিত। তাহার বেট ছিল সাধারণ নাপিতদের চেয়ে বেশি—বড়দের ছয় আনা, ছোটদের চার আনা। গৃহিণী এই নবাবিয়ানার অঙ্ক গল্পনা দিতেন। তবু চাকর হাতে কৌরীকৃত হওয়ার আভিজাত্যের লোভ সামলাইতে পারিতাম না। পাড়ার কালী নাপিত রাস্তার ধারে বসিয়া পাড়ার সাধারণ লোকদের চুল কাটিত। আমাকে দেখিলেই সে আমার মাথার দিকে লোলুপ দৃষ্টিতে তাকাইত। কিন্তু তাহার হাতে কোনদিন মাথা ছাড়িয়া

দিব, এ আমার উৎকট কল্পনারও অগোচর ছিল। যুদ্ধের বাজারে চাক বেট যিগুণ বাড়াইয়া দিল। গৃহিণী থাকিয়া বসিলেন—মাসে মাসে শুণ্য চুল কাটার অঙ্ক দু টাকা খরচ করা চলিবে না। শেষে একদিন নিজে কালীকে ডাকিয়া পাঠাইয়া ছেলের চুল ছাটাইয়া দিলেন। আমি কিন্তু চাকর কাছেই চলাইতে লাগিলাম। দিন কয়েক পরে চাকর নিজেই আসা বন্ধ করিল। যুদ্ধের মরহমে শহরে অনেক হালি বড়লোক গজাইয়া উঠিয়াছে; অনেক নূতন-নূতন হাকিমেরও আমদানি হইয়াছে। সকলেই চাককে চায়। এই নূতন মকেলদের ভিড়, তা ছাড়া আমার কাছে পাওনাও নেহাত কম; কাজেই চাকর বোধ হয় আসিবার সময় করিতে পারিল না। আমি অগত্যা একদিন কালীকে ডাকিয়া তাহার কবলেই মাথা সঁপিয়া দিলাম।

খোপার অবস্থাও তর্ধেবচ। শহরের সেরা খোপা উপেন বরাবর কাপড় কাটিত। দুধের মত সাদা ধুতি ও পাঞ্জাবি পরিয়া উড়ানি উড়াইয়া খুলে ধাইতাম। সহকর্মীরা ঈর্ষাকূটিল চক্ষে আমার দিকে তাকাইতেন। পরস্যা কিছু বেশি খরচ হইত বটে, তবু এই সামান্য বিলাসটুকু বর্জন করিতে পারিতাম না। যুদ্ধ বাধিতেই ধুতি-শাড়ি ছুপ্রাপ্য হইয়া উঠিল; বিশেষ করিয়া মিলের ধুতি-শাড়ি। সরকার বাহাদুর আপামরসাধারণের জড় স্ট্যাণ্ডার্ড কাপড়ের ব্যবস্থা করিলেন—মোট, খাটে, একই রকমের পাড়। যুদ্ধ কমিটির কর্তাদের ধরিয়া তাহাই সংগ্রহ করিতে লাগিলাম। মনিব-চাকর, গিন্নী-বি—কোন তফাৎ রহিল না। তবু উপেনের হাতে ধুইয়া আসিলে ওই কাপড়েরই বাহার খুলিত। কিন্তু ভাগ্য বিক্রম। শহরের কাছে মিলিটারি ক্যাম্প বসিল। উপেন সেখানকার কাজে নিযুক্ত হইল। হাকিম বা বড়লোকদের কাপড় না কাটিলেই নয়, তাই কোনমতে কাটিয়া দিত। কিন্তু আমাদের মত লোকদের কাপড়গুলির উপরে তাহার শিক্ষানবিস ছেলেরা হাত পাকাইত। কলে কাপড় তেমন পরিষ্কার হইত না, ছিঁড়িতও বেশি। গৃহিণী অহযোগ করিলে উপেনের ছেলেরা স্পষ্ট বলিয়া দিত, স্ট্যাণ্ডার্ড কাপড় এর বেশি সাদা হবে না। গৃহিণী একদিন বলিলেন, সাদা না হোক, ছিঁড়ছে কেন? ভাড়া খাটাস নাকি? উপেনের ছেলেরা তারপর হইতে কাপড় কাচা বন্ধ করিল। পাড়ায় একজন খোপা ছিল—কানাই। পাড়ার সাধারণ গৃহস্থদের কাপড় সেই কাটিত। কানাইয়ের কাচা কাপড়ের একটি বিশেষত্ব ছিল।

এমন একটি পাকা ফিকা নীল রঙ ধরিত বে, শত চেষ্টাতে ছাড়িত না। কাজেই ময়লা হইত কম। এত সুবিধা সত্ত্বেও কানাইকে কোনদিন ডাকি নাই। এইবার তাহাকে ডাকিতে হইল। নীলরঙ জামা ও কাপড় পরিয়া সাধারণের সামতল্যে নামিয়া আসিয়াছি—ইহা বিজ্ঞাপিত করিতে করিতে সর্বসমক্ষে চলা-ফিরা করিতে লাগিল।

চাকর ও ঝিরের কাছেও মনিবন্ধের মাগকাঠিতে অনেক ছোট হইয়া গেলাম। সংসার-পাতার শুরু হইতেই একজন চাকর ও একজন ঝি বদলবর ছিল। ঝি-চাকরের মাহিনা বেশি ছিল না, কাজেই আর খুব বেশি না হইলেও সুলাইয়া বাইত। যুদ্ধ শুরু হইতেই ঝি ও চাকর দুইজনেই মাহিনা বাড়াইবার বাহানা ধরিল। আমার মাহিনা না বাড়িলেও তাহাদের দুই-এক টাকা করিয়া বাড়াইয়া দিলাম। দিন কয়েক ঠাণ্ডা রহিল; তারপর আবার টালমাটাল ভাব,—বিশেষ করিয়া চাকরটির। কাজে মন নাই। বেশন-তেমন করিয়া কাজ সারিয়া দেয়; ছুপুরে আড্ডা দিতে বাহির হইলে চারটার আগে বাড়ি ফিরে না; গৃহিণী ধমক মিলে মুখের উপর জবাব দেয়। উত্তরশায়ক ভৃত্য না রাখাই শাস্ত্রীয় বিধি। গোপনে চাকর খোঁজ করিবার চেষ্টা করিলাম। দেখিলাম, চাকর দুঃশাশ। কেহ আর সাধারণ গৃহস্থের বাড়িতে চাকরি করিতে প্রস্তুত নয়। সরকার বাহাদুর পাঁচ-সাত রকমের নৃতন আপিস খুলিয়াছেন। সকলেই সরকারী আপিসে পিয়নের কাজ করিবার জন্য ব্যস্ত। দোষও তাহাদের বেগুনা ধায় না। যুদ্ধের বাজারে সব জিনিসই এত দুর্মূল্য বে, পূর্বের আয়ে সংসার চালানো দুঃশাশ হইয়া উঠিয়াছে সবারই। সরকারী আপিসের পিয়নদের মাহিনা বেশি না হইলেও মাগগি ভাতা আছে—বকশিশ আছে। সব মিলাইয়া এক-একজন প্রায় চল্লিশ টাকা রোজগার করে। অবস্থা দেখিয়া গৃহিণীকেই মেজাজের রাশ টানিবার জন্য উপদেশ দিলাম। চাকরটি নিজে মজিমত কাজ করিতে লাগিল, গৃহিণী আমার উপদেশমত মুখ বৃত্তিয়া রহিলেন। এমনই করিয়া দিন কয়েক চলিল। একদিন স্থল হইতে ফিরিয়া দেখিলাম, চাকরটা মাটিতে লুটাইয়া হাউহাউ করিয়া কঁাদিতেছে, এবং গৃহিণী তাহার কাছে বসিয়া সাহসনা দিতেছেন। কি হইয়াছে জিজ্ঞাসা করিতেই চাকরটা উঠিয়া বসিয়া হাপসু-নয়নে কঁাদিতে কঁাদিতে জড়াইয়া-জড়াইয়া বাহা বলিল, তাহাতে বুঝিলাম, তাহার পিতৃবিয়োগ হইয়াছে।

চিঠি আসিয়াছে কি না প্রশ্ন করিতেই, চাকরটা কাহা খামাইয়া কহিল, চিঠি কে লিখবে বাবু? নেকাপড়া জানে কি কেউ? তবে ধবর পেলি কি করে?

বাজারে আমাদের গাঁয়ের একজনের সঙ্গে দেখা হ'ল, তার মুখেই শুনসুম। আবার হাউহাউ করিয়া কঁাদিয়া উঠিয়া কহিতে লাগিল, কি করব বাবু? বাড়িতে আর মরণ বলতে কেউ নাই! এখনি যেতে হবেক আমাকে। ছাদ-ছাতি সেয়ে, ঘরের বিলি-ব্যবস্থা করে, আবার আসব।

সাবেক বাকি-বকেয়া সমেত সব মাহিনা উত্তল করিয়া লইয়া, শ্রাদ্ধ-শাস্তির জন্য দশ টাকা অগ্রিম লইয়া এবং বত শীত:সন্তব ফিরিয়া আসিবার প্রতীক্ষিত দিয়া চাকরটি বিদায় লইল। আমরা তাহার প্রত্যাগমনের প্রতীক্ষায় দিন গনিতে লাগিলাম।

দিন কয়েক পরে বাজারের মধ্যে হঠাৎ চাকরটার সঙ্গে মুখোমুখি দেখা। পরিধানে সরকারী আপিসের চাপরাসীরা পোশাক, বুকের উপর তকমা। হঠাৎ আমাকে দেখিতে পাইয়া চট করিয়া পাশের একটা গলিতে চুকিয়া পড়িল। তারপর, চাকর আর ছুটাইতে পারিলাম না। নিজে ও গৃহিণী মিলিয়া, অর্থাৎ গৃহিণীই প্রায় সবটা, আমি সময়ে অসময়ে কতকটা, সংসারের কাজ চালাইতে লাগিলাম।

ঝিটাকে ভাড়াইল সরকার নহে, সরকারের শত্রু জাপান। কলিকাতার হঠাৎ গোটাচক্রে বোমা ফেলিয়া দিল। কলিকাতাবাসীরা ঘরবাড়ি ছাড়িয়া মুক্তকণ্ঠ হইয়া দিগ্বিদিকে পলাইল। প্রত্যেক শহরে কলিকাতাবাসীদের জোয়ার আসিল। বাড়িভাড়া চড়চড় করিয়া বাড়িয়া গেল। ভাড়া প'ড়ে ঘরেও লোকে মোটা ভাড়া দিয়া মাথা গুঁজিয়া থাকিতে লাগিল। এই সময়ে আমাদের পাড়াতে এক ভরলোক আসিলেন। মন্ত বড়লোক। কলিকাতার বিরাট ব্যবসা। পাড়ায় সোরগোল পড়িয়া গেল। কলিকাতাবাসীদের পোশাক-পরিচ্ছদ, চাল-চলন, হাব-ভাব দেখিয়া তাক লাগিয়া গেল সবার ভরলোকের মন্তবড় পরিবার। ঝি বেশি সঙ্গে আনিতে পারেন নাই এখানে আসিয়া ঝিরের খোঁজ করিতে লাগিলেন। এক ঘা মাহিনা দিবে চাহিলেন, তাহাতে সকল বাড়ির ঝিরাই চঞ্চল হইয়া উঠিল। দুর্ভাগ্যক্রমে আমার ঝিরের বয়স কিছু কাঁচা ছিল, চোখাও নেহাত মন্দ ছিল না

তাহাকেই পছন্দ হইল ডব্রলোকের। ঝিটি বিনা নোটসে কাজ ছাড়িয়া দিল। তখন হইতে ঝয়ের কাজও গৃহিণীর ঘাড়ে পড়িল। আর ঝি সংগ্রহ করিতে পারি নাই। কারণ চাকরের মত ঝিও দুর্লভ হইয়া উঠিয়াছে। নিয়ন্ত্রণের ত্রীলোকের মধ্যে বাহাদের বয়স অল্প, তাহাদের কাজ করিবার দরকার নাই; জানি, বড়লোকদের রূপায় তাহাদের মাসিক বাধা আয়ের ব্যবস্থা হইয়াছে। পড়তি বয়সের মেয়েদের অবশ্য কাজ করা ছাড়া উপায় নাই; কিন্তু এমন বেতন হাঁকে যে, আমার মত লোকের ছেলেমেয়ের পেট না কাটিয়া দেওয়া চলে না।

এমনই করিয়া দিন দিন ক্রমে ক্রমে সমাজ-সোপানের নীচের খাপে নামিয়া আসিলাম। আহার-বিহারে, বেশ-ভূষায় দৈনন্দিন জীবনযাত্রাপ্রণালীতে সাধারণের সমপংক্তি হইয়া উঠিলাম। অর্থ ও পরমর্ষাদার সামনে মধ্যবিত্ত শ্রেণীর শিক্ষা-দীক্ষা ও সংস্কৃতির মর্ঘা বাতিল হইয়া গেল। চোখ-কান বুদ্ধিয়া কোনমতে জীবনযাত্রা নির্বাহ করিতে লাগিলাম।

হঠাৎ চাকা ঘুরিয়া গেল। আমার এক শ্যালক শহরের সাপ্রাই আপিসের বড় সাহেব হইয়া আসিল। আসিবার আগে আমাকে একটি বাড়ির জন্ত লিখিল। আমাদের পাড়ায় একটি ভাল বাড়ি বালি হইয়াছিল; সেইটি টিক করিয়া দিলাম। বধাসময়ে শ্যালক সপরিবারে আসিল ও ওই বাড়িতে অধিষ্ঠিত হইল। আমি ও আমার গৃহিণী দুইজনই সব গুছাইয়া দিলাম।

রাগবাবুবু চিঠি আসিল। অতি সৌহার্দ্যপূর্ণ চিঠি। সপরিবারে কেমন আছি—জানিবার জন্ত দারুণ উৎকর্ষা প্রকাশ করিয়াছেন এবং পরিশেষে জানাইয়াছেন, ব্যবসা সম্পর্কে সাপ্রাই অফিসারের সঙ্গে দেখা করা তাঁহার বিশেষ দরকার। ইহার জন্ত তাঁহাকে নিজেই আসিতে হইত। কিন্তু আমি যেহেতু এখানে রহিয়াছি এবং সাপ্রাই অফিসার যেহেতু আমার শ্যালক, সেইজন্য আসিবার প্রয়োজন বোধ করেন নাই। আমি যেন তাঁহার হইয়া সাপ্রাই অফিসারকে বলিয়া কাজটি করিয়া দিই।

অভয় ডাক্তারের মেয়ের বিবাহ। কাপড়, চিনি ও আটা চাই। একদিন হঠাৎ আমার বাড়িতে পদার্পণ করিলেন। গৃহিণী কেমন আছেন জানিবার জন্ত অত্যন্ত ব্যাকুল বলিয়া বোধ হইল তাঁহাকে। আমি যে তাঁহার কাছে নাই নাই, সেইজন্য অভিমান ও অহুযোগ করিলেন। সর্বশেষে আসল কথাটি প্রকাশ করিলেন।

শ্যালকের জ্বিপে চড়িয়া নিতাই ও ভব'র দোকানে একদিন গেলাম। আমাকে সাপ্রাই অফিসারের গাড়িতে দেখিয়া ছুইজনেই কিছুক্ষণ হাঁ করিয়া চাহিয়া রহিল। তাহদের সাপ্রাই অফিসারের সঙ্গে আমার সম্পর্কের পরিচয় পাইয়া ভক্তিতে গদগদ হইয়া নমস্কার করিল। নিতাই নিজে হইতে কহিল, হৃদ্বিক্স কয়েক বোতল এসেছে, চাই নাকি? আমি মনে মনে হাসিয়া কহিলাম, দরকার হ'লে নেব।

অনেক দিন দোকানে পায়ের ধুলা দেন নি— বলিয়া নিতাই আকুল চক্ষে আমার দিকে চাহিল। নিয়মিতভাবে পায়ের ধুলা দিবার প্রতিশ্রুতি দিয়া তাহাকে নিশ্চিন্ত করিলাম। ভব দত্ত আমাকে আড়ালে ডাকিয়া আন্তরিক অন্তরভতার সহিত কহিল, অনেক ভাল ভাল দৃতি-শাড়ি এসেছে দোকানে, চাই তো একটা পামুটি—। বলিয়া কথাটা শেষ করিল না, শ্যালকের দিকে চোখের ইঙ্গিত করিয়া বক্তব্য প্রকাশ করিল।

আজ্ঞা হবে এখন।—বলিয়া তাহাকে নিবস্ত করিলাম।

হঠাৎ একদিন সকালে কয়লার আড়তদার বগলা নন্দী বাড়িতে আসিয়া হাজির। একেবারে জুমিঠ হইয়া প্রশ্নাম করিয়া পায়ের ধুলা মাখায় লইল। কহিলাম, কি খবর বগলা? কয়লা এসেছে নাকি? বগলা সাগ্রহে কহিল, আজ্ঞে হ্যাঁ, ক মণ চাই বলুন, কালই পাঠিয়ে দেব। কহিলাম, বেশ, টাকাটা দিয়ে দিই তা হ'লে, কেমন? বগলা শশব্যস্তে কহিল, টাকার জন্তে তাড়া কি? আগে পাঠিয়ে দিই, পরে দেবেন এখন।

বগলা বিপদে পড়িয়াছে। কাহাকে কালো দরে কয়লা বিক্রয় করিয়াছে। কালো কয়লার অবশ্য কালো দরেই বিক্রয় হওয়া উচিত। কিন্তু সাপ্রাই অফিসার অত্যন্ত বেয়াড়া-বুদ্ধির লোক; যুক্তিটা মাথায় ঢুকে নাই। কলে, বগলার লাইসেন্স বাতিল করিয়া দিয়াছে। বগলা যুক্তহস্তে অশ্রুপূর্ণিত নয়নে কহিল, দয়া ক'রে একটা ব্যবস্থা করুন মাস্টার শশায়। এ বাজারে ব্যবসায়ি গেলে ছেলেপিলে নিয়ে পথে দাঁড়াব।

চূপ করিয়া সব শুনিয়া বধাবিধি ব্যবস্থা করিবার আশা ও আশ্বাস দিয়া তাহাকে বিদায় করিলাম। বাইবার সময়ে আর একবার পায়ের ধুলা মাখায় লইয়া গেল বগলা।

উপেন খোপা তো সাপ্রাই অফিসারের বাড়িতে আমাকে দেখিয়া অবাচ।

কোন রকমে সামলাইয়া কহিল, হুজুর, আশনি এখানে? হাসিয়া কহিলাম, সাহেব যে আমার শালা। তা তোমার মিলিটারির কাজ কেমন চলছে? উপেন হাত জোড় করিয়া কহিল, সে গেছে আজ্ঞে। তা আপনকার কাপড়চোপড় এখন যাচ্ছে কোথা? কহিলাম, পাড়ার ধোপার কাছেই দিচ্ছি। কি আর করব বল? তুমি তো আর কাচলে না। উপেন হঠাৎ আমার পায়ে হাত দিয়া মাথায় ঠেকাইয়া কহিল, ও কথা বেতে দেন আজ্ঞে। নেহাত বেজে প'ড়ে সিঁছলাম, না হ'লে আপনাদের মত ঝন্দের আবার ছাড়ি! তা গিন্নীমা কি এখানে, না বাড়িতে? কাপড়গুলো তা হ'লে আজকেই—। কহিলাম, এবার থাক। কাপড় কিনে আস্থক। পরের বার নেবে এখন।

চাক নাপিতও আবার আসিতে শুরু করিয়াছে।

আমার পুরাতন চাকরটি একদিন আসিয়া আমাকে ও গৃহিণীকে সাষ্টাঙ্ক প্রণিপাত করিল। জিজ্ঞাসা করিয়া জানিলাম, ছুট আপিসে চাকরি করিতেছিল, মাস কয়েক আগে চাকরিটি গিয়াছে। কহিলাম, চাকরি-বাকরি করবি? সে দুই হাত জোড় করিয়া কহিল, গেরব বাড়িতে চাকরি করতে আর মন সরছে নাই, বাবু। সুনলম, মামাবাবুর আপিসে পিয়নের চাকরি খালি আছে। আপনি একটু ব'লে দিলেই হয়ে যায়। কিবুশা ক'রে এইটি ক'রে দেন এজ্ঞে! ছেলে-পিলে নিয়ে বড় কষ্ট। আপনার চাকরের ভাবনা হবেক নাই যতদিন আমি আছি। আমার ছোট ভাইটা বেশ বড়সড় হইছে তাকেই গতিয়ে দিব আপনকার কাছে।

তাহার চাকরি করিয়া দিলাম। পরিবর্তে সে আমার ভৃত্যসমস্তা সমাধান করিয়া দিল।

বিয়ের সমস্তা সমাধান করিল পরান। আবার অত্যন্ত ভক্তি করিতে শুরু করিয়াছে। স্ত্রীলকের ও আমার—এই দুই বাড়িতেই ডাল তেল হন ইত্যাদি সরবরাহ করিতেছে। আমার পুরাতন ঝিটির কলিকাতার বাবু কলিকাতা চলিয়া যাইবার পর, ভরণ্যপোষণের ভার পরানই লইয়াছিল। স্ত্রীলকের বাড়িতে বিয়ের প্রয়োজন হওয়ায় তাহাকেই সেখানে বহাল করিয়া দিল। কিন্তু সন্ধ্যা সন্ধ্যা আসামকেও একটি ষি সন্ধ্যা করিয়া দিল।

সমাজ-সেবায় আগের ধাপ ছাড়াইয়াও উপরে উঠিয়া আসিয়াছি। সঙ্গারস্বাভা অনেকটা স্বগম হইয়াছে। তবে পরিচয় বদলাইয়াছে। আগে

সকলে বলিত, 'মাস্টার মশায়'; এখন বলে, 'জামাইবাবু'। এমন কি, আমায় সহকর্মীও নাকি আমার শিছনে আমাকে জামাইবাবু বলিয়া ডাকিতে শুরু করিয়াছে। তবে এক কথা স্বীকার না করিয়া উপায় নাই যে, বাহারা আমার পূর্ব-পরিচয়ের মূল্য দিতে একদিন কার্পণ্য করিয়াছিল, তাহারাই আমার নব পরিচয়ের মূল্য কড়ায় গভায় মিটাইয়া দিতেছে।

শ্রীঅমলা দেবী

পদচিহ্ন

হুড়ি

স্বামীর শিয়রে শুক'হয়ে ব'সে ছিলেন কানীর বউ। রাধাকান্ত চোখ বুঞ্চে শুয়ে আছেন। বৈঠকখানার তিনি অজ্ঞান হয়ে পড়েছিলেন। স্বর্গবাবু চাঁৎকার ক'রে উঠলেন, কেই কেই! জল,—জল আন। রাধাকান্ত অজ্ঞান হয়ে প'ড়ে গেছেন। কেই জল নিয়ে ছুটে গেল। মাথায় মুখে চোখে জলের ঝাপটা দিয়ে অল্প শুক্রযাতেই তাঁর চেতনা ফিরল বটে, কিন্তু ধরধর ক'রে তিনি কাঁপছিলেন তখনও। অ্যালোপ্যাথি মতে চিকিৎসক কয়েকজন এখানে আছে। তাদের মধ্যে একজন কেবল পাস-করা ডাক্তার। বাকি সকলেই হাতুড়ে। পাস-করা ডাক্তারটি নবগ্রামে এসে প্রথমে রাধাকান্তের বৈঠকখানাতেই, আশ্রয় না হোক, আস্তানা নিয়েছিলেন। কিছুদিন তাঁর বাড়িতে ষাওয়া-ধাওয়াও করেছিলেন। লোকটি সরলপ্রকৃতির, একটু উজ্জ্বলিত ধরনের মানুষ। সামান্য কৌতুকই প্রচুর হাসেন, হাসিরও একটি অদ্ভুত ভঙ্গী আছে—'এ' শব্দে প্রথমে একটি স্বদীর্ঘ টান দিয়ে বি-বি-বি-বি ক'রে হেসেই চলেন, হেসেই চলেন। রাধাকান্তকে তিনি প্রহ্লাও করেন, ভালও বাসেন। তিনি কিন্তু আজ ধরধর পেয়েও আসতে পারেন নি সঞ্চে সঞ্চে। গোপীচন্দ্র যে দাতব্য-চিকিৎসালয় স্থাপন করতে উদ্ভোগী হয়েছেন, যে চিকিৎসালয়ের ষারোদ্ঘাটন আজ হতে গিয়েও হতে পারল না, কমিশনার সাহেব রুই হয়ে রক্তমুখে চাবি ছুড়ে দিয়ে ফিরে গেলেন, সেই চিকিৎসালয়ে তিনি মাসিক তিরিশ টাকা বেতনে ডাক্তার নিযুক্ত হয়েছেন। ডাক্তারখানার ষারোদ্ঘাটন না হ'লেও ডাক্তারের উপর ভায় পড়েছিল অপ্রত্যাশিত দারিদ্ৰের। কমিশনার সাহেবের প্রস্তাব, তিনি নতুন নকশা পাঠিয়ে দেন, সেই নকশা অহুসারে নতুন বাড়ি হবে, এবং গোপীচন্দ্রের

সবিনয় অস্থায়ী ও আকৃতিপূর্ণ প্রতিশ্রুতির আলোচনার মধ্যে গোপীচন্দ্র, কমিশনার সাহেব ছাড়া ছিলেন জেলার ম্যাজিস্ট্রেট সাহেব এবং অমরচন্দ্র। সেখানে আর কারও প্রবেশাধিকার ছিল না। ডাক্তার সেই স্বরস্বায় ছিলেন স্বারস্বক। এতে অবশ্য একালের ডাক্তারেরা নিজেদের অপমানিত বোধ করবেন, কিন্তু সেকালের ডাক্তারেরা করতেন না। সেকালের শতকরা নিরেনকই জনই করতেন না। বরং ছদ্মবেশী কালপুরুষের সঙ্গে শ্রীরামচন্দ্রের গোপন আলোচনাকালে স্বারস্বক নিযুক্ত লক্ষণের মতই নিজেই গৌরবাবিহিত বোধ করতেন। এই কারণেই রাধাকান্তর অস্থস্থতার সংবাদ পেয়েও তিনি আসতে পারেন নি। হাতুড়ে ডাক্তারদের কাউকে ডাকতে যেন নি কাশীর বউ। রাধাকান্তও বলেছিলেন, না, কাউকে ডাকতে হবে না। আমি স্থস্থ হয়েছি।

কাশীর বউ তাঁকে বিছানায় শুইয়ে দিয়ে খানিকটা গরম দুধ খাইয়ে, বিশ্রাম করতে অস্থরোধ্য করেছিলেন। রাধাকান্ত বলেছিলেন, আমায় একবার ধানার বেতে হবে যে।

কাশীর বউ দুটু কঠে বললেন, না।

‘না’ নয়। রাধাকান্ত উঠে বসতে চেষ্টা করলেন।

কাশীর বউ আবার বললেন, না। তারা যা করেছে, তার ফল তাদেরই ভোগ করতে হবে—সে ভালই হোক আর মন্দই হোক। তুমি এই অস্থস্থ শরীর নিয়ে উঠতে পাবে না।

স্বর্নবাবু অপেক্ষা করছিলেন বাইরে—স্বরদালানে। রাধাকান্ত ও তাঁর স্ত্রী কথাবার্তা সবই তাঁর কানে আসছিল। তিনি বললেন, আমি যাচ্ছি ধানার। তুমি বিশ্রাম কর রাধাকান্ত। বউদি ঠিক কথাই বলেছেন।

কাশীর বউ স্কন্ধিত ক’রে বেশ স্পষ্ট কঠেই ঘর থেকে জবাব দিলেন, না। রাধাকান্ত সবিনয়ে তাকালেন কাশীর বউয়ের দিকে, ঘরের ভিতর থেকেও স্বর্নবাবুর কথার তিনি জবাব দিচ্ছেন বেশ স্পষ্ট কঠস্বরে—এটা তাঁকে বিস্মিত করলে। এটা তাঁর কাছে স্ত্রীস্বামীত্বের একটা স্পৃহিত দৃষ্টান্ত বলে মনে হ’ল।

কাশীর বউ কিন্তু ‘না’ বলেই ক্ষান্ত হলেন না। তিনি বলেই গেলেন, বাবের ধরেছে, তারা সাধারণ চোর-ডাকাত নয়; সাধারণ চোর-ডাকাতের সাধারণের অনিষ্ট করে, এরা গভর্নেন্টের বিরুদ্ধে, হয়তো বা রাজার বিরুদ্ধে যড়যন্ত্র করেছে। আর বাবা সদর কি কলকাতা থেকে তাদের ধরতে এসেছে, তারাও

আপনাদের পরিচিত পুলিশ নয়। তারা গোয়েন্দা-বিভাগের লোক। যে গোয়েন্দার রাজনৈতিক যড়যন্ত্র অপরাধ তদন্ত করে, এরা তারা। তা ছাড়া আপনার যাওয়ার কোন হেতুও নাই। গেলে আপনার অনিষ্ট হতে পারে। আপনি জমিদার; গভর্নেন্ট এর জন্তে অসন্তুষ্ট হবেন, আপনার উপর কৈফিয়ত চাইবেন, আপনাকে জবাবদিহি করতে হবে। যাওয়া তো মিথ্যে হবেই, তার উপর আমার ভাইয়ের জন্তে আপনার অনিষ্ট হোক, এ আমি চাই না। স্থস্থ থাকলে ইনি যেতেন—সে যেতেন শুধু ব্যাপারটা জানবার জ্ঞ।

স্বর্নবাবুও সন্তুষ্ট হয়ে গেলেন কথাগুলি শুনে। তাঁর স্ত্রী অভয়া মুখ্যা, অত্যন্ত কলহ প্রিয়, প্রচণ্ড দস্ত তাঁর। তাঁর রজনীদিহির কথাবার্তা অত্যন্ত তীক্ষ্ণ এবং সে কথাবার্তায় মর্মান্বার মিষ্ট আবরণের মধ্যে থাকে মর্মান্বিক প্রদাহক জ্বালা, সেও তিনি অনেক শুনেছেন। কিন্তু এই মেয়েটি সরল সহজ ভাষায় যে ভাবে তাঁকে তুচ্ছ ক’রে দিলে, এমন আর কখনও কেউ করে নি তাঁকে। তিনি উত্তর খুঁজে পেলেন না। স্কোভের মধ্যে তিনি একটি মাত্র পথ এবং উত্তর পেলেন, তাঁর সামনেই সিঁড়ির স্বরস্বাটা খোলা ছিল, সেই দিকে পা বাড়িয়ে তিনি বললেন, তা হ’লে আমি চললাম রাধাকান্ত।

রাধাকান্ত স্বর্নের কথার জবাব দিলেন না। দিলেন না নয়, দিতে পারলেন না। তিনি সন্তুষ্টবিশ্বয়ে স্ত্রীর মুখের দিকে তাকিয়ে ছিলেন। কাশীর বউ যখন প্রথমে স্পষ্ট কঠে ‘না’ বলে স্বর্নবাবুর কথার জবাব দিয়েছিলেন, তখন তাঁর মনে হয়েছিল, শহরের মেয়ের শিক্ষাদীক্ষাসমূহ স্পৃহিত স্বভাবের এটা অবশ্রস্বাস্তবী ফল। স্বর্নের মত সম্মানিত ব্যক্তির কথার উত্তরে, তিনি উপস্থিত থাকতেও, এ ধারায় সম্রাট ঘরের বধুর জবাব দেওয়া লক্ষ্মীহীনতার লক্ষণ; শহরের এক শিক্ষকের কন্যার সে সম্রাটজ্ঞান না থাকাই প্রমাণিত করলেন কাশীর বউ এবং পরমাশ্রমের কথা এই যে, তাঁর সমক্ষেই সে কথা প্রমাণ করলেন তিনি। কিন্তু পরের কথাগুলি শুনে সে বিশ্বয় তাঁর শতগুণ বড় হয়ে উঠল। মনে মনে তিনি স্বীকার করতে বাধ্য হলেন যে, নীরব লক্ষ্মীশীলতার গৌরব ও সে প্রশ্রয়-প্রতিষ্ঠিত সম্রাট বংশের যে সম্রাট, সে গৌরব এবং সম্রাটকে অতিক্রম ক’রে কাশীর বউ তার চেয়ে বড় গৌরব এবং সম্রাটের অধিকারিণী বলে প্রমাণ করলেন, প্রতিষ্ঠিত করলেন। শুধু স্বর্ন নয়, তিনিও নিজেই যেন ছোট বলে মনে করলেন শহরের এই দীপ্তিমতী মেয়েটির কাছে। কটি কথা এখনও তাঁর

কানের কাছে বাজছে।—‘এরা গভর্নেন্টের বিরুদ্ধে, হয়তো বা রাজার বিরুদ্ধে বড়স্বয়ং করেছে।’ দাশা-হাখামায় অবলীলাক্রমে মাল্লুস খুন করতে পারে এখানকার জমিদারেরা, সামাজিক বিরোধেও পারে, সমস্ত সমাজের সঙ্গে বিরোধিতা করতে পারে, সরকারের সঙ্গে স্ববিরোধ নিয়ে মামলা করতে পারে, কিন্তু স্বপ্নেও তারা রাজার বিরুদ্ধে বড়স্বয়ং করলনা করতে পারে না। কাশীর বউ অকম্পিত কঠে, দ্বান হ’লেও দৈবং হাসি হেসেই, কথাগুলি উচ্চারণ ক’রে গেলেন। তাঁর সমস্ত আধ্যাত্মিক বুদ্ধি ও অহুত্বিত দিয়ে যাচাই ক’রেও এই মেয়েটির শিক্ষা এবং দীকারকে অসত্য বা উজ্জ্বল মনে করতে পারলেন না। নিন্দার কিছু খুঁজে পেলেন না, শাসন করবার মত ঔদ্ধত্যের সন্ধান পেলেন না। তাঁর মনে হ’ল, আজ তিনি কাশীর বউকে নতুন ক’রে চিনছেন।

কাশীর বউ তাঁর স্থির বিস্মিত দৃষ্টির মিকে দৃষ্টি ফেরালেন এতক্ষণে, বললেন, আমার উপর রাগ করলে ?

রাধাকান্ত ঘাড় নেড়ে জানালেন, না।

কাশীর বউ বললেন, না বলে আমার উপায় ছিল না। তারপর কুণ্ঠিত হয়ে বললেন, কিছু মনে ক’রো না, এখানে ওসব আন্দোলন নাই, এখানকার লোকে ঠিক বুঝতে পারেন না সব। বেশ, স্বাধীনতা—এ সবের কোন ভাবনাই কখনও ভাবেন না, সায়েব-হুবায় একটু খাতির করলেই হাতে স্বর্ণ পান, ইংরেজ-রাজস্বকে অদুঃস্টের বিধান মনে করেন। স্বর্ণ-ঠাহুরপা ধানায় গিয়ে রবিকে কিণোরকে হয়তো পীড়ানীড়ি করতেন পোষ কবুল করতে। হয়তো তাদের ভিন্নস্বয়ং করতেন।

রাধাকান্ত বললেন, হ্যাঁ, কথাটা ঠিক, তুমি সত্য বলছে।

হঠাৎ নীচে জুতোর শব্দে স্বামী-স্ত্রী উভয়েই চকিত হয়ে উঠলেন। কয়েক-জনেই জুতোর শব্দ পাওয়া যাচ্ছে বাড়ির উঠানে; প্রথমত কঠস্বর পরিষ্কার ক’রে নিয়ে সাড়াও মিলেন আগ্রহকরা। মুশকিলের কথা, চাকর কেউও বাড়িতে নাই, সে গিয়েছে কবিরাজ মাখন দস্তের কাছে। ডাক্তারকে না পেয়ে কাশীর বউ কেটেই পাঠিয়েছেন কবিরাজের সন্ধানে। রাধাকান্ত নিজেই উঠতে চেষ্টা করলেন, কিন্তু কাশীর বউ বললেন, না। এ অবস্থায় তোমার ওঠা উচিত নয়।

রাধাকান্ত বললেন, কিন্তু কে এলেন, দেখতে হবে তো।

এখান থেকেই সাড়া দাও। আর যদি কিছু মনে না কর, তবে আমি জানিলা থেকে কথা বলতে পারি।

রাধাকান্ত ভাবছিলেন। ঠিক এই সময়েই কঠস্বর শোনা গেল, রাধাকান্ত-মামা!

চমকে উঠলেন রাধাকান্ত। গোপীচন্দ্রের কঠস্বর। সঙ্গে সঙ্গেই শিশুকঠের দ্বাব শোনা গেল, বাবার অস্থখ করেছে। শুয়ে আছেন। গৌরীকান্তের কঠস্বর। গৌরী বোধ হয় নীচে রয়েছে।

অস্থখ! কি প্রকার অস্থখ? কি নাম তোমার? হ্যাঁ হ্যাঁ, রাধাকান্তস্য পুত্র, গৌরীকান্ত বৃষ্টি! এই তো সভায় ছিলেন তিনি। এরই মধ্যে কি অস্থখ করল?—বংশলোচনের কঠস্বর।

বাবা অজ্ঞান হয়ে প’ড়ে গিয়েছিলেন।

বলিহারি বলিহারি! তা বলি, ভয়ে নাকি হে? না বাবা শিথিয়ে দিয়েছে ওই কথা বলতে ?

না। বাবা শুয়ে আছেন। মা মাথায় বাতাস করছেন।

তুমি মিছে কথা বলছ হে। ডাক তোমার বাবাকে।

গৌরীকান্ত এবার ক্ষুদ্র কঠস্বরে বলে উঠল, না। আমি মিথ্যে কথা বলি না। মা বায়ণ করেছেন। কেন মিথ্যে কথা বলব আমি ?

রাবণের বেটা মহিরাবণ, তার বেটা অহিরাবণ—মাতৃগর্ভ থেকে মাটিতে প’ড়েই যুদ্ধ করেছিল। বলিহারি বলিহারি।

চুপ করুন লচুকাকা। ছি, করছেন কি? বালকের সঙ্গে এ কি করছেন ?—কঠস্বর গোপীচন্দ্রের।

রাধাকান্ত বিচলিত হয়ে উঠেছিলেন। কাশীর বউ লক্ষ্য ক’রেই পাট থেকে নেমে প’ড়ে বললেন, তুমি উঠো না। আমি দেখছি। ওঁদের কি ডাকব ?

রাধাকান্ত বললেন, ডাক। কাশীর বউ বধু হয়ে কথা বলতে উত্তত হয়েছেন, এতে তিনি আর আপত্তি করলেন না।

কাশীর বউ জানলার ধারে এসে পীড়ালেন, সেখান থেকে অস্থচ অস্থচ স্পষ্ট কঠে বললেন, গৌরীকান্ত, ওঁদের উপরে নিয়ে এস। তাঁর নীচে নামবার শক্তি নাই এখন।

বংশলোচন থেকে গোপীচন্দ্র পর্বস্ত সকলেই স্তম্ভিত হয়ে গেলেন, বধুটির এই

ভাবে কথা বলা শুনে। লক্ষ্মীহীনতার জন্ত নিন্দা করবার জন্ত অন্তর শতমুখী হয়ে উঠেছে সকলের, এই সমাজপ্রচলিত রীতিপদ্ধতি লঙ্ঘন করার ঐক্যতা এবং স্পর্ধাও যেন এর মধ্যে স্পষ্ট হয়ে ফুটে বেরুচ্ছে আশ্রমের উত্তাপের মত, অথবা আশ্রম-ধরা দাছবস্ত্রের ধূমায়মান অবস্থায় ঘোঁয়ার মত, জ্বলে উঠে সে আশ্রম চারিদিকে ছড়াবে—এমন শব্দও মনে উকি মায়ছে সমাজপতিদের। কিন্তু তবু কোথায় রয়েছে সমস্ত কিছুই অন্তরালে অথবা সমস্ত কিছুকে ঢেকে এমন একটা মর্মান্বয় মহিমা, যাকে নিন্দা করা যায় না, শাসন করা যায় না, শুধু সন্ত্রম করে মাত্র করতে বাধ্য হতে হয়। তার উপর বহুটি যে পরিবারের বধু, সেই পরিবারের সন্ত্রম আছে। অস্ত্র কোন সাধারণ পরিবারের বউ হ'লে, বতই মর্বাদা থাকে না কানীর বউয়ের কর্ণধর ও কথা বলার ভঙ্গীতে, তাতে প্রাচীনতম জঘনিহার-বংশের বংশধর বংশলোচন তাকে শাসন করতে সূত্রিত হতেন না।

কানীর বউ আবার বললেন, তুমি আগে আগে এস গৌরী, সিঁড়িটা অন্ধকার।

ঠিক এই মুহূর্তেই কেটে চাকর এসে বাড়িতে ঢুকল, তার পিছনে কবিবাজ মাগন দস্ত। দস্তকে দেখে গোপীচন্দ্র চমকে উঠলেন। বংশলোচন ঈষৎ অপ্রতিভ হয়ে চকল হলেন। রাধাকান্তের অস্থখ তা হ'লে সত্য।

দস্ত বললেন, কেমন আছেন এখন?

গোপীচন্দ্র একটু ঈতস্তত করেই উত্তর দিলেন, এই আসছি আমরা। তবে বোধ হয় স্থস্থই আছেন। কি অস্থখ?

আমিও তো এই আসছি। স্তনলাম, অজ্ঞান হয়ে পড়েছিলেন। জ্ঞান হয়েছে। সেইটাই সুসংবোধ। নইলে—। মাথা নেড়ে দস্ত বললেন, ওটা ধারণ। অনেক সময়—

বংশলোচন বললেন, বার বার বলি আমি রাধাকান্তকে, ওহে, ভীষ্মের মত মেজাজ নিয়ে যুধিষ্ঠির সাজতে বেও না। কোথাকে চেপো না। রাগ চাপতে গিয়েই এমন হয়েছে। বুয়েছ কিনা, এ আমি হলফ করে বলতে পারি।

গোপীচন্দ্র বললেন, চলুন চলুন, দেখবেন চলুন। ডাক্তারকেও ডাকলে হয় না। সে তো ওখানে রয়েছে।

কেটে বললে, আজ্ঞে, তাঁকে ভেঁকেছিলাম প্রথমমই। তিনি আসতে পারেন নি। সায়েবরা রয়েছেন—

মাখন দস্ত বললেন, গীরা চিনি খান, তাঁদের চিন্তামণি তরঙ্গ গোপীচন্দ্রবাবু। মীনবন্ধু মীনদরিজ নিয়ে ব্যস্ত, তাঁরই বা অবসর কোথায়, আর চিনিখোরের তাকে ডাকলেই বা চলবে কেন? চলুন, দেখি, আমিই দেখি আগে।

গৌরীকান্ত বললে, আহুন।

গোপীচন্দ্র হঠাৎ তাকে কোলে তুলে নিলেন, পরম সমাধর করে তার পায়ে হাত বুলিয়ে বললেন, গৌরীকান্ত, মিথ্যা কথা বলে না, আমি জানি। একটা দীর্ঘনিশ্বাস ফেললেন তিনি।

শেষ রাজ্জে বিধানায় উঠে বললেন রাধাকান্ত। অল্পভব করলেন, অনেকটা স্থস্থ হয়েছেন। দস্ত কবিবাজ তাঁকে ঘূমাবার গুণ্য দিয়েছিলেন। কবিবাজ হ'লেও মাখন দস্ত অ্যালোপ্যাথি গুণ্য ব্যবহার করে থাকেন। বংশাজ্জক্রমিক চিকিৎসক তাঁরা। তাঁদের পূর্বপুরুষের আবিষ্কৃত অথবা বিশিষ্ট চিকিৎসক এবং পরিব্রাজক সাধু-সন্ন্যাসীদের কাছে সংগৃহীত অনেক অস্বার্থ ফলগ্রহ নিষ্কর গুণ্যও আছে। নাড়ীজ্ঞান এবং রোগনির্ণয়ে অসাধারণ বোধ। এ সব সখেও শহরে অ্যালোপ্যাথি গুণ্য এবং বিদেশী চিকিৎসাবিজ্ঞানের প্রচলনের সঙ্গে সঙ্গে মাখন দস্ত বাংলা ভাষায় কয়েকখানি অল্পবায়-বই কিনে অ্যালোপ্যাথি চিকিৎসা নিজেই শিখেছেন। শহরের ঢেউ নবগ্রামে এসে লাগবেই। এখানকার ভক্ত সন্ত্রান্ত সমাজ এ অঞ্চলের সর্বাগ্রে শহরের ধার্যধরনকে গ্রহণ করে থাকেন। কলকাতায় মেডিকেল কলেজ হয়েছে, স্থল হয়েছে, সেখানকার পাস-করা ডাক্তারেরা শহর এবং বর্ধিষ্ণু গ্রাম দেখে এসে বসতে আরম্ভ করেছে, কাজেই নবগ্রামে তাঁকে চিকিৎসক হিসাবে বেঁচে থাকতে হ'লে এ শিক্ষা তাঁকে আরম্ভ করতে হবে, এ বুদ্ধি তাঁর সহজেই হয়েছিল। রাধাকান্তকে দেখে তাঁকে তিনি ঘূমাবার গুণ্যই দিয়েছিলেন—অ্যালোপ্যাথিক গুণ্য। এবং ঘূম বতকণ্ণে আপনি না ভাঙে, ততক্ষণ তাঁকে ডেকে জাগাতে নিষেধ করেছিলেন।

রাধাকান্ত ঘূমিয়েছিলেন ঠিক সন্ধ্যার পরেই। জেগে উঠলেন শেষ রাজ্জে। তাঁর বাটের পাশের জানলাটির সমুখী আকাশের পশ্চিম প্রান্তে সপ্তর্ষি-মণ্ডল পাক ধরে ঘুরে খুলে পড়েছে। গ্রামের চাতিপাশের গাছপালাগুলির মাথায় ভোয়ের বাতাস লেগেছে মনে হচ্ছে। যুদ্ধ মর্ষর দস্ত জেগেছে যেন। পূর্ব দিকের আকাশ দেখা যায় না এদিক থেকে; ওদিকে এতক্ষণে পূর্বদক্ষিণ কোণে

শুকতার উঠেছে, পলে পলে সে দিগন্ত থেকে আকাশের উপরের দিকে উঠছে। ষাটের উপরে কাশীর বউ এবং গৌরীকান্ত প্রগাঢ় ঘুমে আচ্ছন্ন। কাশীর বউ অনেকটা রাত্রি পর্যন্ত জেগে বসে ছিলেন বামীর শিরে। তাঁর দিকে চেয়ে রাখাকান্তের মন ব্যথার ভরে উঠল। তাঁর জীবনের সঙ্গে জীবন জড়িয়ে রাজরানী হবার যোগ্য এই মেয়েটি শুধু দুঃখই পেলে। বহবার এ কথা তাঁর মনে হয়েছে। তাঁর ভায়ের মধ্যে প্রতি মাসে অন্তত একবার ক'রে কোন একটি ঘটনাকে অবলম্বন ক'রে এই মনোভাবে পুনরাবৃত্তি করেছেন। এই সেদিন বীরাষ্টমী ব্রত উপলক্ষে কাশীর বউ তাঁর কাছে এক শো টাকা চেয়েছিলেন, তাঁর অভিপ্রায় ছিল, গ্রামের সকল ছেলেদের তিনি খাওঘাবেন এবং ছোট বাঁশের লাঠিতে লোহার ফলা লাগিয়ে প্রত্যেককে এক-একটি বর্শা বা বল্লম দেন। রাখাকান্তের কাছে প্রত্যাহটা প্রথমে কেমন অস্বস্ত তৈরি হচ্ছিল; এই মেয়েটির অধিকাংশ কাজকর্ম, কথাবার্তা, বল্লম রাখাকান্তের কাছে বিশ্বাস্যকর মনে হয়, কিন্তু পরে ভেবে-চিন্তে বুঝে সেগুলি তাঁর কাছে বড় ভাল লাগে। মেয়েটির কল্পনার অভিনবত্ব, দীপ্তিময় তীক্ষ্ণতা তখন নতুন বিশ্বয়ে তাঁকে অভিভূত করে। বীরাষ্টমী ব্রতে এই প্রস্তাব প্রথমে রাখাকান্তের কাছে উদ্ভট মনে হ'লেও পরে তাঁর কাছে খুব ভাল লেগেছিল। কিন্তু হাতে টাকা ছিল না, স্বীয় সাধ তিনি সেইজন্য পূর্ণ করতে পারেন নাই। সেদিন তিনি ভায়েরিতে লিখেছিলেন, "নিজের অক্ষমতার জন্য সমস্ত জীবনই দুঃখভোগ করিতে হয়। তাহার জন্য দুঃখ নাই। ভাগ্য বিরাগ, কি করিব? কিন্তু কোনমতেই দুঃখকে সধরণ করিতে পারি না, লজ্জা অহুভব না করিয়া পারি না যে, বিবাহ করিয়া স্ত্রীপুত্রকে আমার দুঃখ ভোগ করিতে বাধ্য করিতেছি। আমার পত্নীর মত সর্গগণাভিতা নারী এ অঞ্চলে নাই। সে রাজরানী হইবার উপযুক্ত। রাজরানী হইলে তাহার গুণরাজি পূর্ণবিকাশ লাভ করিতে পারিত। আমার গৃহে যে কল্যাণ করিতে পারে, সেই কল্যাণ সে সমগ্র রাজ্যের ঘরে আনয়ন করিত। দরিদ্রের ঘরে সোনার প্রদীপ আসিয়া পড়িলে ঘৃত দূরে থাক তৈলাভাবেও তাহাতে আলোক প্রজ্জ্বলিত হয় না; সোনার প্রদীপ আক্কেপ করে না, কিন্তু দরিদ্রের মনোবেদনা কি উপায়ে নিবারিত হইবে? নিবারণ যিনি করিতে পারেন, তাঁহারই চরণ আমার ভবসা। তাঁহাকেই নিবেদন করিতেছি।" পুষ্কার পরই তিনি কলকাতার এক বন্ধুর কাছে পাঁচ

টাকা পাঠিয়ে বিলাতী বোড়োদোড়ের লটারির একখানি টিকিট কিনতে লিখেছেন।

আজও সেই কথাই তাঁর মনে জেগে উঠল। মেয়েটির ভাগ্যদোষ এবং ভাগ্যহীনতার মধ্যেও এইটাই তাঁর শ্রেষ্ঠ সৌভাগ্য যে, তাঁর সঙ্গে ওর ভাগ্য এবং জীবন জড়িয়ে গিয়েছে। শুধু তাঁরই নয়, নবগ্রামেরও সৌভাগ্য বলে তাঁর মনে হ'ল। মেয়েটির সর্বাঙ্গে লেগে কাশীর পুণ্যময় মুক্তিকা এসে নবগ্রামের মুক্তিকাকে সমৃদ্ধ করেছে। ওর শান্তি শিক্ষার দীপ্তি ও ক্ষুধারের সংঘর্ষে এখানকার মানুষের মনের লোহার মরচের স্তরে একটা ঘর্ষণ লেগেছে। তিনি নিজে—নিজেই কি তিনি কম দীপ্তি পেয়েছেন কাশীর বউয়ের কাছে?

তাঁর মনে পড়ল এখানকার একটি প্রৌঢ় ঐরিরগীর কথা। কাশীর বউকে বিবাহ করবার পূর্ব থেকেই অবশ্য তাঁর মনে নবগ্রামসমাজপ্রচলিত ভোগ-বিলাসের উচ্ছৃঙ্খলতায় বিতৃষ্ণা জন্মেছিল। তিনি নিজেকে সংযত করার চেষ্টা করছিলেন। কাশীর বউকে বিবাহ ক'রে তিনি সত্য বল পেলেন। সমস্ত উচ্ছৃঙ্খলতা পরিত্যাগ ক'রে শাস্ত্র নিয়ে পড়লেন। তাতেও প্রেরণা দিয়েছিল কাশীর বউয়ের পড়ার নেশা। তখন ওই ঐরিরগীট দেখতে এসেছিল কাশীর বউকে। বলেছিল, দাঁতাল হাতীর শিঠের মাহততকে দেখতে এসেছি।

তাঁর সম্পদ থাকলে আজ ওই মেয়েটিকে পাশে নিয়ে নবগ্রামের মুখ ফেরাতে পারতেন এই দক্ষিণপাড়ার দিকে। যে মুখ আজ ফিরল ওই পতিত প্রান্তরের দিকে গোপীচন্দ্রের অর্চনায়, সে মুখ এই দিকে ফিরত। কিন্তু সে হ'ল না। পৃথিবীর সেবায় পাখি মূলধন নাই তাঁর। তবু তাঁর জীবনে অপাখি বস্তুর দিকে অস্থিরতা এসেছে। সেও এই এরই কল্যাণে।

অনেকক্ষণ শুক হয়ে তিনি চেয়ে রইলেন আকাশের দিকে। ধীরে ধীরে আলো ফুটছে, আকাশের তারা মিলিয়ে আসছে। পাখিরা কলরব ক'রে একবার ভেঙে উঠল। আবার ডাকল। মনে মনে তিনি স্তবপাঠ শুরু করলেন। হঠাৎ ষাটের উপর শব্দ হতেই পিছন ফিরে দেখলেন, গৌরীকান্ত উঠে বসে তাঁর দিকে শ্মিতমুখে চেয়ে আছে। রাখাকান্ত সম্বন্ধে হাসলেন। স্তবপাঠ তিনি তুলে গেলেন। মনে হ'ল, তাঁর এবং কাশীর বউয়ের মিলিত জীবনদায়ার থেকে এই মূঢ়ন ধারাটি, এ কি নবগ্রামে সার্থকতা লাভ করতে পারবে না? পারবে, নিশ্চয় পারবে।

যথ গৌপীচন্দ্র আজই তাঁর কাছে ব'লে গেছেন সে কথা। শুক্র হয়েই শুয়ে ছিলেন রাধাকান্ত, তিনি তীব্রদৃষ্টিতে প্রত্যেককে লক্ষ্য করছিলেন। গৌপীচন্দ্র কথাটা বলার পর দীর্ঘনিশ্বাস ফেলেছিলেন, এ কথা তাঁর স্পষ্ট মনে পড়ছে। অস্ত্রের চোখ এড়াতেও তাঁর চোখ এড়ায় নাই।

গৌপীচন্দ্র কিছু বলবার জ্ঞান এসেছিলেন। কিন্তু তাঁর অস্থস্থতা দেখে সে কথা গোপন ক'রে বললেন, আপনার অস্থস্থ শুনেই এলাম।

বংশলোচন কিছু বলতেই চেয়েছিলেন, তিনি নিরন্ত হতে চান নি, গৌপীচন্দ্র ইঙ্গিতে তাঁকে নিষেধ করেছেন—সেও তাঁর দৃষ্টি এড়ায় নাই। তা ছাড়া, তাঁকে দেখতেই যদি এসেছিলেন, তাঁর অস্থস্থতার সংবাদই যদি জানতেন, তবে বংশলোচন গৌরীকান্তকে 'বাবার অস্থস্থ, বাবা বলতে শিখিয়ে দিয়েছে নাকি হে?' এ কথাই বা বললেন কেন? বক্তব্য নিশ্চয় কিছু ছিল। এবং সে বক্তব্য অবশ্যই অপ্রিয়, কারণ প্রিয় বক্তব্য হ'লে বলতে বাধা ছিল না। গৌপীচন্দ্রের ভাবে উদ্বীণে কণ্ঠধরে অস্বাভাবিক গুচ্ছতাও তিনি লক্ষ্য করেছেন। কথাটা যে কি, অস্থস্থ করতে গিয়ে বার বার তাঁর মনে হয়েছে, কথাটা রবিকে নিয়ে নিশ্চয়। রবি তাঁর স্বামী, তার অপরাধের জ্ঞান সম্ভবত তাঁকেই কিছু বলতে এসেছিলেন। তিনি ছাড়া আর কাকেই বা বলবে লোকে? কিন্তু কি বলতে এসেছিলেন? এমন ক্ষেত্রে সামাজিক নিয়ম অস্থস্থারে তাঁর পরিবারের প্রতি সহায়ত্ব জ্ঞতি দেখানোই রীতি ও বিধি। অথচ সহায়ত্বজ্ঞতির স্বর তো সমস্ত আলাপের মধ্যে ক্ষীণতম ধ্বনিতেও বেজে উঠল না। আরও একটা কথা মনে পড়ল তাঁর। বংশলোচন ব'লে গেছেন কথাশ্রমসঙ্গে কামিশনার সাহেব গৌপীচন্দ্রকে বলেছেন, এখানকার ডালমন্দ সমস্ত কিছুই রাখিবে তোমার, গৌপীচন্দ্রবাবু। আমরা দায়ী করব তোমাকে। গৌপীচন্দ্র বলে, ভাল করবার ভার নিতে পারি, মন্দ কেউ করলে তার দায় আমি পূর্ব কি ক'রে? আমি বলি, তা পূরতে হবে। রামচন্দ্রের রাজস্ব শুল্ক তপসত্রা করেছিল, সেই পাশে ব্রাহ্মণের ছেলের অকালমৃত্যু ঘটল। ব্রাহ্মণ দায়ী করলে রামচন্দ্রকে। রামচন্দ্রকে প্রতিকার করতে শুল্ক তপস্বীকে বধ করতে হয়েছিল। তোমাকেও তাই করতে হবে।

গৌপীচন্দ্র বংশলোচনকে নিরন্ত করেছিলেন, না হ'লে বংশলোচন কথাটা বলতেন। কথাগুলি তখন শুনে রাধাকান্তের মনে হয়েছিল, গৌপীচন্দ্রের

ম্যানেজারবাবু মনিবের বিজ্ঞাপন ঘোষণা করছেন। কামিশনার সাহেব আজ শান্তব্য-চিকিৎসালয়ের ঘর দেখে অসন্তুষ্ট হয়ে দাতব্য-চিকিৎসালয়ের ঘরোদঘাটন করেন নি, রুগভাবেই অসন্তোষ প্রকাশ করেছেন, সেই কথাটা ঢাকছেন এমন ধারার বিজ্ঞাপনের চটক দিয়ে। কিন্তু এই মুহূর্তে মনে হ'ল, না। কথাটার অর্থ আছে। হয়তো—

শুল্ক তপস্বী ব'লে গেলেন বংশলোচন তাঁকেই। ধারণাটা মুহূর্তে তাঁর মনে সত্য হয়ে উঠল। সঙ্গে সঙ্গে মাথার ভিতরটা যেন ঝিমঝিম করে আবার ঘুরে গেল। তিনি দু হাতে জানলার গরাদে ধ'রে আয়তস্বরণ করলেন। তিনি ডাকতে বাঙ্কিলেন কাশীর বউকে, কিন্তু তার পূর্বেই কেউ বাড়ির নীচের রাস্তা থেকে তাঁকে ডাকলে, কে দাঁড়িয়ে? রাধাকান্তবাবু?

সামলে নিয়ে তিনি উত্তর দিলেন, কে?
আমি, ডাক্তার। কেমন আছেন? কাল কোন রকমেই আসতে পারলাম না।

ডাক্তার! এই ভোরবেলা কোথায় গিয়েছিলে?
বাগুকে দেখতে।
বাগুকে? ও, গৌপীচন্দ্রবাবুকে! সে কি! কি হ'ল তাঁর?
ভায়রিয়া। খুব বেশি রকমই হয়েছে।

ভায়রিয়া?
হ্যাঁ। ব্যাপারটা শক্ত। কাল ষাণ্ডামাণ্ডায়ার অনাচার হয়েছে।
রাধাকান্ত উত্তর দিলেন না। চুপ ক'রে রইলেন। শব্দরাচারের মোহ-মুগ্ধতার একটি কলি তাঁর মনে প'ড়ে গিয়েছিল, মা কুক খনজনঘৌবন পর্বৎ ঃ হরতি নিমেমাং কালঃ সর্বৎ।

ডাক্তার বললেন, এখন চলি। সকালে আসব। বলব, অনেক কথা আছে। হ্যাঁ, আর একটা কথা ব'লে যাই। গলা চেপে তিনি বললেন, কলকাতার সি. আই. ডি. আজ সকালে আপনার এখানে আসবে। সম্ভবত—
কি?

সম্ভবত বউঠাকরুণের একটা এজাহার নেবেন। একটু সাহস দিয়ে তাঁকে তৈরি ক'রে রাখবেন।

রাধাকান্ত ধীরে ধীরে ব'লে পড়লেন জানলার গরাদে ধ'রে। গৌরীকান্ত

খাট থেকে বুলে প'ড়ে নেমে তাঁর কাছে এসে ছোট ছুটি হাত দিয়ে গলা জড়িয়ে ধ'রে ডাকলে, বাবা! বাবা!

দিন পনরো পর।

বাধাকান্ত সেই জানলারি ধারেই ব'সে ছিলেন। সবল বিশাল দেহখানি তাঁর শীর্ণ হয়ে গিয়েছে এই কয়েকদিনের মধ্যেই। আবারও তিনি অজ্ঞান হয়ে পড়েছিলেন সেদিন ভোরে। কাশীর বউ সম্পর্কে মনকে তিনি যথাযথ উদার ক'রেও, কলকাতার সি.আই.ডি. এসে তাঁর এজাহার নেবে—এ কল্পনা তিনি সছ করতে পারেন নি। কোন রকমে তিনি বেঁচে উঠেছেন বটে, কিন্তু কবিবাহু আশঙ্কা করেন, হয়তো কর্মক্ষম আর হবেন না তিনি। এ ডাঙা শরীর আর সুস্থ হবে না। এ কয়েকদিন বিছানাতেই তিনি আবদ্ধ ছিলেন, আজ উঠে এসে জানলার ধারে বসেছেন। আজ দিনটি নবগ্রামে বিশেষভাবে গুরুত্বপূর্ণ হয়ে উঠেছে। দুদিন আগে থেকেই একটা বাদলা নেমেছে। আকাশ মেঘাচ্ছন্ন, রিমিঝিমি বৃষ্টি পড়ছে। চৈত্রের শেষ। বসন্তের বাতাস মোড় ফিরিয়ে উত্তর দিক থেকে বইছে, নতুন ক'রে শীতের আমেজ দেখা দিয়েছে। তবু এরাই মধ্যে লোকজনের ভিড়ের আর অস্ত নাই। উৎসুক হয়ে মেয়েরা এসে জমছে বাধাকান্তের বাড়ির পাশের চতৌমওপে। পুকুরেরাও আসছে, কিন্তু তাদের বলা হচ্ছে, পুরুষেরা স্থলভাঙায় যাব।

অস্থ গোপীচন্দ্র চিকিৎসায় জঙ্গ কলকাতায় যাচ্ছেন। ডায়রিয়ার আক্রমণ থেকে কোন রকমে তিনি বেঁচে উঠলেন, কিন্তু তা থেকে আশায় আরস্ত হয়েছে। সে আশায় কোন রকমেই কমছে না। এখানকার চিকিৎসকেরা শঙ্কিত হয়েছেন, নিজেদের চিকিৎসায় রাখতে ভরসা করছেন না। তাই কলকাতায় যাচ্ছেন চিকিৎসায় জঙ্গ। টেনে রাখে, কিন্তু যাত্রার শুভক্ষণ সকলেই সর্বোত্তম ব'লে এখনই যাত্রা ক'রে তিনি ভিতর-বাড়ি থেকে রওনা হয়ে সমস্ত দিনটা বিদ্রাম করবেন তাঁর নিজের কীর্তিভূমি গুই স্থলভাঙায়। সেখান থেকে রাখে যোড়ার গাড়িতে যাত্রা করবেন টেনে ধরতে। এ যাত্রার মধ্যে চারিদিকে একটা নৈরাশ্ব ঘনিবে উঠেছে। লোকে দলে দলে তাঁর যাত্রা দেখতে আসছে, যেন তিনি আর ফিরবেন না। তাই বাধাকান্তও আজ এসে বসেছেন এই জানলার ধারে। গোপীচন্দ্র মহাভাগ্যবান, ভগবানের অহুগুহীত, বহু পুণ্যে

পুণ্যবান ব্যক্তি। মহাপুরুষ বলতেও আপত্তি নাই। এ নবগ্রামের ইতিহাসে তিনি নিঃসন্দেহে মহাপুরুষ। তাঁকে দেখবেন বইকি।

আকাশ মেঘনান।

বাধাকান্তের মনে হ'ল, নবগ্রামের ভাগ্যাকাশের প্রতিচ্ছবি ফুটে উঠেছে আকাশে। নীচে মুহূ কলরব উঠছে। সমবেত লোকেরা মুহু গুঞ্জে নবগ্রামের স্বয়ংর বেদনা প্রকাশ করছে। তিনি বেদিন যাবেন, সেদিন নবগ্রাম কতখানি বেদনা প্রকাশ করবে, কে জানে? হঠাৎ তাঁর মনে পড়ল আর এক দিনের কথা। গোপীচন্দ্রের কীর্তিস্তম্ভের স্থচনা হয়েছিল সেই দিনটিতেই, কুলীনপাড়ায় কৃষ্ণ চাটুজ্জে সজনে বেছায় সর্ব্ব ভ্যাগ ক'রে হাসিমুখে মৃত্যুকামনায় কাশীযাত্রা করেছিলেন সেদিন। বর্ষার শেষ ছিল সমগ্রটা। শরতের প্রারস্ত। শরতের প্রসন্ন রৌদ্রোজ্জ্বল দিন ছিল। মধ্যে মধ্যে লঘু মেঘ দেখা যাচ্ছিল বটে, কিন্তু কোন স্বারী ছায়ার বিষন্নতায় বিষন্ন ক'রে তুলতে পারে নি। মাহুধও এসেছিল দলে দলে, গ্রাম গ্রামান্তর থেকে। হিন্দু এসেছিল, মুসলমান এসেছিল। প্রত্যেকেরই মুখে গুই রৌদ্রোজ্জ্বল দিনের প্রসন্নতা ফুটে উঠেছিল। মৃত্যুর মধ্যে যে অভয় অহুভব করেছিলেন কৃষ্ণ চাটুজ্জে, পার্থিব সমস্ত কিছুই নখরতার অতীত অবিনশ্বর মৃত্যুর মুক্তার মধ্যে অমৃতের যে স্পর্শ পেয়েছিলেন সেকালের সে বৃদ্ধ, তারই প্রতিবিম্ব যেন প্রতিভাত হয়ে উঠেছিল সকল পটভূমিতে, সকল পায়ে সর্ব্ব অব্যব—সেদিনের উদয়কাল থেকে অস্তকাল পর্যন্ত সকল ক্ষণটি পরিব্যাপ্ত ক'রে, জলে প্রতিবিম্বিত সূর্যের জ্যোতির প্রতিচ্ছটা যেমন তীরবর্তী তরুশীর্ষকে উজ্জ্বলতর উষ্ণতর ক'রে তোলে, তেমনিই ভাবে।

বাধাকান্তের একান্ত প্রার্থনা দেখরের কাছে, তিনি যেন তেমনিই প্রসন্ন উজ্জ্বলতার অভয় দীপ্তি মাহুধের মুখে ফুটিয়ে তুলে যেতে পারেন। যেতে তাঁকে অচিরেই হবে। সে তিনি যেন অহুভব করছেন।

"যেতে তাঁকে অচিরেই হবে"? ব্যাকরণ-নির্ণয়ে তুল হয়েছে। তাঁর নিজের মুখেই হাসি ফুটে উঠল। আর ভবিষ্যৎ কাল কেন?—এই কি বর্তমানতার লক্ষণ? মৃত বনস্পতির কাণ্ডটা মাহুধ কবে কেটে অগ্নিস্থাৎ করবে, তারই অপেক্ষায় বনস্পতিকে কি বর্তমান বলা যায়?

মনে পড়ল মাখন দস্তের কথা—মরতে আমরাই মরলাম রাখাকান্তবাবু।
গীতার মোহগ্রস্ত পার্থকে পার্থনারিথি বলেছিলেন, ওই যে কুকুগৈত্র, যাঁদের
বধ করতে হবে বলে তুমি শোকপরাধন হয়েছ, তাদের দিকে ভাল করে চেয়ে
দেখ, তারা আশা কর্তৃক পূর্ব থেকেই বিগতপ্রাণ হয়ে রয়েছে। তারা মৃত।

কাল তাঁকে, শুধু তাঁকে নয়, এই নবগ্রামের বর্তমানকেই নিঃশেষিতপ্রাণ
করেছে তাদের অজ্ঞাতসারে। অরণ্যের মৃত বৃক্ষকাণ্ডগুলি শুধু মৃত্তিকালগ্ন
হয়ে পিঁড়িয়ে রয়েছে চিত্রকরের আঁকা চিত্রের অরণ্যের মত। মৃত বৃক্ষের
মূলজাল শুধু মাটির মধ্যে নবজাতকদের মূল বিস্তারে বাধা দিচ্ছে। কোন কোন
গাছে হয়তো দু-চারটি শাভা এখনও অবশিষ্ট আছে, কিন্তু আর কিছু নাই,
বুড়িও নাই, ফুলও ধরে না, ফল তো দূরের কথা। তারাও কি জীবিত, তাদের
ব্যাকরণ-নির্ণয়ে বর্তমান বালা চলে ?

নীচে চতৌষপে অক্ষম্মা সব যেন শুক হয়ে গেল। শুকতার আকস্মিকতার
রাধাকান্তের চিন্তাময় মন চকিত হয়ে উঠল। এই শুকতাই গোপীচন্দ্রের
বাজারস্তের ইঙ্গিত। তাঁকে নিশ্চয় দেখা গেছে। সম্ভবত বাড়ি থেকে তিনি
বেরিয়েছেন।

কয়েক মিনিটের মধ্যেই একখানি পাঙ্কি এসে চতৌষপের সামনে দাঁড়াল।
পাঙ্কির মধ্যে গোপীচন্দ্রের গোরবর্ণ দীর্ঘ হাতখানি দেখতে পেলেন রাখাকান্ত।

পাঙ্কি নামানো হ'ল। গোপীচন্দ্র ধীরে ধীরে বেরিয়ে এলেন পাঙ্কি থেকে।
কৌতুহলে ও ছোট ছেলে পবিত্রের কাঁধে ভর দিয়ে তিনি উঠে দাঁড়ালেন।
সকলকে হাত জোড় করে নমস্কার জানালেন। দেবমন্দিরগুলিতে প্রণাম
করলেন। পাড়ায় মেয়েরা পিঁড়িয়ে ছিলেন এক দিকে, তাঁদের মধ্য থেকে
স্বর্ণবাবুর জ্ঞাতিভগ্নী দুর্দান্ত অমূল্যের মা এগিয়ে এসে একটি আশীর্বাদী ফুল
তাঁর মাথায় ঠেকিয়ে দিয়ে বললেন, শিগগির শিগগির ভাল হয়ে ফিরে আসুন।

গোপীচন্দ্র ক্লান্ত কণ্ঠে বললেন, আশীর্বাদ করুন আপনারা।

আশীর্বাদ করছি অহরহ। শতবার। অস্থখ শুনে থেকে দেবদেবীকে
জাকছি, বলছি, ভাল করে দাও মা, ভাল করে দাও বাবা, নবগ্রামের আশা-
ভঙ্গনা নবগ্রামের কল্পবৃক্ষ আমাধের গোপীচন্দ্র—তাঁকে হুহু করে দাও। ইহুলা
করেছ, ডাক্তারখানা করলে, বোডিং করলে, ডুমি বেঁচে থাকলে আরও অনেক
অনেক হবে, অনেক পাবে নবগ্রাম। নবগ্রাম কেন, সমস্ত অঞ্চলের লোক।

গোপীচন্দ্র জান হেসে বললেন, ইচ্ছে অনেকই আছে দিদি। সবই উগবানের
ইচ্ছা। ফিরি তো হবে।

ফিরবে বইকি। আবারবৃন্দবিনিতা প্রাণ ভরে ডাকছে উগবানকে।
তিনি কি শুনবেন না!

গোপীচন্দ্র বললেন, তাঁর ইচ্ছা। তবে যদি না ফিরি, তবু আটকে থাকবে
না। ছেলেদের বলে গেলাম। বাবার আগে, গ্রামের সকলকে ডেকে,
সকলের সামনে তাদের বলে যাব।—আমার বাবার নামে টোল হবে, বালিকা-
বিশ্বালায় হবে।

রজনী-ঠাকরণ এবার এগিয়ে এসে বললেন, ওই ব্যবস্থাটি করবেন না দাদা।
লেখাপড়ার সঙ্গে শহরের ফ্যাশান এসে ঢুকবে, মেয়েরা ছুই মিলিয়ে চতুর্ভুজ
হবে। চতুর্ভুজ হ'লে যে কি হয়, সে তো খটকে দেখলেন।

রজনী-ঠাকরণ আঙুল দিয়ে সর্বসমক্ষে দেখিয়ে দিলেন রাখাকান্তের বাড়ি,
কারও বুঝতে পারি রইল না যে, তিনি কান্দীর বউয়ের কথা বলছেন। গোপীচন্দ্র
ওই নির্দেশে রাখাকান্তের বাড়ির দিকে চাইতেই তাঁর দৃষ্টি পড়ল রাখাকান্তের
উপর।

রাখাকান্ত একটু হাসলেন।

গোপীচন্দ্র বললেন, রাখাকান্তমামা, আমি চিকিৎসার জন্ত যাচ্ছি।
আশীর্বাদ করুন। যদি—। জান হেসে তিনি খেমে গেলেন। তারপর
বললেন, তা হ'লে ছেলেরা রইল, দেখবেন।

রাখাকান্ত গরবে ধরে উঠে দাঁড়ালেন। বললেন, বেঁচে থাকলে দেখব
বইকি। তবে, বনের সিংহই দেখে অপর জীবন্তের, সিংহের পরে সিংহশাবক
শিশু হ'লেও তাকে দেখবার যোগ্যতা তাদের থাকে না। ছেলেদের বয়স
বলে যান, যদিই কোন আশঙ্কা হয় মনে, যেন তারা গ্রামবাসীদের দেখে।

গোপীচন্দ্র এ কথাই কোন উত্তর দিলেন না।

রাখাকান্ত বললেন, কায়মনোবাক্যে কামনা করছি, আপনি অচিরে হুহু
হয়ে ফিরে আসুন।

গোপীচন্দ্র গিয়ে পাঙ্কিতে চড়লেন। পাঙ্কি উঠল। দূরে গাভ্রনের ঢাক
বাজছে। চৈত্র-সংক্রান্তির আর বিলম্ব নাই। রাখাকান্ত ফিরে এসে বিছানায়
বসলেন। হঠাৎ মনে হ'ল, গোপীচন্দ্র পাঙ্কিতে চেপে গেলেন, ওই গাভ্রনের

টাকের বাজসমারোহের মধ্যে, যেন একটা খণ্ড কালের মহেশ্বরের মত। হাতেও জপমালা ঘুরিয়ে এখানকার প্রতিটি দিনকে নিয়ন্ত্রণ করেছেন। তাঁর সাধনায় তাঁর কীর্তির অটোম্যাটিক বেয়ে এই যুগের ধারা নবগ্রামের বৃক্ক সকল পাপ-মোচনের মহিমায় মহিমময়ী গলার মত প্রবাহিত হয়ে রইল।

কানীর বউ এসে দাঁড়ালেন।

রাধাকান্ত সপ্রশ্ন দৃষ্টিতে চেয়ে মুহূর্তের বললেন, কিছু বলছ ?

মুহূর্তেরই কানীর বউ বললেন, বোড়শী এসেছে। সে তোমার সঙ্গে দেখা করতে চায়।

কে? বোড়শী? বোড়শী?

হ্যাঁ। সেই।

রাধাকান্ত চকল হয়ে উঠলেন, বললেন, না না।

সেই মুহূর্তেই বোড়শী ঘরের দোরের মুখে এসে দাঁড়াল। বললে, তাড়িয়ে দিলেও তো আমি যাব না বাবা। আপনি ছাড়া তো আমার এ কাজ হবে না। সে ঘরের মধ্যে এসে ঢুকল বিনা অহমতিতেই। ভূমিষ্ঠ হয়ে প্রণাম কর'রে বললে, ছোঁব না আপনাকে। কিছু পায়ে ধুলো নিতে বড় সাধ ছিল।

কানীর বউ বললেন, ও কিছু টাকা নিয়ে এসেছে। কিশোরের মকদ্দমায় ধরচের অস্ত্রে দিতে এসেছে। টাকাটা তোমার হাতে দিতে চায়।

রাধাকান্ত বোড়শীর মুখের দিকে চেয়ে রইলেন স্থির দৃষ্টিতে।

ক্রমশ

ভারশঙ্কর বন্দ্যোপাধ্যায়

সংবাদ-সাহিত্য

১৯৩৮ খ্রীষ্টাব্দের জুন মাসে আমরা স্বাধীন হইব, মুখ-খ্যাতলানো ব্রিটিশ-সম্পর্ক হ্রস্বনিবিড় লেজ-বন্ধন ওই সময়ে সম্পূর্ণ শিথিল হইয়া থগিয়া পড়িবে। হাতে সময় আর বড় বেশি নাই, মাত্র এক বৎসর চার মাস। আমাদেরিগকে খুব দ্রুত তালিম লইতে হইবে। স্বামী-খসুরপরিভক্ত্য মাতৃহীনা অনাখ্য প্রহুঙ্ককে রাজস্বাগী দেবী চৌধুরাণী বানাইতে দস্থ্যনেতা গুরু ভবানী পাঠকের পূর্বা পাঁচ বৎসরের কঠোর শিক্ষার প্রয়োজন হইয়াছিল; তাহার পর কর্মশিক্ষা অর্থাৎ প্র্যাকটিক্যাল ট্রেনিং চলিয়াছিল পাঁচ বৎসর। গত পৌণে, চার বছর

ধরিয়া আমাদেরও রাজস্বাগিরি তালিম আরম্ভ হইয়াছে। প্রফুল্লের অরণ্য-পরিবেশ ছিল। গত তেতাশ্লিশ সাল হইতে আমাদেরও আশেপাশে চতুর্দিকে হিংস্র স্বাপদসম্প্রদায় যে ভাবে নির্ভয়ে বিচরণ করিয়া ফিরিতেছে, আমাদেরই বা অরণ্যের বাকি কি আছে! আধুনিক দস্থ্যনেতা ভবানী পাঠকের সম্প্রদায় আমাদেরিগকে কুঙ্ক শিখাইবার যে "বাধ্যতামূলক" বন্দোবস্ত করিতেছেন, তাহাতে আমাদের বাদশাহী পুংস্বার আরও ত্বরান্বিত হইবার কথা। সম্ভবত আমাদের দাসত্ব-সংস্কার অধিকতর মজাগত বলিয়া শিক্ষা তেমন দ্রুত ফলবন্তী হইতেছে না। বিশ্বাস না হয়, বন্ধিমচন্দ্র হইতে প্রফুল্লের শিক্ষার কাবিফুলাম আজিকার শিক্ষাপদ্ধতির সহিত মিলাইয়া দেখুন। আমরা তুলিয়া দেখাইতেছি।

"প্রথম বৎসর আহােরের অল্প ভবানী ঠাকুর ব্যবস্থা করিয়াছিলেন—মোটী চাউল, সৈন্দব, ঘি ও কাঁচকলা। আর কিছুই না। দ্বিতীয় বৎসরে কেবল হুন লকা ভাত আর একাদশীতে মাছ। তৃতীয় বৎসরে নিশির প্রতি আদেশ হইল, ভূমি ছানা, সন্দেশ, ঘৃত, মাখন, ক্ষীর, ননী, ফল, মূল, অন্ন, বাঞ্জন উক্তমরুপে খাইবে, প্রফুল্লের হুন লকা ভাত। দুইজননে একজন বসিয়া খাইবে।"

আইনত চতুর্থ বৎসরে প্রফুল্লের অর্থাৎ আমাদের "উপাদেয় ভোজ্য খাইবার" কথা, কিন্তু আমাদের হুনলকাভাতই চলিতেছে, ভাতে আবার অর্ধেক কাঁচক। নিশিবা কিন্তু ষধানিনির্দিষ্ট ঘৃত মাখন ছত্রিশ বাঞ্জন পাইতেছে।

"পরিধাননে প্রথম বৎসরে চারিখানা কাপড়। দ্বিতীয় বৎসরে ছইখানা। তৃতীয় বৎসরে গ্রীষ্মকালে একখানা মোটাগড়, অদে শুকাইতে হয়, শীতকালে একখানি ঢাকাই মলমল, অদে শুকাইয়া লইতে হয়।"

তাহাই করিয়া আসিতেছি, কিন্তু চতুর্থ বৎসরের "পাট কাপড়, ঢাকাই কদাধার শাস্ত্রপুরে" জুটিতেছে না।

"কেশবিন্দ্ৰাস সত্বদেও ব্রহ্মপ। প্রথম বৎসরে তৈল নিষেধ, চুল রক্ষণ-বাধিতে হইত। দ্বিতীয় বৎসরে চুল বাঁধাও নিষেধ। দিনরাত্রি রক্ষ চুলের রাশি আলুলায়িত থাকিত। তৃতীয় বৎসরে ভরানীঠাকুরের আদেশ অহুসারে: সে মাথা মুড়াইল।"

আমরাও মাথা মুড়াইয়াছি, কিন্তু "ভবানী ঠাকুরের আদেশে কেশ গন্ধতৈল দ্বারা নিবিক্ত করিয়া সর্বদা রঞ্জিত" করিতে পাইতেছি না। "প্রথম বৎসরে তুলার ভোষক তুলার বালিশ, দ্বিতীয় বৎসরে বিচালীর বালিশ, বিচালীর

বিজ্ঞান, তৃতীয় বৎসরে কুমিশ্রণ।" এখনও কুমিশ্রণই চলিতেছে, "কোমল কুম্ভকেননিতশযা" ছুটিল না।

না ছুটুক, তবু আমরা রাজা হইব। চারচিলের অন্তত চীংকারসঙ্গেও আমরা রাজা হইব; সমগ্র দেশব্যাপী আমাদের এই বিপুল কুচ্ছ সাধনা কখনই বিফলে যাইবে না। মারেরা ডিসপোজালের এগ-বীজ-হাম-চীজ-বাটার-বিক্রিট লইয়া আমাদেরকে যতই প্রলুব্ধ করুক, এই কয়েক বৎসরের কঠোর শিক্ষার পর আমাদের আর মার নাই।

আমাদের দেশে নানাভাবে শিক্ষা-সংস্কার আরম্ভ হইতে চলিয়াছে। সারা ভারতবর্ষে যুদ্ধান্তর পরিকল্পনার সার্জেন্ট সাহেবের নির্দেশ অস্থায়ী একটা ওলট-পালট হইবার কথা। বাংলা দেশেও ইসলামিক শিক্ষার জগ্গ বিপুল বরাদ্দের কথা শুনিতেছি। অজ্ঞতার (৮.৩.৭৭) সংবাদপত্রে দেখিলাম, গতকলা রাজসাহীতে বাংলার প্রধান মন্ত্রী ঘোষণা করিয়াছেন যে, এই বৎসরে মুসলিম শিক্ষার জগ্গ ৮৭ লক্ষ টাকা বরাদ্দ হইয়াছে, আগামী বৎসরে উহা বাড়াইয়া পনরো লক্ষ করা হইবে। দেশের অশিক্ষিত অজ্ঞানদের শিক্ষিত করিয়া তুলিবার এই প্রচেষ্টাকে বাংলা দেশের আপামরজনসাধারণ সানন্দে সমর্থন করিবেন; কারণ কোনও শিক্ষাই শেষ পর্যন্ত অনিষ্টকর হইতে পারে না। কিন্তু ত্রুণের বিষয়, যে কঠোর শিক্ষা আমাদের বর্তমান মৈনন্দিম জীবনসংগ্রামে একান্ত প্রয়োজন তাহার জগ্গ কোনও বরাদ্দই আমাদের সহায় ও চিন্তাশীল শাসনকর্তার কমন নাই। সে শিক্ষা ব্যতিরেকে বর্তমান রাষ্ট্র ও সমাজ-ব্যবস্থায় আমাদের বাঁচিবার কোনও উপায় নাই, ইহাই হইবে আমাদের সত্যকার প্রাথমিক শিক্ষা এবং নিতান্ত শিশুবয়স হইতেই "বাধ্যতা-মূলক"ভাবে দেশের যাবতীয় ছাত্র-ছাত্রীকে এই শিক্ষা দিতে হইবে। 'বর্ধপরিচয়' বোধোদয়ের সঙ্গে সঙ্গে আমরা যাহাতে ব্যাপকভাবে এই শিক্ষার শিক্ষিত হইতে পারি, এখন সর্বাগ্রে তাহারই চেষ্টা করিতে হইবে।

যে শিক্ষার কথা আমরা বলিতেছি, তাহা সম্পূর্ণ নূতন না হইলেও আধুনিক, গত পাঁচ সাত বৎসরের মধ্যে নগরবাসী সকলেই এই শিক্ষার প্রয়োজনীয়তা অনুভব করিয়া ব্যক্তিগত অথবা পরিবারগতভাবে প্রত্যেকেই স্ব স্ব বুদ্ধি ও কৌশল অস্থায়ী নিজেদের শিক্ষিত করিয়া তুলিতেছেন। ফলে কাজ কিছু

অগ্রসর হইয়াছে সন্দেহ নাই, কিন্তু শিক্ষা সর্বত্র নিয়মাত্মকভাবে এক পদ্ধতিতে না হওয়াতে নানা বিশৃঙ্খলার সৃষ্টি হইয়াছে। এখন ইহা কেই নিয়ম ও শৃঙ্খলার মধ্যে আনিয়া ফেলিয়া গবর্নেন্ট ও বিশ্ববিদ্যালয়ের সহায়তায় একটা নাম বা শিখোনামার গৌরব দিয়া অবশ্রমিকশ্রী বিষয়সমূহের অস্তিত্ব কারণে পারিলেই দেশের স্বাধী উপকার সাধিত হইতে পারে। বিখ্যাত অপরাদ্ধ-বৈজ্ঞানিক পলানন যোবাল মারফৎ আমরা অগতঃ হইয়াছি যে, গাঁটকাটা ও পকেটমাররা তাহাদের বিজ্ঞাকে এমন স্তম্ভিত করিয়াছে যে, ইহা এখন বিশ্ববিদ্যালয়ের কারিফুলামকুচ্ছ বিষয় হইতে পারে। রাজাবাজার ও গ্যাডাডলা, বড়বাজার ও জগ্গবাবুর বাজার আজকাল সর্বত্র একই পথ। মনুষ্য হইয়া থাকে এবং ক্রুপাশি অনধিকা৩৮০৮জনিত সংঘর্ষ নাই। সমাজের ক্ষতিকর বিষয়ও যদি শিক্ষার মধ্যমা লাভ করিতে পারে, যাহাতে নিঃসংশয়ে সমাজের সর্বাঙ্গীণ কল্যাণ হইবে, তেমন শিক্ষা নিশ্চয়ই কতৃপক্ষেও সুবিবেচনার বিষয় হইবে।

আমরা এতক্ষণ ধান ভানিতে শিবের গীত গাই নাই। ধৈর্যশীল ও সহিষ্ণু পাঠকেরা শুনিয়া আনন্দিত হইবেন যে, ধৈর্য ও সহিষ্ণুতা শিক্ষার দিকেই আমরা এতক্ষণ ইতিমধ্যে করিতেছিলাম। যেখানে কট্টোল আছে এবং যেখানে কট্টোল নাই, উভয় ক্ষেত্রেই উপযুক্ত শিক্ষার অভাবেই আমাদের এত ক্রেশ, এত লাহনা, এত হেনসা। ধৈর্য ও সহিষ্ণুতার সঙ্গে ঘৃণা ও ঘৃণা, হাত ও পায়ের যথাযথ প্রয়োগ শিখিতে হইবে, উপরন্তু হাতসাক্ষী শিখিতে পারিলে ভাল। ভোরের শীতল আবেগ হইতে মধ্যাহ্ন সূর্যের প্রথর উত্তাপ পর্যন্ত গলি বোতল অথবা পারমিট কার্ড হস্তে লাইন দিয়া পথে দাঁড়াইবার অভ্যাস এই শিক্ষার প্রথম পর্ব; মধ্যাহ্ন মধ্যরাত্রির দিকে গড়াইয়া গেলেও ধৈর্যচ্যুতি ঘটিলে চলিবে না। টোলাটেলি শুভাণ্ডিত কহুই-প্রয়োগ এই শিক্ষার দ্বিতীয় পর্ব; বদলোবান চিমটি ও টাটি হস্ত করিবার শক্তি তৃতীয় পর্বে অর্জনীয়; স্বরণ রাখিতে হইবে যে, এই শিক্ষার পরীক্ষা মাথা ফাটাকাটি পর্যন্ত গড়াইতে পারে। অ্যালজেব্রা-মেড-ট্রিজর মত ট্রিজ পথও বুদ্ধিমানেরা অবলম্বন করিতে পারেন, তাহারও শিক্ষা আছে। গলি বা বোতল রাস্তায় আড়াআড়ি বসাইয়া বা শোয়াইয়া আমাদের যথার্থ হইতে কলিকাতা রেসকোর্সে চার ইডেন্ট রেস ফেলিয়া আসিয়া আবার যথার্থি লাইনে দাঁড়াইতেও বিচক্ষণ লোককে দেখা গিয়াছে। মুতি-শাড়ির কট্টোল-ধোকানে এই শিক্ষার চরম পরীক্ষা। উপরি উপরি যোলা দিন কিউ-রূপী অঙ্গর সর্পের লেজ হইতে মুখ অবধি পৌছিয়াও একজনকে বিফলমনোরথ হইতে

বেখিয়াছি। বাবে ঘণ্টা দশতান্তির পর দোকানীর মুখের "আজ নয়, কাল" উপস্থাপিত পনরো দিন হজম করা চাঞ্চল্যানি কথা নয়। ডিগ্রীর ব্যবস্থা হইলে ইহারাই উত্তরেট পাইবেন। ওজন-বহনরূপ সহিষ্ণুতার শিক্ষা ইহারাই আত্মসম্বন্ধ, পাঁচ সের হইতে আধ মণ কয়লা বহন করিবার জ্ঞান প্রত্যেককে সবদাই প্রস্তুত থাকিতে হইবে।

কটোলের শিক্ষা প্রায় এই জাতীয়। বাহার্য ঘূষের উপাসক তাহারিগকে ভিন্নভাবে ধৈর্য ও সহিষ্ণুতা শিখিতে হইবে, কিন্তু সে প্রশ্ন গোপনীয়। চিবাইয়া কীকার হজম করা, কাইবীতির রুটি খাওয়া প্রীহা যত্ন প্রভৃতির পরস্পর জোড়লাগা নিবারণ করা, অষ্টম ঘণ্টার জ্ঞান প্রতিবেশীতে প্রতিবেশীতে জৈব রক্ত মোক্ষণ করা, এক শিশি হুলিকৃৎসের জ্ঞান জামাই ও শব্দের গোপন প্রতিযোগিতা—শিক্ষার এই বিভিন্ন শক্তিগুলির একীকরণ সর্বাগ্রে প্রয়োজন। প্রাচীন ভারতীয় ইতিহাস ও সংস্কৃতির জ্ঞান যে বিশ্ববিদ্যালয় লক্ষ লক্ষ মুদ্রা ব্যয় করিতেছেন, সেই সংস্কৃতির ধারক আধুনিক মাহুশকে জীবন-মুখে প্রস্তুত করিবার জ্ঞান তাহার কি আগাইয়া আসিবেন না?

কটোলের বিভাগে আমাদের তবু কতকটা অশিক্ষিতপটু জন্মিয়াছে, কিন্তু কটোলের এখনও যেখানে "ব্রহ্মী করালানি" বিস্তার করিতে পারে নাই, সেখানে অবিলম্বে ধৈর্য ও সহিষ্ণুতা শিক্ষা প্রবর্তিত হওয়া আবশ্যিক। ইহার জ্ঞান প্রত্যেক স্কুলে কলেজে ক্রিমিকার্টিক ও অ্যাক্রোব্যটিক শিক্ষার ব্যবস্থা করিতে হইবে। বাসের দরজার হাতল ধরিয়া শূন্যে স্কুলিতে স্কুলিতে অবলীলাক্রমে সাড়ে তিন মাইল পথ অতিক্রম করা, ছই হাতে ব্যাশনের আধমণী দুইটি ধলি লইয়া চিড়্যাচ্যাপ্টা অবস্থার চলন্ত বাসের উপরে ধাঁড়াইয়া ব্যালেন্স রক্ষা শুধু নয়, পকেট হইতে ব্যাগ বাহির করিয়া তাহার মুখ খুলিয়া কণাটারের হাতে আনি ও আধআনি প্রদান, পিছনের বাস্পারের এক "জ" প্রবেশ উপর, আধ ঘণ্টা ধাঁড়াইয়া থাকি, তিনটা বাধাকপি, এক জোড়া ছুতা, ছাতা ও লাঠি লইয়া এক ছুট ধারণে এক গ্রোস লোকের ভিড় ঠেলিয়া চলন্ত গাড়িতে চাপা যে রীতিমত শিক্ষা ও অস্থূলন সাপেক্ষ, ব্যক্তিগত অভিজ্ঞতা না থাকি সবেও গবর্নেন্ট ও বিশ্ববিদ্যালয়ের কতৃপক্ষ তাহা স্বীকার করিবেন। মাধ্যমিক শিক্ষা-বিল প্রবর্তনের জ্ঞান এতখানি তোড়-জোড় না করিয়া ইহারে দেশের জনসাধারণের প্রকৃত্তম কল্যাণের মুখ চাহিয়া যদি আমাদের নির্মিত এই প্রাথমিক শিক্ষা-বিলটি পাস করিয়া দেন, তাহা হইলে ইহারের অয়জয়কার হইবে। এই শিক্ষা উপযুক্তভাবে প্রযুক্ত হইলে যে

সাম্প্রদায়িক সমস্তারও অচিরাৎ সমাধা হইয়া যাইবে, ইহা আমরা হৃদয় করিয়া বলিতে পারি। বে-ইজ্জৎ হইবার শিক্ষা আমরা দীর্ঘ সহস্র বৎসর ধরিয়া লাভ করিয়াছি, এতদিনে পথে-ঘাটে আবেহণ ও অবতরণকালে আমরা এত ঘন ঘন বে-আক হইতেছি যে, মনে হয় ইংরেজ শেষ পর্যন্ত লজ্জাবশেই ইণ্ডিয়া কুইট করিতেছে। একটা হুমহান ও সুপ্রাচীন জাতি যে কতখানি সঙ্ক করিতে পারে, তাহা সম্পূর্ণ অবগত হইবার পূর্বেই সম্ভবজ্ঞির অভাবেই ইংরেজ বিদায় লইতেছে, সৌভাগ্যের বিষয়, তাহারিগকে ইলেভেন-এ থি টু-এ অথবা তেত্রিশ নম্বর রুটে বাসযোগে বিদায় লইতে হইবে না।

স্বাধীনসম্রাট রবীন্দ্রনাথ প্রায় বাল্যকালে মাত্র বোলো বৎসর বয়সে (১২৮ বৎসরে) মধুসূদনের 'মেঘনাদবধ কাব্য' সঙ্কর্ষে যে বিরূপ কঠোর সমালোচনা করিয়াছিলেন, পরবর্তী কালে বাহ্যবাব বিবিধ কৈফিয়ত মাখিল করিয়া তাহার প্রায়শ্চিত্ত করিয়াছিলেন। রবীন্দ্রনাথ একদিন আমাদের কাছে তাহার বিরূপতার মৌলিক কারণ স্বরূপ গৃহশিক্ষকের একটি আকস্মিক চড়ের উল্লেখ করিয়াছিলেন। 'কবিতা'-সম্রাট বৃদ্ধদেব বহু আঙ্গ শৌচ বয়সে রবীন্দ্রনাথের বাল্যের তুলটারই সাক্ষাৎ পাইতেছেন,—মধুসূদনকে গালি গৌণ, মুখ্য উদ্দেশ্য রবীন্দ্রনাথের চাটুবাদ। যে চড়ে বালক রবীন্দ্রনাথের মানসিক অস্থস্থতা ঘটাইয়াছিল, শ্রোতের অস্থস্থতার জ্ঞান সেরূপ একটি চড়ের প্রয়োজন।

বৃদ্ধদেব বহু মধুসূদনের চূড়ান্ত শ্রাদ্ধ করিয়াছেন, যথা—
"মাইকেলের মহিমা বাংলা সাহিত্যের প্রসিদ্ধতম কিংবদন্তী, দুর্ভরতম কৃষ্ণাঙ্গার। তাঁর নাট্যরাজি অপাঠ্য, মেঘনাদবধ কাব্য নিশ্চাণ। তিনটি কি চারটি বাধ নিয়ে চতুর্দশ পদাবলী বাগাড়ম্বর মাত্র, এমন কি তাঁর শ্রেষ্ঠ রচনা বীরাঙ্গনা কাব্যেও জীবনের কিঞ্চিৎ লক্ষণ দেখা যায় একমাত্র তারার উজ্জ্বল। প্রহসন দুটিও কাঁচা হাতের কৃষ্ণাঙ্গ নকশা মাত্র, অনেকটাই তার ছেলেমাছাষি। মেঘনাদবধ কাব্য বানিয়ে-তোলা জিনিস। সমগ্র কাব্যটি হয়েছে ছাঁচে-ঢালা কলে-তৈরি নির্দোষ নিশ্চাণ সামগ্রী; অঙ্ক-পুরে অনধিকারী; কিঞ্চিদধিক ছয় সহস্র পংক্তির মধ্যে দুটি চারটির বেশি নেই বা প'ড়ে মনে হয় কবি কিছু বলতে চেয়েছিলেন। আমাদের আধুনিক সাহিত্যে মাইকেলের প্রভাব বলতে গেলে শূন্য, এমন কি মোহিতলালের প্রশংসনীয় উত্তমস্বপ্নেও তাঁর প্রবর্তিত অসিদ্ধাঙ্গর পর্যন্ত ছাড়ুঘরের মূল্যবান নমুনা হচ্ছেই হইলো; মাইকেলে শুধু আঁকাড়া অঙ্করণ; মেঘনাদবধ কাব্য দুর্দ্বীহীন গভীরগতির একটি অনবজ

উদাহরণ। তিনি ভীকৃত্যয় তাঁর অবজ্ঞাতন্ত্রন রামমেরই সমকক্ষ, রাম ধর্মভীরু আর তিনি প্রথাভীরু। তাঁর অহুপ্রাস শিশুতোষ, উপমা চ্যুতিহীন, পুনরুক্তি ক্রান্তিকর। শুধু যে বাংলা ভাষার প্রকৃতি বোঝেন নি তা নয়, সাহিত্যের আদর্শ নির্বাচনেও মাইকেল তুল করেছিলেন। যদিও অনেকগুলি ভাষা শিখেছিলেন এবং পড়েছিলেন বিস্তর, তবু একথা মনে করতে পারি না যে তিনি ট্রিকমতো পড়াশুনো করেছিলেন কিংবা পড়াশুনোকে ট্রিকমতো কাজে লাগাতে পেরেছিলেন। মাইকেল বিভার অহুধাবন করলেও রুচি অর্জন করেন নি; বাংলা সাহিত্যে তাঁর প্রকৃত শক্তির প্রকৃত অপব্যয়ের হেতু চারিদিকের অনটন।*

এই সকল অর্বাচীন অপ্রদেয় উক্তি প্রতিবাদে অধোগা, বুদ্ধদেবেকে ষাঁহাবা দেবতাজ্ঞানে পূজা করেন, তাঁহাদের কাছে মাত্র এই সকল আপ্রব্যাক্য মধ্যালাভ করিতে পারে। আসল সত্য ইহাই যে, বহু যোগ্যই তাঁহার রক্ত ও শিফার দোষে বাংলা ভাষার ও সাহিত্যের গতি ও প্রকৃতি একেবারেই ধরিতে পারেন নাই, তাঁহার দীর্ঘকালের সাধনা সম্পূর্ণ বিফল হইয়াছে।

বাংলা দেশকে দুই ভাগে ভাগ করার বিরুদ্ধে আমরা গত দুই সংখ্যায় কিছু সেন্টিমেন্টাল মন্তব্য করিয়াছিলাম, কিন্তু লীগ-শাসনের বোলার আঘাতের বুকের উপর যে ভাবে চালাইবার ব্যবস্থা হইতেছে, তাহাতে অতই মনে মনে বিভাগের স্বপ্নকে যুক্তি গড়াইয়া উঠিতেছে। এ বিষয়ে আগামী সংখ্যায় আমরা বিস্তৃত আলোচনা করিব। শুধু নাম লইয়া গোলযোগে পড়িয়াছি, যদি কেহ সমাধান করিতে পারেন উপকৃত হইব। বাংলা দেশকে কার্জন সাহেব যখন বিভক্ত করিয়াছিলেন, তখন আমরা বন্ধন আন্দোলন করিয়াছিলাম তাহার বিরুদ্ধে। আজ বাংলা দেশকে ভাগ করিবার জন্য যে আন্দোলন হিন্দু-বাহাদুরীরা আশ্রয় করিয়াছেন, তাহার কি নাম হইবে?

আমরা পূর্বে "সংবার-সাহিত্য" "দেবল-সাহিত্য"র উল্লেখ করিয়াছিলাম। ডক্টর শ্রীমতী রমা চৌধুরী অহুগ্রন্থপূর্বক 'দেবল-সাহিত্য'র সম্পূর্ণ ও সটীক অহুধার পাঠাইয়াছেন, আগামী সংখ্যায় তাহা প্রকাশিত হইবে।

সম্পাদক—শ্রীসত্যনাথ দাস

পরিচালক প্রেস, ২৫২ মোকনবাগান রো, কলিকাতা হইতে

শ্রীমোহননাথ দাস কর্তৃক মুদ্রিত ও প্রকাশিত।

ভাবী ভারতের ভিত্তি

ব্যাপক আয়োজন চলেছে নব ভারতের ভিত্তি স্থাপনের জন্তে। এই মহৎ কাজকে সফল করিবে তুলতে হ'লে নানাভাবে আপনার সাহায্য প্রয়োজন। ব্যক্তিগতভাবে এখন ব্যয়ের মাত্রা কমালে এক দিক থেকে পরোক্ষভাবে দেশ এবং প্রত্যক্ষভাবে আপনি লাভবান হবেন। ব্যয়কুঠ হ'লে শুধু যে বাজারে জিনিসপত্রের দাম কমে, তা নয়—আপনার সঞ্চিত অর্থ—তাঁর পরিমাণ কমই হোক বা বেশি হোক—দেশের উপকারে লাগে। কথাটা নতুন নয় বটে, কিন্তু অর্থ বিনিয়োগের সব চেয়ে নিরাপদ নির্ভরযোগ্য অথচ লাভজনক পন্থাটা জানা দরকার। শ্রাশনাল সেভিংস সার্টিফিকেট কিনলে এই সমস্য়ার অতি সহজেই মোমাংসা হ'য়ে যায়। আপনি নিজে যেমন এই সার্টিফিকেট কিনতে পারেন, তেমনি সব রকম প্রতিষ্ঠানও এই সার্টিফিকেট কিনে লাভবান হ'তে পারে।

কারণ

- বারো বছরে প্রায় দশ টাকা বেড়ে হয় পনেরো টাকা।
- ছুদের উপর ইনকাম ট্যাক্স নেই।
- শ্রাশনাল সেভিংস সার্টিফিকেট যেমন সহজেই কেনা যায় তেমনি আবার সহজেই ভাঙানো যায়।

এই সার্টিফিকেট বা সেভিংস স্ট্যাম্প কিনতে পারেন পোস্ট অফিসে, গভর্নমেন্ট কর্তৃক নিযুক্ত এজেন্টদের কাছে অথবা সেভিংস ব্যুরোতে। সবিশেষ জানতে হ'লে লিখুন : শ্রাশনাল সেভিংস ডাইরেক্টরেট, ১ চার্নক প্রেস, কলিকাতা ১।

শ্রা শ না ল সে ভিং স সার্টি ফি কে ট